

78. 186. 315.

ZRINY MIKLOUSH

ILI:

DOGODYÉNYA ZRINY MIKLÓUSHA,

- BÁNA HORVATZKOGA,

NYEGOVÉH DVÉH PRIATELOV, Y JUDITE

ILYEFALVI, IZ VUGERZKOGA NA HOR-

VATZKI PO J. P. PRENĚSHENA,

PO T. M. POPRAVLYENA.

1833.

VU ZAGREBU,

Pritizkana vu Ferencza Suppan

Szlovárnici.

*Ako hmánye zlo drugo neztigne,
Mech Pravicze prot nyimsze podigne:
Desznicza Bosdanzka nye szleduje,
Ter nye zlem, dobre z-dobré m daruje.*
Göbel.



CHTÉJEVCZU!

Akopremsze knyisicza ova pod zpodobum *Romána* van dáje, zadersávajusze vendar vu nyoj y vnoga iztinita, zatoszém nyu vu nash Materinzki Jezik obernul. Vidiju sze pako vu nyoj viteske zrésznoga priateľtva, y oztaléh krepoztih pelde, koje pokasújû, da prava krépozt akosze y za vréme vu práhu válya, na konczusze vendar z-radoztjum korúni: hmanyicza pako, ako dugshe y obtershúje krépozt, kastígi vendar nevújde. Kakszém ja vu preobrachanyu, tak morebiti vnogi y vu chtéjenyu szlàzt chutil bude, ter z-tem trúd moj naplatchen poztáne. J. P. 1823.

THE [illegible]

[The following text is extremely faint and illegible due to the age and staining of the document. It appears to be a list or a series of entries.]

D É L I.

TRI PRIATELI.

Zpomenek vekivechni oztáne vu chinov-
piszmaĥ Zriny Miklóusha, Bána Horvat-
zkoga, koi bil je vnuk glaszovitoga onoga
Czeszarzkoga Generála, y Grofa Juraja
Zriny, koi leto 1582 bahatnoga Perziancza
Vanderbega je potúkel, y szebe vu vnogéh
taborih Turzkéh glaszovitoga vchinil.

Vre vu detíntvu videlosze je, da Mi-
kula nash plemena szvojega vu Vitestvu na-
szlednik bude; ar kak je orusja rusenye, ali
trubente glász zachul, vsezèlye je chútil: —
vu orusju zadnyích odhrányen, ali miroven
vendar, y vszakomu dobro chiniti selèchi
do szmerti je oztal.

Vérne priatele zréšno je lyúbil, med
kojemi oszebujno dva Nemski mladenczi bili
jeszu: najmre: *Ruthard* od Pavenberga,
kojega l. 1626. vu' glaszovitem boju, po Ti-

liom Generalu Czeszarzkém proti Kráľyu Danie dersáném, ztari jeden szlúga josh vu malenozti je oszlobodil, akoprém Otcza nyegovoga vsze Imanye je poroblyeno, y Otecz izti zginul, da niti glásza za nyega chuti ni bilo. — Ruthard pod zkerbjum y ravnanyem szlúge szvôga nekuliko vřemena je sível: ali y ovoga zgubivshi, szim tam po szvétu je hodil, y nígdé szréchu nenajdúchi, zadnyich vtekelsze je k-Zrinyia, Bánu Horvatzkomu, koi nyegovu krépozt, y vitesko szerdcze zpoznavshi, nyega za oszebujnoga priatela je izebrał: drugi bil je *Hartwig* od Strejvalda, drugach Szakszónecz iz Grofie Rajsz, tak mogúchen, kak y Ruthard.

Ovisze dva od mladozti poznali jeszu, ter po zgubichku roditelov, y imetka zkupa doshli vu dvor Zrinyia, koi obodva jako je lyúbil; akoprem ov 40, on vszaki szamo 20 lét'h bi imel. Koi pako zméd ovéh verneshi bil je, iz povédanya szledèchega videlosze bude; ar ovdé y tak ni zpomenek viteskéh chinov Zrinyievéh, kojisze po vnogéh Chínovpíszmah obilno nahádyaju, nego oszebujno ovéh dvéh mladenczev.

Zriny Bán na szramot Turczém zezídal

je Grád pri Muri, y z-szvojem imenom Zriny-Grád ozval. Ovdé bilo je nyegovo naj dragshe mezto, vu kojem z-priateli ovemi je prebival. — Grád ov z-jedne ztrani briszala je Mura potok, z-druge velike gore, y odzád gúzte loze obztírale jeszu: ter vu nyem ovi dva mladenczi vu vszem dobru, y veszèlyu priatelztva Zrinyievoga vsivalisze jeszu.

„Jeli vu ovakovém priatelztvu y lyúba-
vi“ reche jednoch Zriny Bán, z-priateli ovemi ztrásu pregledavajúchi „na vek ozta-
nemo?“

Ruth. Zakaj ne? drági priatel! kakbi-
sze priatelztvo nashe zmeniti moglo?

Zriny. Nikaj na szvétu ni ztalnoga: y kaksze god izta nárava ménya, kada szun-
cza szvétlíntu nochna temnozt zakrívá, y létnu zeleninu zimzka ostrocha zatíra, ovak-
sze y szerdcze chloveka y lyúbav vechpúti premènya.

Hart. Nash priatel Zriny Bán míszli, dasze mi zpozábimo iz priatelztva med nami zaveznoga, vu koje nasz prijèti je doztojal.

Zriny. Hartvig! najsze tak prilizavati, y mene, priatela tvôga, za Bána ozívati. —

Neznam, kaj je nashemu Ruthardu; ochiszû mû szúzne. — Kaj tî je? Ruthard! dragi priatel!

Ruth. Neznam, kajmê pri szerdczu tischí, kada mîszlim, da priatelztvo nashe dugo terpelo nebude; neznam, odkud to dojde, y kakova neszrécha pod nami jamu kopa.

Hart. To je chudno mishlène! proszimtê, gdobi med nami priatelztvo razmetal, koje obdersati z-priszegum potverditi moremo?

Zriny. Hartvig! kada szmô mi priateli poztali, niszmôsze na priatelztvo z-priszegum zavèzali: znash, daszêm ja priszege zaobztujne nepriatel; posténomu chloveku, y zrésznomu priatelú ni potrebno nikakove priszege: alí puztemo ova na ztrán, zakaj bisze saloztili, gdé ni potrebno?

Hart. Y ja to mîszlim, dragi Zrinyi! hodmosze rajshi razveszeliti z-vinom, ja idem, da zapoved tvoju zvershí Gradzki Oficzer.

Zriny. Akotîsze tak dopáda, Hartvig! nemáram, hodi: ja z-Ruthardom taki za tobum dojdem, szamosze nekaj malo z-nyim zpominâti imam.

Hart. (z-szobum vu odhodku) kaj meni nebi szlobodno vash zpomenek chuti?

Zriny (objemshi Rutharda) Pravszî rekel, dragi Ruthard! da nashe, kak je szada, priatelztvo med nami dugo terpelo nebude: Hartvig mîsze nekak nedopáda; nimam vech vu nyem, kak predi, zaúfanya, vidimîsze nekakove proti meni hman pszine kovati.

Ruth. Morebit to nyegovo szíromastvo zrokúje, na koje kagoder ja, taki y on mîszli.

Zriny. Ó Ruthard! múchi od toga: kadaszêm ja vam moje dobrochínztvo zpochital? kak bi vi szíromáki bili, kadszêm vam dozt púti povedal, da moj imetek je y vash zkup? ne dragi Ruthard! Hartvig nekaj kúha proti meni; z-mojem priatelztvom ni zadovolyen; nekaj vekshega imeti sell: kaj ja vu szerdczu nyegovém zpoznávam, je, da czelo priatelztvo nashe zmeshal bude.

Ruth. kajbi to moglo biti? drági Priatel!

Zriny. Ja toga tebi odpréti nèchû, niti tvôga szerdcza saloztiti, ti vre poznash mene, y moje proti Turczem Szaraczénom odurjávanye. — Jaszêm Szaraczénom na szramot ovoga gráda zezídal, nego, kak vidim, Hart-

vig nemiszli meni vu tom na haszen, nego na skodu bití.

Ruth. kaj z-toga izíde?

Zriny. Nemiszli ti vendar zato, dabi priatelztvo nashe preztalo, doklamgod szam Hartvig priliku nebude dál za ovo potrėti: hodi idemo vu palachu. — Hartvig je to za zlo vzèl kakszém zpazil, da mi taki za nyím nízsmô ishli: dersísze nash priatel, zakaj sze anda nato szerdi, dasze mi prez nyega zpomínamo? kakti iztinzki priatel nebi szmel imeti nikakove vu nasz dvojnoztí: pazi dobro, Ruthard! kak na iztinu dójde govorènye nashe: Turczisze jako hruztiyu na moj Grád, vre budemo videli Hartviga proti meni mishlènye y vernozt — —

Odídeju anda v-palachu, gdé je nye Hartvig chakal, y zpoznaju ochiveztno, dasze je na dugo chekanye szerdil: szedeju k-ztolu, piju, jedú, y víno je vsza mishlènnya iz glave nyim ztiralo. Dugo terpelo je ovo nyihovo priatelztvo, doklam zachúje Zriny, dasze Turczí na nyegov Grád zpravlyaju, y nyega porushiti selé, koi Kaniskomu y drugém Turzkém grádom na veliku zpachku je bíl.

Zriny szvoje mezto y Gráda nezmer-
no jerad imel, y zato vsze náchine je izkal,
kakbigá proti Turczom braniti mogel?
szadamû ada bílo je potrebno jednoga do-
broga priatela, vu kojegabisze zaúfati, y k-
Leopoldu Czeszaru za pomoch prosziti po-
szlati mogel. Zato je miszlil, da k-tomu nigdo
prilichnéshi nebi bil, kak Ruthard y Hart-
vig: - ada ove dva narèdi, y nyim pové, kaj
z-Czeszarom dokonchaty, y kakove nyegove
zkrovne pláne nyemu ochituvaty moraju: za
pajdasha nyim ni odrèdil nikoga, dokonchav-
shi da szami ovi dva putuvaly budû: doshel
je anda dan odhodka nyihovoga, y nye k-
szebi zezove; koji nyemu zresznu vernozt
obechaly jeszu: ter tak oborusny v-nochy sza-
my genulizse jeszu: — Ruthardu nekaj smeh-
ko na szerdczu je lesalo, miszlèchemu, da
vech nigdar vu takovém Priatelztvu videli
sze nebudeju: kaj y Zriny chutèchi jakosze
je pri odhodku ovéh razsaloztil.

D E L II.

HARCZUVÁNYE.

Z-zakritum y vu kepenyke ztishnyenum
glavum oborusny ovi dva mladenczy tak ber-

zo odhádyali jeszu, kakszû konyi hitro iti mogli : y kadabi nekuliko vre dnèvih putovali, dójdû v-jednu shumu, v-kojoj nezna-júchi púta zablúdili jeszu, tak, da chez noch pod jedném drévom pochívati priszilyeni jeszu bili : drugi dan izchúchi púta vsze dalye bludili jeszu, y pak vu Shumi oztatiszû mórali; kajti vendar, lepo je Meszecz szvétil, velí Ruthard Hartvigu „Hodmo dalye, kada nam tak lepo szvéti Meszecz“

Hart. Jaszêmsze vre jako zatrudil: kaj budemo po nochi szim tam blúdili? rajshiszî hochemo óvdé pochinuti.

Ruth. Ali znásh, kak nasz je priatel nash, Zriny proszil; dasze poszel nash szilni kaj berse zvershiti terszimo?

Hart. Dobro! Ali Zriny nezna, kaksze pó szvétu putúje; mi nemóramo gledeti szamo, nyegovu selyu zpuniti; nego y za nasz zkerbeti móramo: Znásh dobro, kak je pogibelno ovúd putúvati, gdé tolvaji szim tam hodiju: moremosze raduvati, dasze óvdé zkrijemo.

Ruth. kakoveszû to réchi? Hartvig! ti niszî tak! navaden govoriti, kakti korasnoga

szerdcza budúchi: to niszú réchi za priatela Zrinyia: odkud to premènenye?

Hart. To tî je iztina, daszêmsze ja premenil: y szam vre nekuliko vrémena chútím: nego imam zadovolyen zrok; — premiszli, moj Ruthard! kakovo je sziromasko sivlenye nashe; — miszmô dva iz plemenitoga pokolènya, nashi ztareshi jeszu blaseno, y vu obilnozti sively: ali saloztno pripetchènye je nasz vszega mentuvalo: jeszmo szad na to doshli, da kakti bogczy iz miloztche drugoga sivetí móramo: — komu ada to nebi sal bílo? gdosze nebi nad ovum neszrechum saloztil?

Ruth. Nesívemo mi kakti bogczy; miszmôsze szami vu szlusbu povdali, y Zriny nasz ne kakti szlúge, nego kakti priatele je k-szebi vzèl.

Hart. Á kaj nam haszni, moj Ruthard! Priatelztvo nyegovo? tosze berzo prehititi more: gdo zná, da Zriny na vek vu ovakovi z-mosnozti oztáne? ima vnogo nepriatelov, koji nyega y nasz zkupa v-pogibel poztavê, y zpravê?

Ruth. Priatelztvo nyegovo meni vszìgdar drago oztáne.

Hart. Ti moresh tak miszliti, arszî ti

blise szerdcza nyegovoga, kak ja: vidim od nekuliko vremena neztalnozt vu priatelztvu z-Zrinyem, y zato budem izkal náchina, kakbisze oszlobodil pogibeli.

Ruth. kakbi to moglo biti?

Hart. Za szebe zdersávati, y szrechnoga vchiniti, vszakoga Chloveka je perva du-snozt: y akosze ja lyúbim, móramsze zker-beti, dasze Zrinyia oszlobodim, á szada je prilika k-tomu.

Nato Ruthard zamúkne; arszûgá réchi ove jako razsaloztile · prav je rekel Zriny, miszlil je vu szebi, da priatelztvo nashe duggo terpelo nebude; y dasze ov pervi od nasz odlúchil bude; kajsze jednomu postenomú, y plemenitomu chloveku nepriztoji.

Vu ovém mishlènyu nadoshel je szeny; ter obodva zamuknuli y pozpali jeszu: kad' szûsze prebudili, szúncze je vre izishlo, y verhúnczi drévja pocheliszûsze szvétiti, ztanovnikov shùmzkeh veszelo popévanye chulosze, pticze z-germja szim tam zkakale, y hránu veszelo zizkavale: putniki hitivshi na szê Kepenyke, dalyeszû muchèch putuvali: y kadabi bili púte zgledavali, zpaziju na jenk-krat turne od jednoga grada, y dokonchali jeszu nutersze navernuti, za prosziti, đabi

îm gdo púta pokazal; arszû presheztnu noch
 pobludili bíli. — Putujúchi namerijusze na
 jeden potok iz pechine dolé tekúchi: zatém
 na lepa vu shumi drévja, z-med kojéh jedno
 oszebujno z-lépemi y vugodnemi szversmi je
 bílo obloseno pod ovemszû poztali, y zpazili je-
 dnu lépu dévojku, kak Vilu, zpèchu: poleg nye
 pako jednoga ztrahovitoga z-medvedzkum ko-
 sum oblechenoga, y oborusnoga z-ztrashnum
 brádum chloveka, gol mech vu ruki dersè-
 chega, y merzko na zpèchu gledèchega. „Ha!
 govoril je“ Zpi mirno, ti gizdáva pucza! od
 ovudsze vech nigdar neztánesh: ovdé tebe o-
 durna lyubav vumori“ y kad'bi to zrekel,
 podígne mecha, y hoche prebozti dévojku:
 kaj vidèchi ovi dva, zpukneju szvoje meche,
 y prizkochiju k-ovomu kervoloku, govorèchi:
 „Ztani! ztani, ti bestia!“ y Ruthardt odri-
 nul je kervoloka od dévojke, koja od kricha
 ovoga zbudilasze, zakriknula y pobegla je:
 ali kervolok od szerdcza ruchèch navalil je
 na szvoje nepriatele: Hartvig na pomoch
 dévojke szim tam derchèchi je opal: Rut-
 hardt pako z-kervolokom je vojuval, koi od
 nyega jakshi budúchi Ruthardu je ruke po-
 székel: ali on szebe vidèchi vu kervi z-vek-

shum jakoztjum na kervoloka je navalil, y nyega gluboko ranil: kojega kadabi kerv obtekla, dolé je opal, y onda Ruthard vu persza nyemu Mecha je zabol, ter tak vu kervi playajúchega, y z-szmertjumsze borèchega oztavil: povernesze, miszlèchi, kaj je, da Hartviga poleg ni bílo: aligá on najde poleg dévojke, kaja je od ztraha omeglela bíla, y nyu k-chutenyu dopelyati terszilsze je.

D E L III.

JUDITA ILYEFALVI.

Kad' bi bíl Ruthard nadoshel, ravno dévojka k-szebi je doshla, ochi hiti na Hartviga govorècha: „Takszém ja szad oszlobodyena! — komu imam za ovu dobrótu zahváliti?“

Hart. Meni, y ovomu mojemu priatelu, dvém nemském Mladenczem na szréchu ovud putujúchém.

Judit. Á gdé je pak Dühösdy? gdé on kervolok, koi je mene sivlènya mentuvati hotel?

Ruth. Jaszém gá vmoril, akoprem vitesko szebe branèchega.

Gozpod. Ó Bose! tak zbog mene kerv prelejatisze je mórala, oszebujno pak plemeniteh Mladenczev: Ó! z-chem bi ja mogla vam vashe dobrochinènye nadomeztiti?

Hart. Jedini nyihov pogled nam nadomeztí nashe proti nyim dobrochínztvo.

Gozpod. Y Oni szú morebit ranyeni? ali ne: proti nyim bíl je on kervolok miloztív-néshi, kak proti nyihovomu pajdashu.

Hart. (szramujúchisze) videlszém; draga Gozpodichna! daszú besèchi, od ztraha omeGLELI bíli, zatoszèmsze surel nyim na pomoch, ufajúchisze vu priatela môga jákozt, da on kervoloka obláda.

Gozpod. (ostro gledècha Hartviga.) Hválím vam obodvém: y kuliko ja nemorem vam dozta zahvalna biti, to vam moj Tètecz obilno naplatí.

Ruth. Jeli dalko od ovud ztojí nyihova rodbina? moj pajdash nyih tam odpelya, jagá ovdé pochákam.

Gozpod. Rana nyihova nyih, drági Mladencz! bude chizto gingavoga vchiníla.

Ruth. Nemáram; meni je szamo jeden mali pochinek potreben.

Gozpod. Yfmeni takaj: takszî pochini-
mo ovdé nekuliko vremena.

Hart. Akosze zopet nepripetí kakova
z-nyimi neszrecha.

Gozpod. Ó ne! ako Dühösdy nesive,
takszém szegurna.

Ruth. Doksze ovdé pochinemo, pro-
szimo, dragu Gozpodichnu, da nam poveju,
kogasmô imeli szrechu od szmerti oszlobo-
diti? y kaj je genulo kervoloka onoga nyih
vumoriti hoteti?

Gozpod. Dusnozt moja proti vam szobum
donasha, da vamsze prepovem. Zovemsze Il-
lyefalvi Judita, moj Otecz bil je vu Erdely-
zki Zemlyi plemenit chlovek, gdesze je y
grad nashem pridovkom zval, vu kojem
kakszêmsze komaj narodila, bil od Turczev
poroblyen, y na nikaj deven: Mati moja po
porodu mojem je od ztraha vumerla, a Otecz
sze z-menu Turczev szrečno oszlobodil, ter
z-jednem szlugum, koj je kincha, kojega
Otecz vu roblenyu szobum pograbil je, no-
szil, y z-menu szim k-Dunaju vu grad Brata
szvôga je doshel; koi nasz je szerdcheno
prijel: ali-ovde je mene neszrecha ztigla,
kojesze negda nadejala nészém - Otecz moj,

komaj leto dan pri bratu buduchi je vumerl; y onda Tetecz moj Illyefalvi Istvan moje odhränenye na szê je prijel. Ah! komajszêm poznala Otcza mojega: nebi bila mogla miszliti, dabisze tak nechemurno z-nyegovem detetom baratati moglo, kaksze z-menum po szmertí nyegovi baratche: kadaszêm bila odraszla nekuliko, povedalmî je ztari szluga Otcza môga dobrotu, y z-zem vekshu tuga y salozt je meni zavdal: kakszêm onda Otcza zgubila, od vszeh szêm oztavlyena; nikoga vu gradu nemam, komubisze vtechi y pri-tusiti, ali salozt moju odpreti mogla: Tetecz moj je mene za naj menshu falingu ostro ka-stigal. — Ali, o Bose! kaj ja to vam pove-dam? y proti odhranitelyu sze mojemu tu-sim. — Alimî je to vre zdavna na szerdczu lesa-lo, dragomî je, daszêm vam odpreti mogla.

Ruth. Batrivo leztór povedaj nam, dra-ga Judita, akoprem je nam nevolyu tvoju tesko chuti.

Jud. Detchintva moga ztlish kak y yezdashnyi vre zkoro vam povedala jeszem: gdo je pako on Düköshy bil, kojegazté vu-morili, szada vam povedati hochu. Bil je jeden plemeniti Magyar, ali salozt! da je

kerv szvoju plemenitu tak gerdo zamazal. Zaizto zlochezt chlovek ; argâ niti moj Tetcz ni terpel: ali né mû verdar kratil y prechil mene lyubiti: kajti je pak zpazil, da niti moje lyubavi, niti Tetcza môga priateljstva nadejatisze nima, nakanil je drugem nachinom mene k-szebi privlechi. Kadabi jednoch z-mojemi oborusnemi szlugmi iz velikoga proztchenya chez ovu lozu ishla, Dühösdy z-szvojemi szlugmi iz nenada po tolvajzki na nasz je navalil, ter da nebi glasza mogli domom donezti, vsze je porasal, mene pograbil, y vu szvoj grad odpeľyal. Od moje salozti, koju terpela jeszem, kadamê sziliti je hotel, dagâ lyubim, szada nikaj govoriti nèchû: jedna vendar gradzka sena imajucha z-menom pomiluvanye, dala mî je priliku za zkochiti, kada on vu lov bil je preshel: szrecha mî je poszlusila, y ja prez vszake neprilike vu grad Tetcza môga doshla jeszem: koi mene zpazivshi lyuto je dozkochil, y szerdito pital, gdeszêm tak dugo bila. Kajszêm drugo vchiniti mogla, akopremszêm oni seni, kojamê je oszlobodila, obechala, da nikomu povedati nèchû, vu kojemszêm meztu poroblyena bila, na tak ostro vendar pitanye przszilyena szêm bila vsza

Tetczu mojemu povedati: na kaj sze je on razserdil tak, da z-szvojemi szlugmi hitro na grad Dühösdia, naj menye kaj takvôga miszlehega je navalil, szluge nyegove porasal, y grada posgal: Dühösdy vendar otajnem putom je nekam bil pobegel, da nigdo za nyega ni znal: ovaksze je vszega mentuval, y na szinomastvo doshel. Zarad chesza josh vu vekshu szerditozt je prepal, videchi, da mene vech nikak imeti nemore; ar niti nebi imel kam mene odpelyati, zato dokonchal je mene vmoriti: znal je pako, da ja vu ovo vugodno mezto dohadyati, y mene razveszeliti navadna jeszem, zato dugo vremena na mê je pazil; ar vech kak meszecz dan je preshlo, da szim hodila niszêm, bojechasze, da y pak vu kakovu nepriliku nevpadnem; szadaszêmsze nekak iz perveshe moje nezreche zpozabila, y hotechasze kuliko razveszeliti, doshlaszêm bila szim', y kajti perveshu noch maloszêm zpala, leglaszêmszî bila ovde na travu, ali jaj! vechsze nigdar odonud ztala nebi bila, da vasz szim, dragi Mladenczi! szrecha doneszla nebi bila. Zchem ja vam dobrotu vashu naplatiti bi mogla, neznam; ufamsze vendar, da vam jû moj Tetcz nadomezti.

Ruth. Mi nészmô za kakovu hvalu ali platchu nyih oszlobodili, draga Juditha! nego je to nasha dusnozt bila.

Hart. Ztemszmô chizto zadovolyni, daszmo szrechu imeli jednu tak lepu Vugriczu poznati, y vu nyojsze raduvati moremo.

Jud. Najtemê tak zvishati: nego ufamsze prosziti, damê vu grad mojega Tetcza odpelyate; ar vidim, da zbog mene kervavi jezte, a ja vasz vre dugo zdersavam, vi zaizto pochinka, y pomochi vrachenya potrebnijezte.

Ruthard medtemtoga ranu szvoju je bil zavezal, ztalsze je iz zemlye, y chedno poleg Judite ishel, y z-Hartvigom, koi zmir ochi na nyu vaperte je imel; ar nyeina lepota jemû k-szerdczu vudrila. Ali niszû dugo zkupa ishli, nut zpaziju jednoga vu magyarszki opravi z-pripaszanim velikum szablyum z-jagarzkem na vratu rogom, ztrashnemi muztachi, y z-kalpakom na ochi pritishnyem proti szebi iduchega, y z-shēregom kopovov obztertoga, koji videchi ztranzke lajati pocheli jeszu. Ztrashen Jagar poztal je, kad je zpazil Judithu med dvemi Mladenczi: Judita je zproti poznala Tetcza, y nyegovu

szerditozt, zato mahom pred nyega je ishla, y dopovedala nyemu vsze pripetchènye. Nadto on odgovori: neszî vredna toga oszlobodyenya, arszêmtî prepovedal, da nehodish szama vu ovu lozu, pak nészî poszluhnula: od szada tî chizto ovo lozu za navek prepovedam. Z-temsze oberne k-mladenczem, y nyim za trud, y dober chîn zahvali: nyegov vendar pogled ni kazal, dabimû bilo nad tem kaj lesechega, daszû Juditu oszlobodili, nego je taki odishel mezta izkat, gde je Dühösdÿ vmorjen lesal: niti je hotel zpaziti ranu Rutharda, koju zavezati y vrachiti Juditi bi bil zapovedati mogel, nego zapuhnul je vu rog, y dalye odishel, niti na ztranyzke ove nemiszlechi; oviszû zazablyeni za nyim gledeli: Judita je zdehnula, y obodva vu grad odpelyala, gde vszu zkerb je imela za zavezati ranu Rutharda, vrachitelu pomagala, y obodva z-jélom y pilom podvorila. Ruthard, kad'bimû vnogo kervi izczurelo bilo, poztal je tak gingav, da je vu poztely lechi moral, y Judita mû je verno dvorila: Tetecz nyein nikaj szî ni glavu terl z-ztranyzkemi Mladenci, léztor domom dojduchi zapovedal je szvojemu Oficzeru vsza potrebna dati,

y to je bilo vsze nyegovo naplatchenye. Rut-
hard vidèchi preveliku Judite proti szebi
zkerb y dvorbu, miluvanye, dobrotu, y
veszele rechi nyegovo szerdcze takszû pre-
mogle, da je on na berzom valuvati moral,
dabi on do szmerti szvoje poleg Judite oztati
selel: ali pokedob'h vidi, da nyegov szadashnyi
ztalish, naj vech pako Tetcza lyutozt, y ne-
chlovechnozt nyemu tu szrechu prechila bu-
de: k-tomu y pri szerdczu nyemu je lesalo,
videch, da poleg nyegovoga betega poszli
priatela Zrinya odvlachijusze, koje berzo o-
baviti on je nyemu bil obechal: zato kad'bi
ovak szam bil, y videl Hartviga pri obloku
zamishlyenoga szedehega, pozove nyega k-
szebi, y pita: kaj je tebi? dragi Hartvig!
kaj szisze od nekuliko dan tak premenil, ti-
sze, kak vidim, nekaj saloztish, kaj, pro-
szimté, grize szerdcze tvoje?

Hart. Vkanyujeshsze; ja nikaj neznam
od salozti: ravno morebiti, da niszém ve-
szel, alisze to vechput pripetcha: vidi Bog,
da y zroka imam, zakaj niszém veszel.

Ruth. Kakov bi to zrok mogel biti? bili
ja, tvoj priatel, to znati mogel?

Hart. Kaj neznash moje zroke? vendar-
szêmtî vre povedal, kak miszel môga sziro-
maskoga ztalisha je meni odtéla vsze vesze-
lye y radozt; nego naj bude z-Bogom! dugo
toga nebûm terpel, hochu gledeti za drugi
nachin sivlenya mojega makar zlo izishlo bude.

Ruth. Ah! oztavi to zlochezto mishlenye:
o Bose! kak mene saloztî, kada chujem ta-
kove rechi od mojega priatela: ja neznam,
kakovatê teskocha muchi; kada dobro znash,
da imamo viteskoga priatela Zrinya, koi nasz
vu vszem pomore.

Hart. Ako je Zriny takov priatel, zakaj
nasz do vezda vre ni pomogel?

Ruth. Kajti nasz josh do szad ni dozta
zezvedel, y morebit josh nisz mô zaszlusili
dobrochinztva nyegovoga.

Hart. To je lepo govorenye! jeli potre-
bno priatelû vszigdar na vernozt chekati? sza-
mo mî muchi od Zrinya, ja nikakovo priatel-
ztvo vu nyem nezpoznajem: mogelbi nasz
szrechne vchiniti, pak nèche.

Ruth. Hartvig! Hartvig!

Hart. Ja znam, datê bantujem ztem, kaj
od Zrinya govorim, aliszî ja pomochi nemo-
rem: gledeti moram, da mé szrechnoga vchi-
niti morem.

Ruth. Dajmo mira vszemu tomu, ho-
chemosze kaj drugo zpominati: naj sze salo-
ztiti, dragi Hartvig! szada namsze prilika naj
bolysha kase, gde moremo priatelu nashemu
Zrinyu vu veliki potrebochi poztavlyenomu
pomochi: meni szad to z bog betega ni mogu-
che, zato hodi ti, dragi priatel! vu dvor Cze-
szarзки, y poszel dokonchaj tam, da selyu
nashega priatela Zrinya zpunish, szegurno
veliku od nyega zahvalnozt nadejatisze imash.

Hart. Merzlu zaizto imam selyu za zpuniti
Zrinya naredbu, ti moresh bolye kak ja zpu-
niti poszel nyegov.

Ruth. Dragi Brate! premeni nakanenye
tvoje: nepriztojisze to tebi, da nebi priatela
tvôga Zrinya volyu zpunil, hodi ti napervo,
y ja za tobum na zkorom dojdem.

Hart. Ja to tesko verujem.

Ruth. Zakaj ne?

Hart. Kajti je tebi jako lepo poleg
Judite.

Ovo zgovorivshi, odishel je, niti je cha-
kal odgovora: Ruthard pako vu szebi je
mislil, kaj bude iz ovoga chloveka. Zakaj
ov chlovek od mene tak zlo miszli: o Zriny

Zriny! nészî ti zahman rekel, da on pervi razmetche priatelztvo nashe:—Nad to nadojde Judita y pretergne ov zpomenek: pod vecher dojde Hardvig vu hisu opravlyen, y reche Ruthardu: z-Bogom brate! ja odhadyam vu Bech, da Zrinyev poszel dokoncham kajti pak znam, dasze tam duse zadersavati budem moral, ufamsze tebe tam na zkorom videti: Ruthard je pohvalil nyega y nyegovo mishlenye, hotel je vishe z-nyim govoriti, ali Hartvig pritisznul kalpaka na ochi, podalmû ruku, y na jenput odishel.

Kak berse je iz grada Hartvig odishel, vnogo vishe je Judita pri Ruthardu oztajala, y iztinzki valuvala, dasze jako raduje, da je Hartvig odishel; ar nekaj zpoznavava, da vu nyem postenoga szerdcza neje.

D E L IV.

SALOZTNO PREDZNAMENYE.

Kajti Judite Tetecz vszaki dan po lovu je hodil, imela je ona priliku z-nyimsze obilneshe razgovarjati: y z-ochmi kazaliszû jen drugomu lyubav, akoprem toga z-vuztmi ochituvali nészû. Zaczela je zadnyich rana Rutharda, y nyega poszel Zrinya je vlekel, akoprem

z-Juditum navek oztati bi bil selet: y Judita razsaloztena pitala je Rutharda, jeliſze bude iz Becha k-nyoj nazad iduch navernul.

Ruth. Dasze nebi, draga Judita! odgavori on, Tètca nyihovoga bojal, tobi za ſzegurno vchinil, ali-gdo zna, jeli nyemu y do ſzada moje ovde zadersavanye ſzuprotivno ni bilo.

Jud. To je iztina, da je on jeden chuden chlovek.

Ruth. Draga Judita! ja nyim ſzada vu odhodku mojem odpreti moram, kaj na ſzerdczu mojem leſi; najmî vérujû, da vu ſalozti odhadyam od ovud, y moje veſzelye ovde pri nyih oztaje.

Jud. To mî je iz ſzerdcza ſal: ali jeli tomu mochi pomochi? jaſze ufam, dasze y nyim, y drugem pomochi bi moglo.

Ruth. O Judita! moje ſzerdcze prez nyih nigdar vech veſzelo nebude; y lyubav moja proti nyim ztalna oztane.

Jud. Ufanye nezfali (*chez nekoliko vremena*) Ruthard! Ruthard! nyihovasze lyubav z-mojum nadomeztcha.

Onda nyu objemſhi, Ruthard reche: ah! Judita! andaszî ti moja: O Boſe dragi! gdo

nashu med nami lyubav razdvoji: tiszî moja do szmertî moje: y szrechen ja za navek! ali - kak bi mē saloztilo, dabi ja morebiti tebe neszrechnu vchinil.

Jud. Ruthard dragi! mene neszrechnu? O! poleg tebe ja navek szrechna budem.

Ruth. Poleg mene anda oztani zmir; jatê nigdar neoztavim: o Bog bi dal, dasze nasha lyubav nigdar nepretergne, y mi jen drugomu vszigdar verni oztanemo.

Jud. Lyubav mora biti zaufana, ne dvojnlyiva: ti nemoresh znati buducha, y zatosze bolye ufati, kak bojati imash; neszrechej y pogibeli morejusze nam groziti, y preganyani biti, zato vendar lyubav nasha naj bude ztalna; koi iztinzki lyubi, rad terpi, po preterplenju pako nadejatisze je najema.

Ruth. O plemenita Divojka! kak veszelish szerdcze moje! hochu imeti ufanye, hochu chakati, vsza rad podnezi, leztor da ti navek moja budesh.

Jud. Ova naj bude nasha, Ruthard! ztalna pogodba, kojasze med nami naj nigdar nepretergne.

Ruth. Nigdar y nigdar, dok sivel budem: o Judita! hochemo ovu nashu yu szerd-

czu nashem pogodbu zapechatiti z-jednem
 vugodnem kusczem! — zaizto ov prvi kushec
 bil je obodvem zevszem vugoden, koi nye
 omamlyene y nepazlyive je vchinil; ar ra-
 vno onda na naglom Istvan vrata odpre, y
 k-nyim dojde, da zkoro zpazili nészû. Rut-
 hard 'vu ztrahu buduchi zkochil je, y podel
 mecha szvojega proti mechu Istvana, argâ je
 ov vumoriti hotel. Judita vsza zvun szebe
 od ztraha komaj vu jeden kut je pobegla:
 Ruthard zbil je mecha iz ruke Istvana, y
 vszum jakoztjum nyega pograbil, y na zem-
 lju hitil; doksze je pako on gore zvlekel,
 za toga je odbesal, na konya, koigâ je y
 tak pripraven chakal, zkochil, y berzo od-
 jahal; ar znal je, da Istvan za nyim pojde; y
 zato tak je z-konyem odletel, da je kony vre
 chizto opeshal, y pochinutisze moral: ovak
 pochivajuch premishlyaval je, kaj je vchinil, y
 kak on drage szvoje Judite Tetcza szebi ve-
 likoga nepriatela je napravil, videchi lyubavi
 szvoje pogibel: a naj bolyesze vu tom trapil,
 da nechemurnomu Istvanu vu rukah dragu
 szvoju je oztavil, y nikakovu pomoch izka-
 zal. — Kakszi je kony opochinul, dalye je
 putoval, y prez vszake neprilike vu Bech

doshel, gde naj pervich priatela Hartviga je izkal, y teda negda za velikem zezvedyanyem nyega szrečno nashel, y kadabi bil z-nyegovem obavlyanyem nezadovolyen, izkal je priliku szam z-Leopoldom Czeszarom govorit, y Zrinyev poszel dobro dovershiti. Zatem y z-Hartvigom priatelzki zpominati sze ni zamudil, zaufajuch nyemu lyubav szvoju proti Juditi, y obechanye nyeino proti szebi: kaj-sze je nyemu od Istvana zbog toga dogodilo, y kak je neszrečno od onud odishel.— Vsza Hartvig tusno poszlushajuch muchal je: y potom zpazil je Ruthard, damû nészû ova po volyi: zatem obodva iz Becha odishli jeszu, y doshli berzo vu Vugerzku zemlyu; ali ne tam, gde je Judita bila, ar niti tam zbog szerditozti Istvana iti ni szmel, a y tak poleg zapovedi Czeszara nekuliko Austrianzkeh Oficzerov je nye zprevadyalo.

Putujuchi pako dozpeli jeszu vu jednu veliku lozu, gde zbog naztajuche nochi oztatiszû morali: zagledavshi pako jeden veliki ogeny, kajtiszû dobro vszi bili oborusni, gyegyer-no tam prez ztraha ishli jeszu, y blizu dojduchi zpazili jeszu veliku chetu muskeh y senzkeh glav'h z-detczum, poleg ognya ztojechu,

y nekakovu vparnyenu divjachinu pekuchu: nekoje takaj na guszle pleszuche: Austrianzki vojniki toga josh nigdar neszû videli, nego Ruthard y Hartvig dugo vremena vu Erdelu buduchi, znaliszû, da ova cheta mora biti cziganov, koji k-nyim taki prizkochili jeszu, y med nyimi jedna baba z-maztnemi laszi, y odurnemi ochmi, kojoj na plechi vu jednom vilahnu dvoje detcze ztalo je, kakti dva stroki iz gnyezda gledechéh: szim szamohodte, veli baba, nigdo ovde nezna tak prorokuvati, y vashu szrechu ali neszrechu tolnachiti kak ja; szamomî dobro platete, ja vam povem, kakov sitek, szrechen, ali neszrechen na szvétu imeli budete: — jednomu ada Nemskomu vojniku pregleda na shaki silicze, y povedamû, da szrechen bude: y ov jû je dobro naplatil: Ruthard y Hartvig chakaliszû, doklam y na nye red je doshel. Hartvig je turoben poztal, bojechisze, da nebi baba cziganicza nyegovo hman szerdcze y neveru proti priatelu Zrinyu ochituvala.

Kada je cziganicza Ruthardovu ruku pregledala, nyein veszeli obraz na saloztsze je oberнул: y zkrikne: sziomaski ti chlovek! jaszêm pajdashem tvojem dobru szrechu ob-

znanila, ali tebi nêmorem: nêchûtê vkanyuvati; najsze vendar saloztiti, tebi velike neprilike y pogibeli napervoztoje, ali zadnyich vsza obladaš, y veszelilsze budesh: ti imash priatele, nego mê poszluhni, ti nyim naj vsze veruvati, jeden je med nyimi, koitê vu pogibel zapelyati hoche; o! on seli tebe pravichnoga, y druge z-tobum vtopiti: priateljstvo tvoje je z-nyim jako zvezano, jagâ ravno neznam imenuvati, nego proszimtê, kada z-nyim na szamom budesh, opomenigâ zbog toga; velika tê pogibel chaka, y blizu vre do szmerti dojdesh: ako zpametno, y z-iztinzkem szerdczem baratal budesh, ovesze pogibeli oszlobodish, onda veszel budesh, y tak potlam szrechen, kak szî predi neszrechen bil.

Hart. Tak Ruthard, velish ti baba! na zadnye szréchen bude? gledi na moju ruku, kaj meni ztoji?

Czigan. (*prijemšha ruku:*) ah jaj meni! zkríkne, zakajszêm nuter gledala? vidim, daszî ti jeden nevérnik, y priatela tvôga vkanlyivecz; pobolshajsze, proszimtê, da tî y po szmerti zlochezt glasz nebude.

Hart. Ti prokleta czopernicza! taki tî ja platim tvoje klopotanye. Zatem zpukne

mecha, y hoche prebozti babu: nego pajdashi ztegnuli jeszu nyemu ruku, y préprechili lyudomorztvo: takaj y cziganiszû prizkochili, da szvoju ztaru mamu od szmertí obrane.

Potishitesze! veli nad to Ruthard, nigdo vam nikaj nèché: y hiti med nye nekuliko groshih: drugi pako pajdashi Hartviga szerditoga tishili, tasili, y od onud odpelyali jeszu. Y kajti med ovemi czigani oztati niszû hoteli, zato, akoprem tmicza je bila, dalye vendar odishli jeszu; y doshli do jednoga potoka, gdészû konye napojili, y ondaszû na travu polegli: — Hartviga dugo vtasiti niszû mogli, doklamsze vina, koje z-szobum imeli jeszu, niszû napili; ter onda vsi zvun jednoga, kojega szû na ztrasu poztavili, jeszu pozpali.

V-jutro, kak je szvehnulo, y lyudisze na delo iti chuli, podiglisze jeszu, y dalye odjahali: gdé je Hartvig? píta Ruthard: nigdo za nyega ni znal, niti orusja, niti konya nyegovoga vech ondé ni bilo: ochivezto je v-nochi nekam preshel: zvikavaliszûgá, ali nikaj od nyega chuli nészû; zato dalye odputuvali jeszu, y traga nyegovoga nigde niszû nashli: — Ruthard salozten zbog odhodka

Hartviga, taki je pochel miszliti od nevére proti Zrinyu.

Po malom ada iduchi doshliszû vu Horvat-zku zemlyu vu grad Zrinya, gde on na nye z-velikum selyum je chakal; arsze Turczi jako k-boju pripravlyali jeszu, y zato y Rutharda y Nemskè vojnike dragovolyno Zriny je prijel: navlazitô kajti szûmû dobre glasze od Czeszara doneszli bili: y Ruthardu zato on vekivechno priatelztvo je znovich obechal: a gdé je pako Hartvig? pîta Zriny: kojemû Ruthard czelo pripetchénye je povedal.

Zriny. Tak je, moj Ruthard! nészémli ja tebi povedal, daszegâ chuvaj, ar on nam pogibel prezkerbeti hoche.

Pod vecherjum, kadabisze z-vinom okrepili bili, odpre Ruthard Zrinyu szvoju proti Juditi lyubav, y vsze pripetchénye: milomitê je, moj Ruthard! veli Zriny: poznam ja ztaroga hudoga Istvana, alisze naj saloztiti, moja pri nyem rech vnogo valya, ja nebi bil posten chlovek, da nebi za priatela ztal: kak dokoncham z-Turczi tabora, pervá bude moja zkerb, da k-Istvanu pojdem, y tebi dragu tvoju prezkerbim: negosze szada na Turcze zpravlyati moramo. —

Poszluhniivshi Ruthard Zrinya: dok ide szim y tam od grada do grada, y poszel marlyivo zvershava; nadojde velika zima, y tak tabor do protuletja preztati je moral.

D E L V.

PREK UPANYA ZKUP ZEZTANEK.

Pokehdob'h poszli tak veliki bili jeszu, da y drugoch vu Bech k-Leopoldu Czeszaru zbog pomochi poszlatisze je moralo, zato Zriny verneshega y prikladneshega za ov poszel neimajuchi, kak Rutharda, nyega z-oborusnemi nekulikemi vojniki je odredil. Zima je chverta bila, puti po lozah neszegurni, Ruthard miszlèchi, dabisze mogel k-szvojoj Juditi navernuti, dabi nyu barem videl, ali barem mezto, gde je veszelye szvoje oztavil: zamishlyen za pajdashi po onoj veliki zimi y sznegu putujuchi, vuzdu konyu na lahko je zputzil, ter tak nezpazivshi od pajdashev iz pravoga puta je zabludil: To zpazivshi Ruthard podbode konya, da doztigne pajdashe; ali niti traga nyihovoga ni videl: krichi, viche, ali zahman; oniszû drugem putom vre dalko odishli bili: ada bludil je szim tam po lozi, y velikem sznegu, koi je jako bil zapal, y

veter mûgâ vu ochi hital: zato bojechisze, da kam v-jamu z-konyem neprepade, priszi-lyen je bil mezto szî izkati, kambisze zti-sznuti mogel: ter zapazi pod jednum viszokum pechinum jednu shuplinu, k-kojoj blise dojduchi, vidi selezna vrata, ter odperta. Kaj je to? za Boga! veli Ruthard! jeli to temnica, ali kakovo zkrovno tolvajzko mezto? dugo poshlusha, nikaj nevidi, niti nechuje: pochme ostro krichati: ali jeka mû glasza nazad odverne: ide adaz-golem mechom nuter, y videchi, da prez pogibeli dalye iti more, dojde vu jedno prikladno za ztalish mezto, zneme iz szebe szvoje orusje, y poleg szebe dene; y zbog zime vu kepenyek sze zavije: — premishlyavajuchi szvoju pogibel, y chakajuchi, jeli gdo k-nyemu dojde: na jentput zachuje saloztno narekuvanye, y orusja rusenye: pograbi zproti szvoje orusje, y chaka kaj z-toga izide: — glas z vsze blise y blise prihadya: zadnyich pri meszechini vidi, da nekuliko vojniov k-shuplini priblisavasze med szobum jednu devojku z-jednem rubczem zakritu, y zvezanu pelyajucheh: jeden z-med oveh lepshe opravlyen, ne dalko od Rutharda ztojechi, reche: hvala vam, bratja!

za vashu vernozt, y dobrotu, nebudemsze
 niti ja iz vasz nigdar zpozabil, kakszém pri-
 szegel vam, hochu vash véren vszigdar Vo-
 dya biti, y vsza za vashe dobro vuchiniti:
 vitzê meni moju dragu dobiti pomogli, y
 selyi mojî zadozta vchinili, szada jû vu ovem
 zkrovnem meztu chuvajmo, y nashem pri-
 atelom na znanye dajmo, dasze je nashe na-
 kanenye zpunilo: kaksze berse na put zpra-
 vimo, pojdemo vu Kanisu, kadesze onomu
 Bashi povdamo, y on nasz rad k-szebi prime,
 y vu Varadin k-onomu drugomu Bashi poshlye:
 moju dragu meni vech nigdo iz ruk'h neotme,
 ona bude moja sena; y ondasze naj vszi moji
 nepriateli na mê hruztiyu, nikajîhsze bojal
 nebudem: verujtemâ, dasze nigdar saluvali
 nebudete, daztê mene za Vodyu vashega ize-
 brali: vasha tergovina vu ovi lozi do szad ni
 bila szegurna, ali szad, kad pod Turzku za-
 ztavu ztanemo, budemo mogli szegurneshe
 nashu mestriu obvershavati. „Tolvaji szû nye-
 mu prav dali, y surelisze ovu szziromasku
 devojku vu shuplinu zapreti.“ Onasze je moli-
 la, opala pred noge toga Vodye, y suhko
 plachuch proszila, dajû naj oszlobodi: ali on
 niti placha, niti proshnye poszluhnuti ni ho-

tel. O kak bi bil onda Ruthard selet van zkochiti, y tverdokornoga Vodyu na tla prehititi, y neszréchnu devojku oszloboditi: alisze ni ufal jedini proti tulikem szuprotztaviti, nego je chakal, kaj z-nyum napraviju: pograbiliszû nyu zadnyich, zavlekli vu shuplinu: y onda Vodya pochme nyu batriveti, govorechi: Naj tuliko tuguvati, draga devojka! nebojsze nasz nikaj, mi chëmo tebe prestimavati: jedino moja proti tebi lyubav je mene genula, datê szilum pograbim, kada tê drugem nachinom dobiti nészëm mogel: szamo kada pred Oltar pojdemo, y to taki zutra, budem tvoje szerdcze proszil: vugodna vreme na ja tebi prezkerbim, y kadasze malo potishish, onda chutila budesh vsze dobro: chakaj anda vu ovem szegurnem meztu, chez jednu vuru ja k-tebisze povernem na mojem konyu, y tebe, draga! iz ovoga saloztnoga mezta van izpelyam. Ovak adaszû ovu szirotu vu ovoj shuplini oztavili, priperli, y veliki lokot na vrata deli, y vszi zkupa odishli. Szada Ruthard y divojka v-jednem zkupa meztu zapertiszû bili: - miszлил je, kak bi on ovoj sziomaski plachuchi pomogel: — poszlusha nyu narekujuchu, y govorechu:

O ja neszrechna! kaj z-mene bude? kajszêm ja takovoga zakrivela, da mê tuliko neszrecha preganya? gde je moja szlobodschina? gde moje vészelve?

Ruthard miszli, kaj bi vchinil, bili knyoy pregovoril, ali ne: oh! zakaj ne, reche; baremsze kuliko obatrivi, kada bude chula poleg szebe chloveka, koi nyu miluje.

Divojka. O Bose! gdészêm szada? kakov poleg mene glász chujem? nészêm ada szama! nekoi y drugi sziomak vu ztrahovitem ovem meztu terpi.

Ruth. Neplashishe, sziomasko ti ztvorjenje! ni ovde poleg tebe tolvaj, ali ponyih vlovlyen, nego po neszrechi szam dojduchi, kojemu nikaj dragshega nebi bilo, kak tebe odovud oszloboditi.

Divoj. O Bose! neufamsze ja tak berzo odovud oszloboditi: takszî anda y ti z-menum ovde neszrechen: ove shupline vrata szû zaklenyena, ti szam tebe oszloboditi nemresh, kakbí anda mene oszlobodil?

Ruth. Nepuztì Bog nasz ovde poginuti, najdesze nachin za nasz oszloboditi, najsze saloztiti, ali zdvojivati: jaszêm dobro oborusen, y ako nikaj vchiniti nebum mogel, tebe vendar oszloboditi terszilsze budem.

Divoj. O moj szadashnyi ztalish je ztrahovit: ov, koi je mene z-szilum pograbil, bil je moj negda dragi, kojegaszêm ja rada imela; ali nebi bila miszlila, dasze on vu tak odurne chine puztil bude; kaj anda vchinim, poleg nyegoveh odurneh chinov ja poleg nyega nigdar neoztanem! zato selim nyegovu pogibel y moje oszlobodyenye!

Ruth. Milomitê je, draga divojka! dusnozt y postenye z-szobum donasha, da ti ovoga odurnoga chloveka lyubiti preztanesh, poleg nyega y tak, kad je tak oduren chin z-tobum vchinil, nigdar szrechna nebi bila.

Devoj. Y ja to chutim, y ochitno vidim, szamomê Bog od ovud oszlobodi, preztane moja proti nyemu lyubav, szamo da nebi zbg mene vu kakovu neszrechu prepal, ja mû odpraztcham, ter tak iz nyegoveh chinov, kak iz nyega na vek zpozabitisze hochu.

Ruth. Tvoje szêrdcze je plemenito, y szam Bog vidi, daszi ti vishe zaszlusila: kajti pak tak zaufano proti meni govorish, povedymî, igdoszi? ztemsze bolye ja za oszlobodyenye tvoje tersziti hochu.

Devoj. Zakaj nebi povedala? akobi szrecha tebi poszlusila mene oszloboditi, y mene

k-mojem dopelyati: prozsimtê, vchini mî tu dobrotu, ali y poleg toga moju negdashnyu Lyubav proti ovomu nikomu nepovedy.

Ruth. Za szegurno y szvêto tî to obêcham, dràga dévojka!

Devoj. O ja neznam, kaj na mojem szerdczu lesì: tiszî jeden ztranyzki, y nepoznan chlovek, pakmî sze vîdi tvoja réch nekak poznana: gdoszîgoder, szudim, daszî posten chlovek: y zato tî odpiram moje ime: Jaszêm Judita Illyefalvi.

Ruth. O Judita Illyefalvil zkríkne Ruthard, kakti od ztrele vudren, y gorésze zkochi.

Jud. Dragi Bose! kakov glâsz na vûha moja chuti mòram!

Ruth. Judita! moja Judita! kak? tolvaj je bil tvoj dragi?

Jud. Priatel! gdoszî goder, povedymî; ar tesko chùjem réch tvoju.

Ruth. Ah! kaj tî bude z-tém bolye, ako tî povem, gdoszêm, puztimê mùchati, y mene muchiti.

Jud. O Bose! ja toga nepuztím; morashmî povedati, gdoszî? oh! zakajmî prechi ova tmicza, datê zpoznati nemorem.

Ruth. Tak anda tolvaj je tvoj dràgi? ah kak je nevéno szerdcze tvoje!

Jud. Oh! oh! tiszî anda Ruthard tverdogo szerdcza? jeliszêm ja to od tebe vredna, daszîmê tak merzko pograbil, y szim dope-lyal? szadaszî z-mene ovde spot delash, y kakti vu larfi priatel obechash, damê od ovud oszloboditi hochesh, kada moj porobitel y zgrablyivecz jeszi?

Ruth. Judital! meni je tesko takova zpochitavanya od tebe chuti: odprimo bolye jeden drugomu nasha pripetchènya: ja na Boga priszisem, da tebe nigdar z-szilném nàchinom szim zpravil nészêm.

Jud. O! mùchi, proszimtê! stimash, da nepozna dragi lyubav dragoga szvôga; kaj nepoznam ja tvoju moguchnozt, y vitestvo, z-kojem proti Dühösdiu vojuval jeszi, kaj nepoznam ja tvoju na Kalpaku perniczu? ovak szî ti szada, iztom kak negda Dühösdi, kada ja vu blisnyi kloster na proztchenye iti hotela jeszem, z-tvojum chetum navalil na mê, na moje szluge y pajdashe, ter moje szî obladal, y mene pograbil.

Ruth. Onu perniczu na kalpaku mojém y szada noszim, kakszêm onda noszil, kada-szêm Dühösdiã vmoril, ali tvoj pograbitel

nigdar bil nészém: povedymî Judita! kakove zpodobe je taj chlovek, koi tê je z-szilném nàchinom pograbil? jeli nyegova noshnya kak y moja?

Jud. Tvojega tèla je, y tvoju noshnyu kase, y pokriva obraz szvoj z-kalpakom.

Ruth. Szadamî je vre dozta: poznam ja tvôga zgrablyivcza, poznam zlocheztoga chloveka: ov nyegov odurni chìn z-fantchènyem mojem nadomeztchen bude; totî obé-cham: draga Judita! takszém ja ufanye vech zgubil vu szerdczu tvojem? y moji priszegi nevérujesh, da ja tvoj pograbitel nészém; Hartvig, Hartvig bil je on durni chlovek; koi szamo zato vzèl je na szê moju zpodobu, y noshnyu, y takovu opravu, kak ja imam, da tebe vkani, y drugi stimali budû, daszêmtê ja pograbil.

Jud. Ah! ako je tak, odproztimî, dragi Ruthard! mojeszû ochi drugach videle, kak je szerdcze chutilo, miszlila jeszem, daszî ti ta spot, y odurnozt z-menuum naredil.

Ruth. Ztanovito sze ja nebi nigdar vu takove odurne chîne puztil, y szadatî priszisem, da tvoj pograbitel nészém: oh! kak ja hvaliti morem Bogu, damê je szim dojtî odredil.

Jud. Ali kak budesh, proshimtê, od ovud izishel? oh! kak mê szada josh bolye szerdcze bolí, kad vidim y tebe ovdé vu vùzi!

Ruth. Kaj ni to Bosanzka naredba, dasze mi ovde zkupa najdemo, zaizto on y na dalye na nasz zkerb imel bude! zato nesaloztisze, naj bude veszelo szerdcze nashe, dasze ovdé zkupa zeztali jeszmo.

D E L VI.

OSZLOBODYENYE IZ POGIBELI.

Obimanye nyihovo dugo ni terpelo; ar na zkorom szvétlozt od luchih zpazilasze je, y Ruthard ochiveztno je zpoznal vodyu tolvajzkoga. Ah! ovo je Hartvig! reche, y vusgesze v-vszéh kotrìgih nyegoveh szerditozt: ztergnesze iz naruchaja Judite, y ide blise k-vratam: — dojde Hartvig, odpre lokota, y gatrena vrata, jeli zpìsh Judita! zkrikne vu shuplini, y kadabi ravno nuter korachiti hotel, preztrashen, potegnulsze je nazad, zpazivshi jednoga oborusnoga nutre chloveka, y reche, ah! ovdé, kak vidim, mora Ruthard biti.

Ruth. Jaszêm, ja tvôga odurnoga china fantitel, ti hmanyi chlovek! pripravisze k-szmerti: ar drugo nészî szaszlusil.

Hart. Ah Ruthard! Takszî ti y ovde zapachitel moje szréche? O! tak vszu jakozt moju zpraviti moram, da tê iz szvéta ovoga zpat zpravim.

Na jenput zaszvétijusze nyihove szablye pri luchi, y zkupasze pograbiju, kakti orozlani:— Hartvig zkochi na mézto proztra-neshe, y luch odhiti, dasze lehkshe brani more: y tak zvana sznega belina nyim zadozta szvétlozti je davala za vojuvati. Hartviga mech ranil je ruku Rutharda, y pochme kerv czureti: on vendar boli ni chutil, nego ztém bolye kakti lyuti orozlan dozko-chi k-Hartvigu, y nyega ztiszne, koi na koren jeden pod sznegom buduchi popiknulsze je, y dole opal, y mech nyegov dalko od nyega odletel: Ruthard na nyega lese, y hotechigâ prebozti, zmiszlisze, da Hartvig vre od negda je pajdash y priatel nyegov bil, y zato odmeknul mecha na ztran, govorechi: ti nechemurni chlovek! nut ja bi tebe szad vumoriti mogel, vidish, da šivlenye tvoje y szmert je vu oblazti moji: nego tî za szada odpraztcham, pobolshaj sivilenye, y nigdarsze vech proti meni nepoztavlyaj.

Hari. Sivilènye moje je szada vu rukah tvojech, jatî zahvaliti nèchû, prebodi szerdcze moje, rajshi vumreti hochu, nego neszréchno sivetî, y muchitisze.

Ruth. Ja tvoj pogubitel nechû biti: odhadyaj, y pobólshajsze, da nebude konecz sivilènya tvojega ztrahoviteshi, kak szada od priatela tvoga bi bil.

Zdignesze anda Hartvig gore neborusen, y vesz szerdit odide: ar dabi orusje bil imel, bilbisze opet na Rutharda poztavil, ali y dabi bíl pajdashe z-szobum imel, bilbisze na Rutharda poztavil, y nyega zkonchal, negledèch na dobrochinztvo, koje z-nyim je bil vchinil. Ruthard pako veszel damû sivilènya ni vzèl, ishel je k-Juditi, koja z-velikem veszelyem k-nyemu je zkochila, y rekla: „Hodi, Ruthard! hodi! besemo od ovud, doklamsze Hartvig z-szvojemi lyudmi nazad nepoverne; Ruthard prime nyu za ruku, y pelya k-konyu, ter onda ztoperv zpazi, da je na ruki ranyen: medtem toga zaszede na konya, y Juditu k-szebi dene: y komaj malo idûchi, zpaziju od vnogeh luchih szvétlozt: ah! velî Judita, y pak idû tolvaji, y vsza vu ztrahu bila je: Ruthard pako zpukne mecha, y velî:

doklam ja sivem, tebe vech nevlovìju, prisizsem na Boga, da tê do zkradnye vure braniti hochu, szvétlozt zmìr blise y blise dohadya, chujesze rusenye orusja, y herzanye kony'h, rivaszze oborusni shereg vojnìkov: — ovde je negde gnyezdo tolvajzko, y ona shuplìna, velì jeden szluga, koi je poleg jednoga ztaroga vodye jahal: — Ruthard y Judita zprotiszû zpoznali Istvana: ovi, akopremszûsze veszelili, da v-ruke tolvajév nészû doshli, bojalisze jeszu vendar kakove druge neszreche od ovoga hudoga chloveka.

Istvan. Kak zagleda Juditu szvoju, knyoj prizkochi, à szluga nyegov krikne: ovo je ovo tolvaj, kasuch na Rutharda; poznamgâ po opravi, y dobroszêmszì nyega zapametil, kada je na mê y pajdashe moje vudril. — Judita iz konya odszede, y pred Istvana ide, hotecha napervo szerditozt nyegovu vtasiti, y pokazati, da ov mladencz ni bil nyein pograbitel, nego vre drugoch nyein oszloboditel. — Zatem Ruthard odkrije kalpaka, z-vszum ponizñoztjum ide pred Istvana, y pokase nyemu szvoju rànu, koju, za Juditu harcujuch, je zadobil. Istvan zpazivshi Rutharda, joshsze bolye premeni vu

obrazu: Ti laslyivecz! kaksze podufash z-takovém plemenitém chinom hvaliti, kaj ni-gdar vchinil nészî? ov szluga moj tebe dobro pozna, daszî ti Juditu z-szilom odpelyal, y szluge moje poràsal: on sze je vendar nekak oszlobodil, y meni glasza doneszel od tvojega hman china, ja nyemu vech, kak tebi véru-jem.

Ruth Vídím ja, da on, koi je Juditu odpelyal, imel je zpodobnu z-menum opravu.

Istvan. Ah! to je las: à gdé je pak on tolvaj, kojega, kak velish, jeszi obladal?

Ruth. On je bil moj priatelj, nészémgá vumoriti hotel, negoszém puztil oditi.

Istvan. Kakova je to laslyiva zmiszel?

Ruth. Priszisem, da tvoje obshanenye terpeti vech nemorem.

Istvan. Niti ja terpeti nemorem tvoje bedaztoche: tiszî vre jedenput bil zpachitel Judite: vugnulszîsze vendar fantlyivozti mojî: szadaszî bolye nadoméztim: szlugi! primite ovoga tolvaja: nikaj czigianiam nyegovem nevérujte, pelyajtegá vu gradzku vuzu: vregá tam na red poberem.

Ruth. Nepodztupétesze mene prijeti; to vasz vnogo ztalo bude.

Jud. Tetecz dràgi! pòszluhni mene, ov ni krivecz, nego je moj oszloboditel!

Istvan. O! ti malovredna pucza! (*porine nyu od szebe*) y ti to suhko platish.

Ruth. Dozta, dozta! postènye moje takove obshanozti nédopùztcha, ti bedazti ztari chlovek! jedino ovoj Juditi zahvaliti moresh, datî z-mèchom mojém glàvu razkolil né-szêm; hodi z-menùm na mejdan, szamo kerv tvoja obshanozt ovu zbrishe, z-kojum postènye moje vrazil jeszi.

Istvan. (*rozgòtomsze naszmeje*) Ha ti malovrèdni! pak naj ja z-tobum vojujem! hej! szlugi! primitegâ, y ostro zvesite.

Szlugi pszluhnejù zapoved: Judita vidècha pogibel Rutharda zakrikne: a onsze k-jednomù czèrovomu drevu pritiszne, y z-szablyum bràni, doklam je jednoga, koisze je nyega teknu, rànil. Vidèchi Istvan, da z-nyim nikaj opraviti szlugi nemogu, zapove, dagâ naj od zada primeju; kaj szû szlugi y vchinili, szablyumù z-ruk'h izbili, y pograbili: — Najtegâ vumoriti, krìchi Istvan, negogâ zvesite: kaj Judita vidècha, omegle, y natlasze zrùshi: szlugi pak Rutharda primeju, na konya deneju, y do grada pelyaju:

Hartvig pako v-guztom shikarju zkrit ztregel je z-szvojení tolvaji, koje on zpraviti zkup paschilsze je, da Ruthardu y pak prevzème Juditu: ali vidèchi Istvana z-vnosínium szlug'h, y med nyimi Rutharda y Juditu, neszê ùfal na nye poztaviti, y akoprem saluvalsze je, da je Juditu zgubil, povòlynomû je bílo vendar, da je Ruthard vu nezsréchu dozpel.

Istvan paschilsze je vu grad, gðé szlugi Rutharda z-konya denu, y v-temniczu poztavé; jeden ztari szluga vlejemû na ranu malo balzama, à pred nyega pako poztavi kan-tu vode, y malo kruha, y z-lokotom zakle-ne, ter odide. Ruthard ni tuliko chutil ràne hòl, kulikomû je dodihalo zlo baratanye Istvana, y da ufanye je zgubil vech kada dragu szvoju dobiti, y szebe oszloboditi: zato poch-me tusno zdihavati, y premishlyàvati, kak Istvan fantlyivozt szvoju nad nyim kazal bu-de: nekuliko dnèvov nikoga ni videl zvun ztaro-ga onoga szluga, koi mù je jéztí noszil: pred nyimsze je dozta natúsil, y Zrinyem grozil, ali nikaj ni hasznilo: — rana mù je berzo zaczelela: ali vesz od gingavoche y salozti tak je prepal, da nikakove vech jakoztí ni imel: — kadabi ovak suhko ztálísh szvoj premishlyà-

val, y vre zgoro zdvojil za oszlobodyènye, y czéli tjedensze muchil, na jempùt ob nena-
vadni vuri odpresze temnicza, y dojde nuter
jedna sznasná dévojka, milo gledècha tusnoga
vuznika: gdoszî tí? pìta Ruthard, koja szî vu
ovo tusno y pogibelno mézto doshla? bési
od ovud, da moja tuga y pritusenye tvoje mo-
rebit veszelo szerdcze nebí ranilo.

Divoj. Pomiluvànye proti tebi mene je
szim gentulo, Ruthard! ja chûtê oszloboditi.

Ruth. Tichêsh mene oszloboditi? kakbi
to moglo biti? kakovsze od mene dàr dobiti
úfash? kaj bi ja tebi dal?

Divoj. Na dàre ní miszliti, kada chlo-
vek priatelù vu pogibeli dobro vchiniti ho-
che, meni je dozta platche vu szerdczu, da
ja tebi y Juditi pomorem: Istvana ni doma:
nisz' mogùcha salozt Judite, moje priateljicze,
z-kojumszêmszé odhranila, kadmé Otecz moj
plemenito rodyen pod obrambu Istvana na
zkradnyî vùri zruchil, povedati: o! kak du-
go chakam hipa za tebe, Ruthard! oszloboditi,
y Judite szerdcze razveszeliti!

Ruth. O plemenitoga szerdcza Dévojka!
povedymî, kak je moja Judita?

Divoj. Dozta tusno: oh! nechakaj dugo
prilike, akomé poszluhnuti hochesh: hodi zproti

od ovud k-Zrinyu, y prošzigâ za pomoch; on tî jedini pomochi more, y preprechiti, da Istvan Juditu v-kloster neodpelya: odneszi z-tobum oy jedini kíp Judite; kojegaszém od nye muchèch vzèla: ùfamsze, da tî ona to odprozti: zatosze szamo paschi, y akotî kada szrécha poszlusi, nezpozabisze iz oszloboditelicze tvoje Marie.

Ruthard hotel je vishe z-nyum govoriti, ali ni bilo moguche, nego kíp Judite, y rùku Marie k-perszam pritiszne, milo zdehne, y berzo odide: Maria Rutharda chez vuzek ganyk grada prepelya, vrata odpre, y pokase Rudhardu, da iz shancza, pod kojem voda ni bíla, najsze tiho dolé zpuzti; y ouda Ruthard reche: Maria! z-Bogom, nigdar sze z-tebe nezpozabim: - Bila je pak szvétla od zvézd'h noch, szneg puczal pod nogamî: Ruthard na shanecz izide, po zklizkém ledusze dole zpuzti szréchno, maloszî dole pochine, y do téh dob'h szim tam zkrivajuch sze hodi, doklam vesz zatrudyen, dalye iti nemoguch, vu jedno germje jesze zakril: ali od zime tak je bil zmuchen, da ni miszlil vech dneva dochakati: ob polnochi chuje hód konyzki, dokoncha pred putnike iti, pomoch od nyih

prosziti: oviszû pak bili nekuliko Vlaskéh paztirov, kojiszû marhu na szenyem tirali: Ruthard pove nyim neszréchu szvoju, y da je priatel Zrinya, ter daszûgâ tolvaji vszega oplenili: paztiri mû taki dàju vina za okrépitisze, kak y jednoga konya, zavineju vu musku bundu, y z-szobum vu blisnye szelo, kamszû pred dnevom doshli, odpelyaju: kadbi szréchno na Ostariu doshel, y malo sze okrepil, kupilszî je konya, y priproztu Vlasku opravu, y putuje do Zriny Grada, ali tesko je bilo putuvànye nyegovo; ar je beteg zmuchil vsze kotrìge, kak takaj y salozt, dasze ni szmel nigde pokazati, dagâ gdo Istvanu neprepove. Dojde vendar do Zriny Grada, ali nezna, kakbisze priatelù pokazal, bojechisze, dasze on na nyega nebû szerdil, da poszel nyegov ni dokonchal, josh menye v-Bechu bil, aligâ je potrebchina obladala, y zarad oszlobodyenya drage szvoje Judite vu muski bundi ishel je vu Zriny Grad.

D E L VII.

VSZE ÛFANYE JE NEZTALO.

Turobno szedí Zriny vu szvojî Hisi, da nikakovoga glàsza y odluchka od Czeszara

Leopolda dobiti nemore; nato odpre vrata Ruthard, y naklonisze; Zriny gâ ostro pogleda, y reche: kakszîsze podztupil szim prez dopuztchènya dojti? y mene vu mishlenyu mojém bantúvati? kak je Ruthard pochel govoriti, zpoznal je Zriny nyega; zkochisze iz ztolcza, y obme priatela: Bog tê je szam doneszel, reche, dràgi priatel! gdeszî tak dugo bil? zakajmî barem dokonček obznanil neszî? alí Bose dragi! ja vidim, daszî vesz bled y prepal; proszimtê, gdészî ovu opravu vzèl? morebitiszî vu kokovu neszréchu opal bil?

Ruth. Ah! kak bi pochel govoriti? szam neznam: bojimsze szerditozti tvoje; ar Becha josh niti videl nészêm, josh menye poszel tvoj zvershil.

Zriny. Kakbi to moglo biti? tak moji poszli —

Ruth. Nikaj nészêm dokonchal: ali Bog zna, da ja kriv nészêm.

Zriny. Nisze tebi potrebnò vnogo zprichavati: ja tê poznam, y znam, dabi bil poszle moje dovershil, y da nészî tak hotoncze vchinil.

Ruth. Zaizto nészêm, povematî vsze moje pripetchènnye.

Y onda Ruthard Zrinyu vsze pripetchè-
nye do rechi je povedal: kaj Zriny chujuchi
razlyutisze, y pochme Hartviga pszovati do
nevernoga chloveka: nut! vidim szada, da je
on vszemu tomu zrok: nego naj nebum ja
Zriny, akosze nad nyim fantil nebudem.
O nevézni chlovek! naj ide szlobodno v-Ka-
nisu, y naj tam vojuje proti meni pod zazta-
vum Turzkum: aligá najde mech moj, z-
kojém nadomeztím nyegovu nevérhozt, y kak-
ti tolvaja jedne divojke na obshanozt poztav-
vim: ti pako, dragi priatel! nesaloztisze; ob-
shanozt, koju szû tí oni hmanyi lyudi vchi-
nili, ja iz tebe obalím, y nad Istvanom,
koi sze je Poszlenika môga podztupil vu vúzu
poztaviti, fantilsze budem: on je tebe, y
mene nezmero zbanuval: y ztoperv onda
popravi falingu szvoju, y vtasi szerditozt
moju, kada Juditu izruchì vu rùke tvoje: —
Hartviga hmanyicza y shetuvanye proti me-
ni, jakoszû mene zburkala; zatomî je szada
pomoch potrebna: idem szam vu Bech, da
ztem bolye moje naprevzètje dokoncham: y
ti, Ruthard! hodi z-menum, nazad idùch poj-
dem vu Grad Istvana, y ondé szréchu tvoju
dovershím.

Po ovem priatelzkém obechànyu Ruthard jako oveszelyen je bil: zatemsze Zriny zpravlyal je na put: ali predi, dasze bolye fantiti more zverhu chinov Hartviga, vchinilgá razglasziti kakti tolvaja, y pograbitela divojke, y puntara domovine: davshi zapoved po vszéh gradih, dasze na tolvaje pazi, y put vu Kanisu preperechi, vodya pako nyihov zproti vlovi, y vu Zriny-grad dopelya, tolvajem pako, koji pod zastavu Zrinya ztaneju, y Hartviga predaju, odproztchèneye je obechal. — Chujuchi Hartvig, kakvá pogibel nyega chaka, da nebi vu ovu pogibel dozpel, oztavi pajdashe, bojechisze, dagá neizdaju, odide v-puztu lozu, po nyoj v-nocchi szim tam bludi, szerdisze na Rutharda, y priszise, da nepochine, doklamgá neyumori.

Zriny z-Ruthardom, koje jeden shereg vojniov je zprevadyal, szréchno vu Bech dojde, y nekuliko meszecz'h tam buduchi vu dvoru Czeszarzkem od Leopolda jako prestimavan je bil, y nyemu pomoch proti Turczem dragovòlyno je obechal. Zriny z-prilikum ovum ni zamudil pri Czeszaru izviziti priatela Rutharda, hvalechi nyega, kakovu vernozť proti Czeszaru vu ovem taboru je

izkazal, y zato nyemu Czeszar po dokončanem taboru imanye jedno je obechal.

Po dokončaném poszlu oztaviju Becha, y ideju proti Gradu Istvana: ali nakanenye Zrinya, da on Rutharda z-Juditum. zpraviti hoche, Istvan zeznal je predi, kakszû v-grad doshli: kakovo veszelye y radozt Ruthard vu szerdczu je chutil, vidèchi, da je na ztrane one doshel, gdé je dozta neprilik'h preterpel, y veszelyasze vsíl: dojduchi v-grad po szlugi jedném szebe oglaszili jeszu; zproti mozt pred gradom je zpuztchen, ztari Istvan z-vszum poniznoztjum Bana prime: z-szvojm divjm pogledom y naklonom prilizavasze; ali vre videti je bílo, kak tesko gizdavi szvoj vrat je prigibal; na Rutharda niti ni pogledal, szerdechisze na nyega: nego Zrinya z-vszemi vu palachu pelya, y nye dobro podvori: pri vecheri dobre vòlye buduchi, kada bisze drugi razishli, szam Zriny, Ruthard y Istvan oztali jeszu; y Zriny pochme govoriti: dragi Illyefalvi! poznashli ti mladenca ovoga, koi poleg tebe szedi?

Istvan. Poznam dobro: Pavenberg Ruthard zovesze, y je tvoj szluga.

Zriny. Kaj govorish, za Boga: on ni moj szluga, nego moj naj bolshi priatel.

Istvan. Ztém gorje pomě.

Zriny. Zakaj? Istvan!

Istvan. Kajti on nikaj nezamudì, kaj bi mene tvojega priatelztva mentuvalo.

Zriny. O! jakosze vkanyujesh; y bedazto miszlish od ovoga Mladencza, on ni vkanlyiv chlovek, niti nemre biti; kajsze od nyega bojíš, akogá zbantuval nészì?

Istvan. Odproztimî? vidim, da mē hochesh vu mresu zapleztì, dasze naj szam prepovem.

Zriny. Anda je to valuvànye tvoje, da tì je sal, kajszi z-Ruthardom vchinil: jeli tì to na obshanozt bude, akosze kakti posten chlovek salujesh, datísze faleti je pripetilo? szudim chizto ne: tersziszè ada pomenyku tvoju popraviti.

Istvan. (vúsgesze) kajszēm zagréshil? vu chemszēm falel? odproztimî, da pítam; ja szēm vech preztar za falinge popravlyati.

Zriny. (z-veliehanztvom) Istvan! jaszēm Ban Horvátzki.

Istvan. Kojega ja prestimavam.

Zriny. Jaszēm, koi tebe na oster szud y odgovor potegnuti morem, pokéd dób'h szì ti Poszlenika móga vu vúzu poztavil, y ondegá

dal muchiti; ar akoszîgâ za kakovoga hman chloveka miszlil, bílbigâ mòral k-meni poszlati; z-ovém chìnom jeszi zrokuval, dasze jeszu zamudili moji proti nepriatelu poszli; kak popravish szad chín tvoj? ali naj bude chín tvoj, zbog kojega bité kastigati mogel, to vsze pozabim, ako Ruthardu vòlyu zpúnish.

Istvan. Kakbi ja to mogel vchiniti onomu, koi Juditu moju je z-szilum pograbil; ali ako ni to on, barem chíni nyegvi pokazali jeszu; y kaj szém z-nyim vchinil, toszém z-nyim iz vidyeneh zrokov vchinil; y zato bolye hvalu kak kastigu dobiti vreden jeszem.

Zriny. Gdo govori od kastige? Istvan! ti ztari malovredni chlovek, hodi szim k-meni blise; y povedymî priatelzki, kak szada nazad povernesh Ruthardu postènye?

Istvan. Ti velish, da on ni pograbil Juditu, y tak on neoztane krivecz.

Zriny. Chizto ne: on od tebe je pred drugemi obshanyen, y tak ti szam, ako valual budesh, daszî krivecz, nyemu postènye povernesh.

Istvan. Oglejsze na moje szedine, Ban! y naj mê tak pshanit.

Zriny. Iz szerdcza to vchinim, y puztchamtî na vòlyu, kak hochesh ovu obshanozt ochiztiti; y ako Rutharda vòlyu zpunish, moj y nyegov priatel oztanesh.

Istvan. Hvalimtî Bân! na tvojem nagnenyu; za kojeshêm pripraven vsze vchiniti: selebnî chuti, kakove bi bile to pogodbe?

Zriny. Jeli ti vre neznash, da Ruthard je jeden plemeniti Mladencz, y plemenitoga roda, kojemu Léopold Czeszar obechal je jedno plemenito Imanyè: y od mene takov dàr dobì, koi nyega bogatoga y jakoga vuchinì: zakaj anda on tvoje Judite Tovarush biti nebi mogel, moreshsze zmiszliti Istvan, da y ti negda lyubil jeszi, y tesko biti bilo, dabitî gdo osobu tebi dràgu kratil bil; Ruthard y Judita imajusze radi; szamo îm ti jedini prechku delash, oseni Rutharda z-Juditum, y tak ne szamo nyemu postènnye povernesh, nego y Zrinyev priatel budesh, koi tebe zato bogato daruvati hoche, da nyegovoga priatela szréchnoga vuchinil jeszi.

Z-hudém pogledom poszlušha ova Istvan, y reche: anda ja nemorem drugach zadobiti priatelztvo tvoje, y od Rutharda oproztchenye? ja anda ruku nyeinu nyemu dopuzt-

cham, ali on nyeinu ruku, kaksze ona szada nahàdya, potrebuval nebude.

Zriny y Ruthard. Zakaj né?

Istvan. Hodte z-menum, ako vamsze dopada, odpelyam vasz k-Juditi: z-salozt-nem chakanyem, y velikum selyumì ztanejusze od zto!a: Istvan dozove jednoga szlúgu, y nekajmû vu vuho pove: y szluga zproti dojde z-goruchum baklyum, y ide na pervo, Istvan za nyim, y zatem Zriny y Ruthard. Pelya nye szluga pod jednum dugum boltum, pod kojum nekuliko szvétnicz'h temno je gorelo: dojdû na jedne vuzke stenge, po kojéh szû dolé na malo dvorische grada izishli, y prek nyega prejduchi, dojdû k-seleznem gatram, gde na vratih bil je jeden veliki cherni zasztir, pred kojem dva vu chernini oblecheni Vojniki, oborusni ztali jeszu.

Zriny. Kaj je to? (*glèdech na Rutharda y Istvána*) Istvansze oberne k-nyim, y reche: ovo je Judite moje ztanuvanye: potegne ostro na ztran zasztir, y nut vidiju pred szobum jednu Kapelu, v-koje szredini bil je novi lesz kameniti, y okolo goruche szvétnicze: y na jedni mramornati tabli napiszано: *Illyefalvi Judita*. Ruthard ztrashno zakrikne: y

natlasze zrùshi: kojega Zriny nazad goré podigne: y vidèchi Istvana fantylivozt, reche: Istvan! Istvan! tiszî jeden ztrahoviti, y nechemurni chlovek.

Istvan. Zakaj bi bil nechemurni chlovek? ja nemorem pomochi, dasze selya vasha zpuniti nemore, karajtesze na szmert, koja je nyu sitka mentuvala: - milomî je Rutharda, ali bolye Judite moje, y ja nyega krivîm kakti vmoritela nyeinega, ar on z-szvojum lyûbavjum je nyoj salozt, à salozt szmert prizkerbela.

Zriny. Ti tebe szamoga rechi moresh vmoritela, à ne Rutharda: lyûbav nyegovani Juditi salozt, niti szmert je zavdala; nego tvoja kervolochnozt je nyu neszréchnu vchinila, kaj tî bude bolye, ti ztari bedak! koi vre z-jedñum nogum v-grob ztupil je-szi, da je Judita vumerla? vu zadnyi sivrènya tvôga vuré Rudharda salozt kakti melincki kamen na szerdczu tvojem lesala bude.

Istvan. Jaszêm vu tom pravichen, niti krivecz szmertî nyeine: nészêm poznal Rutharda, niti znal, da je priatel tvoj: medtem toga odproztimî, kaj rechem: dabi y ti izti bil hotel Juditu za senu imeti, y da mî nebi bil po vòlyi -- jaszêm gozpon vu hisi mojî.

Zriny. Bôg oszlobodi, dabisze ja vu Gozpodztvo tvoje szilil: poznam ja tebe, Istvan! — hodi Ruthard! hodi, nemorem vech ovdé biti, oztavémo ovo odurno meztô.

Ruth. Od tebe, draga Judita! bisze ja pak razdrusil? ah né, né! dopuztimî, da oztanem ovdé, Istvan! dasze poleg Judite plachem, doklam vumrem.

Zriny. Nepriztojisze, Ruthard! dasze ti tak saloztîsh: hodi z-menem, vu ovém taborz-kém vrémenu pozabish na salozt tvoju.

Ruth. Dobro anda, y to szam selím: poztavimsze vu vszaku pogibel, idem vu szredinu nepriatelov, dok od mehev ranyen opadem, y kushnem ruku onomu, koi mî szmert zavdal bude.

Istvan. Onda ztoperv z-postènem glaszom, y Imenom vumresh.

Ruth. Y za mojum dragum Juditum pojdem.

Istv. Tam, kadetê nyein Tetecz vech bantuval nebude: jatê milujem, moj Ruthard! ali ja kriv nészêm; jaszêm vsze nachine izkal za nyu zvrachiti, y od szmerti oszloboditi, ali bílo je vsze zahman.

Ruth. O! da bi jû josh barem jedenput viděti mogel, y nyein bleđi obraz kushnuti, y ruku na ovo turobnø szerdcze polositi.

Istv. Ti potrebuješ, kaj ja dopuztiti nemorem; jaszêm nyein Tetecz: kaj stimash da meni ni sal, da je vumerla? à Judita je vrédna, da mirno vu leszu pochiva: niti dopuztiti morem, dabi mertvu gdo bantuval; ar kak je vumerla, takisze je razpuchilo telo nyeine, y tak pochelo vonyati, da obztati ni bilo mochi.

Ruth. Ak! nedopuztish, kakti drago; jaszêmsze vre privchil terplyivnozti: hodi! dragi Zriny! odhadyajmo od ovud, dasze szerdcze moje od salozti nerazpuchi: vsze veszelye zamê na szvétu je preztalo: zatoszêm gotov naj lyuteshu szmert podnezi: prime zadnyich Zrinya za ruku, kojemu szuze pomiluvanya padale jeszu, y zpelyagâ iz one ztrahovite Kapelicze. — Dugo Istvan za nyimi je gledel, y z-pleshivum glavum migal, govorechi: Verli zaizto je ov Mladich Ruthard, ali najsze z-Bogom bori; koigâ ni poleg vòlye moje ztvoril.

Zriny na fantchèneye miszlèchi, zapove, da vszi na konye poszedû, ter iz odur-

noga mezta odidû: Ruthard taki na konya zaszede, y vesh salozten szamsze je batrivel, nakanechi, da na zkorom sivilèney szvoje med Turczi dokoncha, y z-Juditumsze zeztane.

D E L VIII.

HULABUKA VOJZKE.

Dojdeju zadnyich vu Zriny - grad: zima pochme odpuztchati, y halabukasze {taborzka chuti: orusje rusi: vojniki szim tam, harcza selechi, zkacheju: herseju konyi: szvétésze szablye, rùsiju bubnyi, y trubentesze glàsziju: Zriny y Ruthard zkupiju vojzku, y obodvasze pripravé na harc: Zriny sze nad Turczi fantiti hotech, à Ruthard z-kém bers vitesko vumreti: y zato Zriny z-vszum batrivoztjum navalil je na Turcze, à Ruthard szad pervi put pokazal je szvoju vérnozt, gyegyernozt, y jakozt, ochitujuchi, kak seli szerdchno harczuvati.

Zrínysze je úfal vekshu zadobiti pomoch, kak je dobil, ali okolicze nészú dopuztile, dahi vekshu dobiti mogel; ar Montekukuli vodya Czeszarzke vojzke szamo 6,000 lyudih je dopelyal, koje Nemczi dali

jeszu proti sheregu Turzkomu, koi zeztavlyen je bíl iz zto jezer'h Turczev, 10 jezer'h Tartarov, y devet jezer'h Vlahov y Moldavczev, vszu vojzku ovu veliki vodya Ahmet Hropolyi naglo pri Budimu je zкупil.

Zriny zadnyích ove ztrashne vojzke nészê bojal: y Ruthard gâ zmír proszil, da mú naj dà shereg vojniov, da vchinì probu vojnicku: ali drugi nashi vodye vidéchi pogibel, y vnosinu Turczev, odgovorili jeszu Zrinya y Rutharda od harcza, y z-Turczí míra napravili: y to izto Czeszaru je obznanyeno: ali - doklam odgovor iz Becha bi bil doshel, Turczí szû od Mahomet Sultana zapoved dobili, dasze taki podignû.

Zriny imel je szamo 25,000 vojniov, ali kaj je to proti tuliki szili nepriatela? zadnyích za Zrinya bila je szrécha, da med ovum vnosinum Turzkum vnogo Vlahov priszilyeneh y nezvucheneh je bilo, z-druge pako ztrani Vlahov Hozpodar *) Juraj Dika zachul je, da je on czily szadashnyega Turzkoga tabora, da nyegov orszag, kak y Erdelzku, y Moldavzku zemlyu za sze oberneju, y da to z-tem szegurneshe vchiniti mo-

*)Taksze zoveju poglavari Moldavzke y Vlaske zemlye.

gu, Hozpodara y plemeniteshe vu tabor pri-
szilili jeszu: y zatem one, kojibisze oszlobo-
dili, kakti puntare vu Azianzku vuzu pozta-
viti budû mogli. Ov anda to obznanil je A-
baffyu Tranzilvanzkomu Vojvodi, koi vodyu
Turzkoga Kuchuga zpenezi tak je obernul,
dasze je iz Tranzilvanie genul, y nyemu je
priliku vojuvanya kratil: izti Vezir Turzki
ovdé bil je takaj zamudlyiv; ali ni bil pri
Gyuri varashu, gde 4,000 Turczev chez Du-
naj prepelyal, y glasza dal, da ova 4,000
jezera od velikoga Tabora razlucheni jeszu:
z-ovemi kadbi Grofa Forgacha malu vojzku
potukel, ishel je zraven proti Zriny-gradu,
poszlavshi vu Moravzku zemlyu 20,000 Tur-
czev, a Boshnyachkoga Bashe drugi shereg,
koi je vu Austrii bil, od Zrinya vezz potu-
chen je bil: kaj vidèchi vnogi plemeniteh
Magyarov, k-Zrinyu prilosili jeszu. Nemski
Herczegi peneze y vojnike obechali jeszu:
Monostorzki Biskup Gallay Josef szam 30,000
vojnìkov proti Turczem je obechal: Papa
szedem tonn'h talerov na pomoch dati jesze za-
vezal: Szakszonzki y Brandeburgzki Elektori
nekuliko Regimentov poszlali jeszu: izti Lud-
vik 14 kraly Franczuzki Grofa Holignyi z-

jednem sheregom vu Magyarzku zemlyu je poszlal.

Szad Zriny bolshu volyu dobivshi leto 1664 vu Prezimczu pochel je y pak boj z-Turczu, Vesprim y Kolochu obszel, y predobil: Pechuba na jurish odtel: y pred Darda grad vojzku vodil: vu vszéh ovéh harczih Ruthard pokazal je szvoje vitestvo: szred nepriatelov vechputsze vrinul: ali szmert onde od nyega je besala, kojabigâ vendar ztigla bila, da Zriny na nyega zmír nebi bil pazil, y nyemu v-naj vekshi ztizki pomoch zkazal.

Pred Darda gradom bíl je harc tak ztrahovit, da izti vu Oszeku mozt, koi vech 50,000 talerov je kostal, veliki kvar vu sheregu Zrini-anzkem je zrokuval: alisze Ban toga ni nikaj plashil, nego jakshe proti Turczem vojuval, y nye od onud pretiral, y kadbisze malo zvojkum odehnul, jeden taborzki szluga dojde vu shator Rutharda, y predamû jedno písma, koje nyemu jeden nepoznan Magyar je poszlal, y kakmû je predal, taki hitro jesze odneszel: Ruthard Lizta odpre, y vu nyem chteje szledècha:

R u t h a r d !

Veliki je tvoj glász, y Ime, po kojemsze od drugéh prestimávash; ali dabisze to prestimanye tebe dotikavalo, dvojim; vechput vodya prime hválu, koju vojniki zaszlusiju: onda ztoperv, kad momak sze z-momkom pograbi, y drechno vojuje, dikuszí zaszlusi: y doklam to nevchinìsh, hvale prave imel nebudesh: ako onda tvoje chine szréchne vchiniti, y hvaluszí zadobiti selìsh, dojdi ovu noch k-gradzkem zidom blise, onde te chakal bude vojnìk, koi bi rad zvedyati, jakozt tvoju: ali rajshi oztani, ako nimash szerdca y korase, ar je jak nepriatel tvoj, kojega je selya y nakanenye, da tê zkoncha, dojdi anda, paschisze, y chakaj nepriatela tvôga tam.

N. N.

Ruthard ova chtejùchi zachudisze, y razszerdi jako, y veli, zaizto idem tam, ter szam prez vszakoga szluge, da onde zadobim szmert moju, koju selím, y takovu meni priateli prechiju — Oh! draga Judita, dugosze ja povlachim na szvétu ovém, premda ti mene vre od davna na drugem chakash: idem, idem, oborusen vumreti hochu: da k-tebi vu

naruchaj na zkorom dojdem :— ovak šze je batrivel, y ochiveztno miszlil, da szad vu ovém harczu szmert najde.

Zriny dà Rutharda dozvati, dasze znyim vu poszlih szvojéh zpominal bude : y vidèchi vu Ruthardu ochiveztno premenyanye, nigâ puztil od szebe za dnèva oditi: nego kadbi nòch naztala, nemoguchi vech vu shatoru Zrinyevem obztati, skomcze je preshel: predi vendar Zrinya objel, kushnul, y ruku nyegovu ztisznul, y taksze zprichal: kaj vidèchi Zriny, miszli: Bog moj! kam ov moj Ruthard kani oditi, y zakaj je mene tak objel? onsze je nakanil vu {nekakovu pogibel poztaviti: mòram na nyega paziti, y nyega obchuvati: taki onda jednomu vérnomu szluga zapove, da na vsze nyegove chine naj zkozno pazi: y kak bers kakovu pogibel opazi, takimû nazveztiti naj nezamudì: Ruthardsze je medtemtoga paschil vu szvoj shator: Nòch je velika naztala: hitrosze obleche vu orusje, na kolenasze hiti, y zatem na odlucheno mezto iti paschi: na konyu ada budùchi, szim tam gledì, gdébisze na szvôga nepriatela nameriti mogel. — Chuje stro-

pot konyzki, y zpazi jednoga proti szebi iduchega, y govorechega: Jeszili ti Pavenberg Ruthard?

Ruth. Jaszêm : jeszili ti mene szim na mejdan zval?

Nepozn. Jeszem : zato vojujmo z-kem berse, ja vre gorim od selye.

Ruth. Jabitê rad poznati, da ako poginem, budem znal, po chiji ruki szêm poginul.

Nepozn. K-tomu imamo josh dozta vrêmena, paschemosze na delo.

Ruth. Jaszêm gotoy: negomî barem poevedy, jeszili nakanil szamo moju jakozt zvédyati, alisze nad menum fantiti?

Nepozn. Zaiyto fantimsze nad tobum, y nepreztanem, doktê nezkoncham, y zato szetoko bude harchuvanye nashe, v-kojem jeden szamo siv odovud oditi bude mogel.

Ruth. Ako je tomu tak, anda hodmo na harc.

Onda zpukne vszaki szvôga mecha, jeden na drugoga tak navali, dasze je pri meszechini videlo kreszanye szablyih, chulo rusénye orusja y kopanye kony'h nyihovéh od szerditozti: — Ruthard bil je zvucheneshi vu szablarenju, kak pajdash, za kojém kad-

bi Ruthard vsze dalye do jedne shumicze ishel: na jenput 50 Vojniķov oborusneh van zkochi, y na Rutharda navali: — Takli je to? veli Ruthard, znalszēm ja, da tak bude: nego sive Bog moj, vi neposteni prevarlyiv-
 czi, ynogo vasz ztala bude szmert moja: branilsze je anda vitesko, y koga je mech nyegov doszegel, ni siv oztal, ali zadnyich je opeshal, kadszùmû konya preboli, dole je opal: y kadabigâ nepriateli vre z-velikem veszelyem hoteli pograbiti, onsze je hitro zpod konya ztal, y do tēh dob'h branil, doksze ni videla jedna szvetlozt od luchih proti nyemu iti, y zachul stropot konyzki: naper-
 vo vodya z-szvojemi Junaki dojduchi, na-
 vali na nepriatele nyegove, y kadbi ostro proti nyim vojuval, je nyih nekuliko pomo-
 ril, à oztale v-beg natiral, szam on nepo-
 znani pochelsze je popikavati, y opeshavati, kojega Ruthard potegne z-konya, y mecha szvôga na Vrat nyegov dene, govorèchi: dole deni kalpaka, y odkrisze, da vidim, gdoszî.

Nepozn. Oh! dabimê bila zemlya poserla, y predi poginul, negc szēm tē videti moral, da-
 szîmê obladal: kakov nechizti dùh navek pre-

ganya mene: y vszigdar mene tebi obladati prepuzti: zatem zpukne jednoga handyara iz pod oprave, y z-nyim proti szerdczu Rutharda zabode: alisze je Ruthard szrečno vmeknul, odtmemû z-rúk'h handyara, y kalpaka iz ochih dole hiti: o kak sze je ztreszel vidèchi Hartviga na zemlyi lesèchega; y z-zubmi skripajùchega. Zatem - kadbi drugi vre dalko odbegli nepriateli, dojde izti vodya, koi bìl je Zriny, k-Ruthardu, y zapazi Hartviga, kojega zapove zproti zvezati: — Hartvig pako klel y pszoval je one, koji szûgâ vezali: — na putu veli Zriny Ruthardu: „Ruthard! Ruthard! zakaj szî ti od toga mejdana mùchal pred menum? kakbi ja lahko bil mogel priatela pogubiti: alitî za szada odpraztcham: negosze ostro nad nepriatelom mojem Hartvigom fantil budem: — kadaszû k-vojzki doshli, Zriny zapovedal je v-kris okovati Hartviga, y jaku okol nyega ztrasu poztavil: zatemszû Zriny y Ruthard na pochinek preshli: ali nemoguchi mirno zpati Ruthard, dagâ Hartvig tuliko prega-nya, selet je vendar nyemu pomochi, y vsza za nyega vchiniti, léztor dabisze za nyegovo pobolshanye ufati mogel: ali videl je, daszû

vsza zahman; ar je Zriny naj ztrahoviteshu szmert Hartvigu odszudil: y seel je Ruthard za nyega prosziti, alisze ni ufal.

Drugo jutro, pochme orusje na boj rusiti, Zriny dojde v-shator k-Ruthardu, priatelzkgâ za ruku ztiszne, govorèchi: Priatel! jasze ùfam, da ti meni denesz na pomoch budesh: Darda grad denesz mora zrushen biti, kaj mê god ztalo bude: moji vojniki pripravni chakaju, hodi ada, dragi priatel! oborusisze; ar tvoja jakozt meni vnogo pomagala bude.

Rutharda ni bilo potrebno nigdar na harc prosziti: zkochisze taki, orusje na szê dene, y pita Zrinya: kaj budesh vchinil z-Hartvigom?

Zriny. Ostrosze nad nyim fantil budem, y nyegvê hmanyicze kastigati hochu; on je bil pograblyivecz jedne pucze, tolvaj, priatela neverni prevaritel, priszege prekershitel, neveren orszagu y kralyu, k-nepriatelusze prilosil mojemu, y onde kervolochnozt proti meni chinil: y ravno zato ni kastige na szvétu, y muke, koju ni zaszlusil: kaksze szrechno iz rata povernem, szmet ovu iz zemlye zbri-shem, y tak tebe kak mene velike jedne ne-

prilike reshim. — Ide ada Ruthard z-Zrinyena k-vojzki, koja szvôga Vodyu selno je chakala; pocheliszû ada ostro vojувati z-Turczy, koji nye pervich od grada z-vojzkum szvojum odrinuli jeszu: ali Zriny maloszî pochinuvshi vech vojnikov zkupa je zpravil, y opet drugòch na Turcze navalil, y taki szréchneshi je bil, vu chem vnogo Ruthardu zahvaliti je imel, koi na nepriatela kakti lyuti oroszlan je navalil, y nyega tak rasal, daszûsze Turczy vu grad potegnuti morali, na kojega zidine na jurish Zriny po tolnachu Rutharda je navalil: gdé na lotru iduchi y Ruthard, ranyen dole je opal, alisze zdigshi hotel je y pak po lotri iti na zidine, ali-Zriny doderchechi, prepRechilgâ od harcza, y dalgâ je vu shator odpelyati, gdé Ruthard rànu vesuchi videl je, da ni pogibelna, hotelsze je povernuti vu harczi; ali Zriny zapovedal je szlugom, dagâ puztiti nikam neszmeju; dapache iz iztoga harcza Zriny k-nyemu je poshilyal zezvedyati, kakmû je: po dugém zadnyich harczuvanyu ztupila je vojzka Zrinyeva vu grad, y na nepriatela navalila, koi, kadbi bil opeshal, povdalsze je, y tak Zriny grada vusgal, y Turcze szrechno obladal.

D e l IX.

POKAZ SZERDCZA PLEMENITOGA.

Ruthard szam vu logoru buduchi, premi-shlyával je hmanyiczu Hartviga; ali peklogâ je vendar zmir nekaj pri szerdczu: ar mû je dohadyalo na pamet negdashnye z-nyim priatelztvo, kak szûsze negda med szobum radi imeli, y kak Hartvig szada neveren je pozta: miszlil je takaj, da szad szad dojde Zriny iz harcza, y Hartviga na ostru szmert potegne: ô kak to mene muchilo bude, da Hartviga zbog mené vumreti videti moral budem, ne vendar vu harczu, kakszém se-
 lel, nego z-teskum szmertjum. (*vu szebi go-
 vorèchi*) Ah Ruthard! vchini jeden viteski chin y lyubav, ter oszlobodi Hartviga iz pogibeli: Zriny sze zadnyich zato szerdil bude jako, ali tvoj chèn vtasi szerditozt nyegovu: nebojsze: Bog zna, morebit Hartvig od szmerti oszlobodyen, pobolsha sivrènye szvoje, kaj mene jako veszelilo bude: hodi anda Ruthard, y zvershi nakanenye tvoje, doklam Zriny v-Logor nedojde: — ovak miszlechi ide vu shator, gdé Hartvig vu selezju bil je: kojega nashel ja lesechega na zemlyi, y vu

ztrashnom premishlyavanyu. Hartvig chujuchi, da k-nyemu negdo ide, vezh vu ztrahu zpazivshi Rutharda preblede, y veli: O Ruthard! znam daszî zato szim doshel, damî szmert moju nazvétîsh: o kak je to meni tesko, da od tebe dopîtanye ovo chuti moram.

Ruth. Hartvig! zakaj ti mene tak ztrashno preganyash?

Hart. Ah! puztimî od toga muchati.

Ruth. Ja tê nigdar zbantuval niszêm: vszigdar z-tobum priatelzki baratal jeszem: daszmô pako obodva Juditu oblyubili, ja tomu zrok nészêm; premiszli anda, jeliszêm zaszlusil, damê na tuliko preganyash?

Hart. Y z-tem zpochitavanyem ranish mî szerdcze; to je meni suhko chuti.

Ruth. O dabitê mogel genuti; da bi ti sivilènye tvoje pobolshal.

Hart. Kaj bimî to hasznilo; jaszêm chîn moj dovershil, ali bude na dobro, ali na zlo, to tebi bude vsze jedno: ti budesh potlam prozt, kad' ja od Zrinya zkonchan budem.

Ruth. A kak bi bilo, dasze to z-tobum nebi pripetilo; da bi ja tebe szlobodil; o

kak bi ti z-tvojem pobolshanyem meni chin ov nadomeztiti mogel!

Hart. Nerazmem, kak bi ti mogel meni dobro chiniti? kak bi mene oszloboditi mogel?

Ruth. Ja to vuchinim, akomî obechash tvoje pobolshanye.

Hart. Onda, onda szegurno ne szano z-réchmi, nego y z-chinom mojém tvoju proti meni lyubav ochituvati nezamudim.

Ruth. Anda dobro! naj bude tak, Hartvig! pobolshaj sze moj dragi! po meni od pogibeli budesh oszlobodyen, léztor nebudi nadalye nevéren: premiszli, da gréh ni prez kastige, premiszli, da vszigdar na pomoch imeti nebudesh mogel priatela Rutharda, koi bi té pogibeli takvé oszlobodil.

Hart. Priszisem, akosze szada oszlobodim, da vech nigdar vu takovu zlochu opazti néchû; o Ruthard! odhadyaj od mene; artê gledeti nemorem.

Ruth. Budi dober Hartvig! kakszî negda bil: ja tvoj nepriatel nigdar niszém bil: budi dalye moj priatel, jatî vsza odpraztcham: moramsze paschiti datê oszlobodim.

Hart. Ah! kaksze ti k-tomu pripravil budesh!

Ruth. Obleczi berzo ovu opravu moju, ja mezto tebe ovde oztanem.

Hart. O priatel dragi! kak pako bude, ako tê Zriny zato navek ôdurjaval bude?

Ruth. To bude moja zkerb: ti Hartvig! odhadyaj, y pobolshajsze.

Vzel je Hartvig Opravu Rutharda; à Ruthard sélezje Hartviga: y Hartvig prime rùku Rutharda priatelzki, y odide: strasagâ ni poznala, nitiszû drugi na nyega gledeli: szrečno iz Logora izidûchi, najde jednoga konya, kojega je zaszel, y na nyem ôd-
besal.

Zriny dojdûchi vu Logor z-vojkum, odszede iz konya: y dojduchi vu szvoj shator, izkal je taki Rutharda, ali nigdo ni znal, kam bi bîl preshel: ztrasa je vendar pové-
dala, dagâ je videla iz logara van oditi, za kojém taki Zriny na vsze kraje szluge je razposzlal.

Zriny. Dopelyajte szad, ztrasani! szim Hartviga, da dopîtanye od mene prime: y ztrasani taki dopelyaju Rutharda, kojega Zriny szerdito pogleda, govorèchi: O! ti nechemurni chlovek! — (*paksze na jenput nazad potegne, kada zpazi obraz Rutharda.*)

Zriny. Kaj je to? jeszili ti Ruthard; ali kakov Dùh? koi mene vkaniti, y kastigu preprechiti je nakanil?

Ruth. Jaszêm Ruthard: y hitamsze pred noge tvoje, Zriny! y žá miloztchu proszim.

Zriny. Bog moj! kakbi to moglo biti, daszi ti Ruthard? ja toga nevérujem: odpelyajte od mene ov vkanlyivi kip, y dope-lyajte mi drugoga krivcza.

Ruth. Dragi Zriny! poszluhni mé?

Zriny. Y pakmi ide glasz tvoj vu vùha moja: takszi ti anda iztinzki Ruthard, koi szim takvé neprilike napravil: o Ruthard! odhadyaj, odhadyaj, hiti te lancze od tebe, y ztani poleg mene, da szud na nepriatela nashega izrechemo.

Ruth. Zriny! na mé hiti dopitanye, arszêm ja Hartviga oszlobodil od szmerti. — (*Zriny malo nazad odztupi, liczemú prebledi, kojese je taki na szerditozt vusgalo;*) tak je, veli Zriny, Hartvig oszlobodyen, y to po Ruthardu? Bog moj! ako je tomu tak, tak szlugi na konye, hodte za Hartvigom, y gdégá goder najdete, ali sivoga, ali mertvoga, k—meni szim dopelyajte: dobite veliki od mene dàr. A ti, Ruthard! kakszisze podztu-

pil to vchiniti? morebit iz pomiluvànya? ali jeli neszêm ja vréden vishe, kak on? morebitiszî miszlil, dasze on malovrednyak pobolsha? O! bedazto mishlénnye! — odhadyaj, odhadyaj, niszî ti to vchinil, kakti moj priatel: oztavi ti mene, rajshi hochu szam biti, kak z-takovem chlovekom prebivati, koi za mêm malo mara, y koi mojega naj vekshega nepriatela je oszlobodil, y nyemu opet novu priliku greshiti dal: — vzémiszî anda ovde od kincha mojega, kuliko hochesh, y odhadyaj od mene.

Ruth. Tvoja, Zriny! szerditozt vsze kotrige vu meni je zmeshala; ali moj chîn, moja vezt, meni nadomezti: ja tvojega kincha nepotrebujem; artê za platchu szlusil niszêm, niti priatel bil za moju haszen: Ti vendar navek oztanesh moj, gdegoder na szvétu budem.

Ni ravno lépo bilo od Zrinya, da je tak z-Ruthardom baratal, dagâ vu szerditozti niti poszluhnuti ni hotel, negosze je od nyega odvernul: kaj vidèchi Ruthard jako razsalozten iz shatora je preshel, selezje iz szebè hitil, opravu oblekel, na konya szel, y vu veliki salozti preshel. — Zriny na berzo zpoznal je szvoju falingu, y saluvalsze, da

je tak nechlovechki z-priatelom szvojem bataral: dalgâ je taki k-szebi nazad zvati: ali on vré pred jednum vurum bil je preshel: ovoszâ je pak Zriny k-szerdczu vzèl, govorechi: „Tak je tak lahko mene oztavil, jeli on nepozna szerdcze moje, koje falingu taki popraviti zna? Ruthard! Ruthard! neszêm-lisze ja y vu tebi vkanil! Zatem seel je zbog salozti vu számochi duse biti; ar na zkorom moral je vu tabor iti, y proti Szigethu varashu vojuvati, kojega je szréchno y predobil: onda mú je ztoperv na pamet doshlo, da je on imel negda dva priatela, szada obodva zgubil, y taksze dugo dalye saloztil, dokszúmú salozt ovu druge zkerbf iz glàve ztirale.

Vu to vréme veliki Vezir Turzki vidèchi, da je Szigetha zgubil, dàl je vnoge vojnikè szvoje porasati, y iztomu Bashi Szigetzkomu sivomu kosu zhvlechi, koju kervo-lochnozt drugi Bashe vidèchi, niszûsze preztrashili, nego y Kanisky Basha z-Zrinyem-sze je dogovoril, y Kanisu mú predal. Ali — szad oztavemo Zrinya, y hodmo za Ruthardom.

D E L X.
P U Z T C H E N I K.

Vu veliki szerdcza salozti Ruthard vsze-
ga mentuvan, nitisze vu priatela, niti kako-
vo veszelye ufajuchisze iz Logora odishel je,
mislèchi: Bog moj! kulika jezera Lyudih,
vu veszelyu sivucheh szmert od drageh szvo-
jeh razluchi, a mene, koi nyu selim, si-
vlènya niřak mentuvati nèchê, nego dalye od
mene besì, damê vu vekshu muku zapelya:
josh jenput odhadyajuchi nazad na logor o-
gledasze, vu szebi govorechi: Z-Bogom
Zriny! sivi szrèchno, jasze od tebe szad ra-
zdrusiti moram, y zpodoben jeszem drevu,
koje na puzti pechini szamo zrazte: zatem
pritiszne pod szobum konya, y dalye jashe,
puztechi konyu vuzdu za iti, kam hoche
szam; y kad bisze bilo szvehnulo, dojde vu
jednu lozu: iz trudnoga konya odszede, y
puztì na pashu, onszî pak pod jedno veliko
drevo lese, y zpuztisze vu turobne misli,
da najmre vech vu szvét iti nèchê, nego vu
ovoj lozi vu szamochi dokonchati sitek szvoj,
y za Juditu szvoju narekuvati; dasze ovak
barem ovdé po zlocheztem hranenyu sivrè-
nya berse mentuje: zato szim tam po lozi

hodech dojde zadnyích k-jedni pechini, y ondé namerisze na jedno duplo, poleg kojega jeden vugodni potochecz szushnil je. O! kak je lepo mezto ovo, reche, y kak ja szrechen jeszem, daszêmsze na nye nameril: ovdé bude ztan moj, gde ja dalko od lyùdih budúchi vu szamochi lehkshe na Juditu moju miszlil budem. Hiti ada opravu y orusje iz szebe, nabereszî mehnya, y vu tom duplu szebi mezto pochinka priredi, z-korenyem y friskum vodiczum nekuliko vremena sivuchi. — Kad' bi jednòch pred duplom szvojem zazpal, okol pol nochi chuti nekakovu merzlu ruku kojagá je prijela; na to zkochisze goré, y vidi jednoga szuhoga chloveka, koi vu dugi opravi oblechen, vu ruki szvétniczu dersèchi, pred nyim je ztal, ter z-glavum pleshivum, turobnemi ochmi, y z-dugum zkoro do zemlye bradum na paliczu vuperlsze je, kojega pìta“

Ruthard: Gdoszî ti? y kaj hochesh?

Ztarecz. Moja oprava, y télo kase tebi, gdoszê m ja: najmre: chlovek od vszakoga Lyudih drustva odrusen: moj ztan je vu ovoj puzti lozi: szamocha je moj pajdash, y drevja ova priateli moji: preshlo je vre 20 let'h,

da ovde sivem, y malo kada vidim chloveka, koibi szim zabludil: kakova pako je tebe neszrecha szim dopelyala?

Ruth. Ah! puztimî od toga muchati, y vu zamochi biti, ar mê ztem pitanyen rannish.

Ztarecz. Anda je tebe neszrecha y tuga szim dopelyala, ter vu ovoj pùzti lozi izchesh pokoja! o mladenecz! ovak josh vu mladozti buduchi vnogo terpeti morash! tiszse, kak vidim, za mlada preganyash, y od drustva lyudih vlechesh, jeli nebi ti josh komu na haszen biti mogel: gde koi morebit pomochi tvoje chaka, a ti lepu mladozt nakanilszî ovdé chizto zakopati!

Ruth. Jaszêmsze drustvu lyudih odrekel, kad'szêm videl, damê nikaj nevese: chinilszêm moju dusnozt, kulikoszêm mogel, à szada nakanenye moje meni nigdo nezapachi.

Ztar. Iz szerdcza tê miluvati moram: vidim ochiveztno, da tebi ni povòlyno, daszêm szim doshel: ali - kaj tâ to skodeti more, daszêm tê ovde nashel, pokehdob'hszêm y ja vu jednaki neszrechi, y dalko od drustva lyudih sivem: nebesim vendar nijedno-

ga dobroga chloveka, dapachesze terszim nyemu vu neszréchi na pomoch biti. O dragi Bose! ni na szvétu ztvorjenja, koje nebi chloveku na haszen biti moglo: zakajbi anda chlovek zdvojiti moral, akogâ y neszrecha preganya?

Ruth. Ti ranish szerdcze moje: ja zai-zto lyúbim lyúdi, y moje blisnye, aliszém za moj dober chin zlo naplatchen.

Ztar. Budi ada ti posteneshi, dragi moj! kakszû oni, y vchini opet dobro za zlo: to tebi na radozt, nyim na szramotu bude. — O Mladenecz! hodi z-menum, ja tî pokasem prebivalische moje, y ak oprem takaj szamochno, ali prilichneshe vendar kak ovo, ar bi ti ovde josh bolye neszréchen bil, kak vre jeszi: hodi za menum, vsivalisze budemo zkupa tuge y radozti: ja dugo vech vremena ovak sivem, alisze vendar radujem, kada chloveka vidim, y kuliko drustvo z-nyim imam; hodi, moje szerdcze tebi dobro seli, y radujesze, da tê kuliko razbatrivi. — Réchi ove ztarca genule jeszu Rutharda miszlechega, da vendar bolye bude z-nyim v-drustvu prebivati, kaksze vu szamochi muchiti. — Ztanésze ada, vzème orusje szvoje, koje szada na vno-

go je prestimaval, y szledi Ztarcza, koi pred nyim polahko chez germje, y poleg potochecza ishel je do jedne velike pechine: - ovde Ruthard zpazi konya szvojega na oglavniku k-jednomu drevu privezanoga, koi gozpona szvôga videchi, herzati je pochel; Ruthard zachudil sze je nad nyim, govorechi: O verno sivinche! y pak szêmtê nashel: kak ti vendar poznash mene, y veszelishsze nad menum.

Ztar. Anda je ovo tvoj kony? nut nyemu zahvaliti imam, datê szada poznam: doshel je szim paszuchisze k-prebivalischu mojemu, y puztilsze je taki prijeti: miszlil szêm zproti, odkud bi ov zavuzdani kony doshel? morebiti gozpodara nyegovoga kakova neszrécha je ztigla, y nevòlyni potrebuje kakovu pomoch: y zato vzêlszêm taki szvét-
niczu, y izkalszêm szim tam, doklamszêmszê na té nameril: hodi; hodi vù ztan moj! —
(*zatem ztarecz jednoga priszlonyenoga kame-
na od pechine odvali, y videlasze je shuplina
núternya.*) Ovdésze, veli ztarecz, branim od
hman lyùdih, a dobre izchem, y nyim od-
piram ztana mojega. „Rutharda prime za ru-
ku, y pelya dalko po duplu, doklam zad-
nyich na odperti proztor doshli jeszu, kade

z-drevjem obraztcheno lepo ravno mezto je bilo: z-deszna iz deszek^h z-mehnom pokrita ztala je kuhinyicza, vu koju Rudhard ztupivshi zachudil sze je: poszedeju dole, y potlam ztarecz zvadi iz ormara, vu pechini zdubenoga, kruha y pehar Vina, ter natochi dve drevene kupicze, y veli ztarecz: „Tisze, znam, chudil budesh, da ovakove jéztvine y pitvine pri meni vidish; ali nechudisze - nészêm ja lyudi zato oztavil, da vu puztchini ovî mene zakopam, nego da z-nyihovém almustvém sivem; hochu vu mîru ovde prebivati, niti téla mojega vmoritel nèchû biti: prez toga dozta salozti podnasham, zakaj bi y proti meni kervolochen bil! hodi dragi mladenez! pochiniszî ovde, dveszû ovde vu kuhinyi poztelye, jedna za mê, druga za prihodne lyudi, kojem rad z-žtanom poszlu-sim. — Leseszî Ruthard^{na} poztelyu, y zazpi: ali zpanye nyegovo ni dugo terpelo, zbudilsze je, kada je zorja puczala: - a ztarecz chverzto je zpal, kojega Ruthard vidèchi, reche vu szebi; o Bose! kak ztarècz ov pokojno zpi: vidisze, da je chlovek viteskoga szerdcza: y zpoznajem nekaj vu meni, kaj mê vleche k-nyemu, akoprem nepoznanomu;

morebiti najdem vu nyem priatela, lak y vu Zriynu imel jeszem.

Ruthard pregledavajùchi kuhinye lepotu, y jednu ravnu doliczu, okolo viszoke pechine, chez koju nikak, zvun chez shuplinu, van prejtisze ni moglo: chudisze, kak y jeden potochecz iz pechine zvirajùchi nazad vu pechinu ztekalsze je: izta narava reche, nachinila je mezto ovo za obrambu chloveka. Vu ovém meztu ztarecz, do potlam sive, zaszadil je vnogo szadovenoga drevja, odkud obilno okreplenye je vre dobil, nad ovem Ruthard nezmerno raduvalsze je, govorechi: O! kak szrechen je ov chlovek! — o dabi barem meni ovdé z-szobum prebivati dopuztil, doklam konecz bude sitka môga! szvehne za toga dan, szunczesze pokase, y ptichicz'h peszme chùjusze: Ruthard prevzet hitisze na kolena, y zkríkne: o, blasen vszaki neszréchni chlovek na meztu ovem.

Kad'sze ztane Ruthard, vre pred nyim szmejuchisze ztojì ztarecz, govorechi: Tiszî predi ovo mezto moje pregledal, kakszém tîgâ ja pokazal; arszém malo prizpal: hodi szada k-zajutreku, dasze okrepimo. Odide ztarecz vu kuhinyu, iznesze kruha, y jeden ve-

liki lonecz mleka, govorèchi: Tisze, znam chudil budesh, odkud meni hrana ova, a-lisze naj chuditi; ar ja, kadamî hrana pomenyka, vu blisnye szelo idem, gde imam vu staliczi jednoga konya, koi meni y szebi hranu donesze; dobri szelyani vre mē poznajû, y potrebna mî za platchu moju podelyuju; ar, kadaszēm ja iz szvéta preshel, doneszelszēm-szî tuliko, da dugo vremena sivetî morem: za mē nigdo nezna, gde ztojim, niti oni izti, od kojéh hranu kupùjem, ter tak mirno sivem z-darom mojem,

Ruth. O dabi ja tak szrèchen bîl, y z-tobum ovdé ztanuvati mogel: jabi tebi na pomoch bil, y mirnosze radozti moje vusival, y tebi zahvalen bil.

Ztarecz. Ovde moresh biti doklam tîsze dopalo bude: ali miszlim, to dugo terpelo nebude: ar pozabi szerdcze tvoje na salozt, y opet tē med lyùdi vleklo bude. Szada, kakszmô dokonchali, poyedymo, jeden drugomu pripetchènya nasha: povedy ti meni, kak-sze zovesh?

Ruth. Ime moje je Ruthard.

Ztar. Ruthard! Ruthard.

Ruth. Zakaj szîsze tak premenil?

Ztar. (zdehnuchi) Jaszêm negda poznal jednoga Rutharda : ali od ovoga nikaj vishe—

Ruth. Ja zamuchim moj pridovek, ar tî to nikaj nebi hasznilo: drugotî vsze po iztini povedati hochu.

Ztar. Drago mî je, daszîmê na to zpomenul, da y ja tebi moj pridovek, y mezto narodno povedal nészêm; arszêm obechal, da toga nikomu na szvétu povédati nèchû.

Ruthard ada povedal je ztaromu vsze szvoje dogodyaje, y kadabi bil dokonchal, onda Ztarecz pomiluvanye z-nyim imajuchi, reche,,

Ztar. Jaszêm tî vre povédal, dragi Ruthard! da niti ime moje, niti narodno mezto nikomu povedati nèchû, szamotî to povem, da ja iz jednoga ztarinzkoga plemenitoga plemena izhádyam, jaszêm szréchno y mirno z-tovarusziczum mojum sivel, ali o! salozt! kada je ona preminula, vsza moja szrécha je zniknula : onda je poginul mîr szérdcza, y za kratko vu takove neprilike dozpel jeszem, daszêmsze vszega, y sivrènya zkoro mentuval. Tabor-sze je pochel, y kadabi blizu mojega imanya y grada nepriatel nadoshel, na nyega vnochi je navalil; jaszêm z-mojémi szlugami grada branil, ali-kajtisze z-malum lyùdih

shakum braniti niszêm mogel, hotelszêmsze pod ztanovitemi pogodbami predati; kajti pako nepriatel niti poszluhnuti mene ni hotel, nego z-szilum na grad navalil, nyega vusgal y mene ranil, moralszêm zadnyich zbesanyem sivilèneye moje oszloboditi: ali - vu zmutnyi ovoj pozabilszêm na déte moje, koje kadabi bil, k-szebi dojduchi, zgreshil, vernulsze jeszem zproti hotechi nye oszloboditi, ali - akoprem po czéлом gradu, izkajuchi déte, zkakal jeszem, nigdégâ vendar najti nészêm mogel, doklam zadnyich y nepriatel nuter je vlezal, ter onda vu blisnyu lozu p obechi jeszêm moral, kade mêkmet moj je prijel, y rànu zavezal: ali ràna moja ni meni tuliko dodihala, kuliko zgublenye déteta, koje nigde najti mogel nészêm: keszneshe takaj kmet povszud déte zahman izkajuchi, y vidèchi vu ognju gràda, nazadsze je povernul. Jaszêm vesz omamlyen bil, miszlèchi, kam je dozpelo moje déte, y ztarno dersèchi, da je zgorelo, pochelszêm narekuvati, y krichati: O drago moje déte! drago déte moje: za tém szedemszi na jeden kamen, y videlomísze je, kak dabi déteta mojega glasz chul: ali szamo jeka bila je. Oztaviv-

shi anda mézto ovo, szim tam hodil jeszem,
 ali nigde pokoja nashel nészêm, vechput bli-
 zu nepriatela bilszêm, ali vszakipût sze szrech-
 no nyegoveli ruk'h oszlobodil jeszem: pôvszud
 po dalechnom orszagu hodèchi, nigde pokoja
 najti, y salozti potishiti niszêm mogel, nashel
 szêm lyùdih vech zléh, kak dobréh, doklamsze
 zadnyèh nameril jeszem na mezto ovo: vu
 lozi ovi tolvaji ztanúvali jeszu, y vre blizu
 nyih buduèhi, zpazil jeszem pripetcze kamen
 pri pechini ovi, kojegaszêm odrinul, y du-
 plo ovo znashelszem, vu kojeszêmsze zkril,
 akoprem czélu nôch žpal niszêm: v-jutro,
 kad' jeszuncze izishlo, opazilszêm nutri szvét-
 lozt, za kojum dalye idúchi, nashel jeszem
 ravnu ovu doliczu, koja za onda zaraztèhena
 josh bila je, odredilszêm onda bil ovde ztan
 moj, y za toga sivel z-korenyem, y divjem
 szadam, dokszû tolvaji blizu bili: kadbi pa-
 ko bil zpoznal, dasztisze od ovud odneszli,
 pochelszêm mézto ovo vu red metati, napra-
 vilszi kuhinyiczu, y zaszàdil drevje, kojemi
 dozta szàda dava; y ovde szad mirno sivem,
 drugomî nemenyka, nego mê muchi miszel
 za déte moje, koje ali je vu oném tabor-

zkem vremenù kam pobeglo, ali vu gradu zgorélo.

Ruthard ova pripetchènyà chujùchi, vesz salozien, y milujùchi ztareza, rechè: anda mi obodva vnogó na szvétu pogubili jeszmo; naj nasz ada nikaj vech nerazluchi, hochemo zkupa sivetì, ja od tebe nechù iti: dopuztimì, da tè za Otcza imenujem, y tebe hochu prestimavati kakti Otcza mojèga: hochu vsza vchiniti, koja zapovedal budesh: nepuztimtè vech nikaj delati, nego vsza ja mezto tebe delatihochu, y tèbi podlosen biti: ztarecz je priztal k-selyi nyegovi: y akoprem drago mù je bilo, da je pri nyem oztal, ni vendar seled, dabi ov josh vu mladozti budùchi, vu puztchini sivùchi szvéta oztavil. Ruthard poleg ztareza ovoga vresze je szreclinoga chutil; y na neszréchu po malom pozablyuvati pochel: kadabi ovak nekuliko meszcz'h zprevadyal, dojdemù na pamet, kak on negda med lyùdmi vnoge veszele dnève je zprevodil, szada pakò vu puztchini szamochno sivetì mora: y ova miszel trapila je szerdcze nyegovo: kaj ztarecz zpazèchi, nigà hotel vu premishlyàvanyu ovem pachiti.

D e l XI.

NOVO TABORZKO DOGODYÈNYE.

Kadabi jednoch ztarecz po lozi korenye zizkaval, y po vodu frisku íshel, prek navade je bil zaoztal, y kada vre pod nõch nigá domom bilo, Ruthard nemirno szim tam je hodil, izide iz dupla, y okolo naszluhava, y kad bi ravno ztarcza navikati hotel, chùje nekaj shumeti, y nut ztarecz hitro k-nyemu ide; kadabigá pak hotel pítati, gdesze je tak dugo zadersal, namegne nyemu ztarecz, dasze naj berzo nazad poverne, za kojem y on berzo je nuter ztupil, y kamena za szobum hitro zaperl: y kadabi vre nutri bili reche“

Ztar. Nasz, hvala Bogu! dragi Ruthard! nikakova pogibel neztrashi, arszmô ovdé szegurni: nego ztrashi nekojega drugoga, kojega bi ja oszloboditi selel. — Kad' szém od nashega ztana malo dalye bil preshel, hotèchi za nasz hranu izkati, najenput chulszém halabuku y stropot konyzki, paschilszêmsze zproti, damê gdo nezpazi, ali nevlovi, szim dojti: alimî je prekreszno bilo, anda szêmsze zkril vu jeden germ, y bilszém tak szrechen,

dasze na mé ni nigdo nameril: negoszém videl jednoga sherega Turczev oborusnoga, kojisze ondé na travu polosili jeszu: bojalszém-sze jako, da mé szad szad nenajdú, y za mé onda zlo nebude: ali - premiszli, Ruthard! kak szémsze zachudil, kadszém med nyimi zpazil jednoga mladicha vu lepi opravi, oborusnoga, na kojega perszah modro selezo z-cherlenem zmeshano, a na kalpaku cherleno perje bilo je.

Ruth. Kak? kak? modro selezo z-cherlenem zmeshano? jeli y na kalpaku pozlatchenoga orla je imel.

Ztar. Takmísze vidi.

Ruth. Ah! on je, on: kaj moram chuti: Hartvig je zaisto, Hartvig! govori, proszimté dalye.

Ztar. Nekoji zmed Turczev govoriliszú magyarzki: y razmelszém nyihov dokonchek: budite, veli oborusni mladencz, batrivì, nasha vòlya bude zpunyena: szamo z-menu tam hodte, kam vasz pelyal budem: jaszém vre zeznal, da on z-nekojemi vojniku bude szim tam hodil skomcze, y Kaniski shancz pregle-dal: onda na nyega navalimo: vojniku porasamo, à nyega pak' zvesemo, y k-Turzkomu

Veziru odpelyamo: onda mi dàr velik dobi-
mo, y on naj ztrahoviteshi nepriatel vash
zkonchan bude.

Ruth. Vash naj ztrahoviteshi nepriatel,
o Bose! to ni drugi kak Zriny.

Ztar. On, on, arszêm chul ime nyëgo-
vo zpominyati, nyega selê vloviti.

Ruth. O Bose! kakbi ja mogel tvoju,
Zriny! Zriny! pogibel chuti! o Bose! dajmî
jakozt, dagâ od pogibeli ove oszlobodim.

Ztar. Tvoja, Ruthard! pomoch nyemu
szada jako potrebna je! morashsze szada pa-
schiti; ar szila je velika.

Ruth. Ah! idem, idem; szadasze ra-
zdrusim od tebe, ali za kratko szamo vrê-
me: idem, da mojega Zrinya oszlobodim: on
naj nebû znal za oszloboditelya szvojega, ar
kagâ oszlobodim, nebudem chakal, damî za-
hvali, negosze zproti povernem k-tebi. Vzême
ada Ruthard na szê orusje, veszelo nye po-
gleda, y reche: anda josh jedenput, moje
orusje! budem imel szrechu tebe nad nepria-
telom obrachati, akoprem szêm vre bil
odredil, datê herdya pojé: budi mî ada josh
jenput na pomoch! ter onda za navek po-
chivajszî. — Prime Ztarecz Rutharda za ruku,

zpelyagá iz dupla, y pokasemû pút drugi po neznanom meztu, po kojém van iziti, y proti Kanisi zraven dojti more.

Ruthard od Ztarcza razdrusen ide zkoro pol vùre pod pechinum po tmiczi, teda van izide, y dobroszî zapameti, kud je izishel: iziduchi pochineszî, y nut zachuje stropot konyzki, miszlechi, dasze morebiti Turczy z-onem iztém vodyum k-nyemu priblisavaju: zkrijesze ada vu germje, y zpàzi, da ide jeden magyarszki shereg vojnìkov, kojiszú izkali mezto za pochinek: chùje glasz vodye: Hochemoszî ovde malo pochinuti, najsze ovde konyi nashi paszeju, poleg je y voda, gdésze napojé: — ter onda odszeli jeszu, y na tratinu polegli.

Vodya. Ala! lyut je bil harc, kojega szmô pri Morath bregu dovershili.

Jed. Voj. Alismô y szrečno vojuvali, nepriatel padal je pod nashem mechem, kak pshenicza pod szerpom, tomé je veszelilo, kadszém kojemu Turchinu ali tataru glàvu dole obalil.

Vody. zato nam je zahvalil nash veliki Vodya, daszmô napriatela pretirali, da k-

gradu Zrinyu dojtí ní mogel: ali kaj bude, akosze nepriatel k-nyemu jednoch dovleche?

Voj. Ondagá y pak nazad pretirámo.

Vody. Ja miszlim, dasze Zrin-grad ní kak obraniti nebude mogel: zadnyich dojde Turczem v-ruke.

Voj. To nebi bilo zdravo.

Vody. Szamo pazi na to: tosze ochive-zto pripeti: — Zakajszú nasz iz grada van deli, gdeszmô priszegli, dagá do kaplye kervi braniti hochemo. Szadaszú Franczúzi y Nem-czi nutré: zakaj je to? — Zriny vsza ova dobro vidi: Zriny sze je poszvadil z-drugem sherega Vodyum, koisze nad nyim seli za to fan-titi: Zriny je grada na trucz Turczem dal zezi-dati, to je Turcze jako zbantuvalo, y zato bu-desh videl, da Zriny-grad nebude dugo ztal.

Voj. To je ravno pametno recheno: a kam pako onda Zriny?

Vody. Budesze dozta szerdil, y lyutil; ali nikaj nebude hasznelo.

Voj. Kam pako mi szada.

Vody. Ja szam neznam, pri drugem sheregu szlusiti nèchêmo: hodmo rajshi vu domovinu nashu, y onak szmô ran'h dozta dobili: pak nasz takaj sene y detcza vre dugo tesko chakaju.

Vszi Vojniki. Y pravo je! hodmo vu domovinu nashu.

Nad to Ruthard z-germja zkochil, kojega Magyari zpazivshi, taki gore podiglisze jeszu.

Vody. Gdo je tam? y gdoszi ti:

Ruth. Jaszem vash nepriatel, ako Zrinyem Mikulum dersati nêchête.

Vody. Tak je? podajmi ruku, y napi-sze malo vina: mi vszi zkupa z-Zrinyem dersimo, y poleg nyega vojuvati hochemo.

Ruth. Pak Zrinya vi hochete oztaviti, kada je on vu naj vekshi ztizki y pogibeli?

Vody. Pogibeli? kakbi to moglo biti? ja dobro znam, da on z-velikum Vojzkum pri Kanisi lesi, y szegurno oblada! bude.

Ruth. Hocheteli mene vu judnem teskem poszlu poszluznuti predi kak bi vu Domovinu preshli?

Vody. Kajbi to bilo? povedy nam od-perto.

Ruth. Zriny je vu veliki pogibeli, od koje on josh nikaj nezna.

Vody. Kaj povedash, Zriny je vu pogibeli? bratja! koi lyubi Bana Horvatzkoga, naj ide z-menum.

Nad to plemeniti Magyari zkochijusze gore, poszedû na konye, y z-vodyum zkupa idû za Ruthardom, koi nye proti Kanisi je pelyal.

Mirno pochival je Zriny vu shatoru szvojem: y kadbi zorja puczala, izishel je z-nekulikemi Vojniki na pregledanye jakozt grada Kaniskoga; niti nemiszlèchi, dagâ kakova pogibel ondé chaka; arsze je ùfal vu Kaniskoga Bashu, koi je Komendant vu Kanisi bil, y z-Zrinyem dersal: — ali — to Turczi zpazivshi, Bashu vmorili jeszu, kaj Zriny ni znal: zato kakti szeguren dalko od Logora, akoprem szûmû lyudi nyegovi prechili, je bil odishel, y kadbi do *jednoga berega doshel*, 500 *Turczov iz berega na nyega* je navalilo z-velikum halabukum y hitrochum: Zriny vidèchi pogibel, y komaj deszet Vojnikov zszobum imajùchi, nemoguchisze drugach pomochi, obernulsze je nazad, y ostro proti jedni shumí besal; a Turczi za nyim: y kadabigâ vre zkoro doztigli bili, zkochi pred nye jeden oborusni vitez z- 500 Magyari, koji Zrinya med sze deneju, y na Turcze navalíju: — Ztrashen harcz podigel sze je; ar Zriny vidèchi pomoch, na Turcze kakti razlutcheni orozlan je navalil: Ruthard ostro

takaj vojuval, y Turcze rasal je; y naj bo-
lye onoga izkal, koj nyihov vodya je bil: y
kadabigâ med drugemi Turczy opazil, navalil
je na nyega, y ovi dva zgrabilisze jeszu zkupa;
ali - kadbi Ruthard nyegov mech iz ruk'h od-
bil, y nyega ranil, pograbiğâ, iz konya
dole hiti, y reche: Ti malovredni chlovek!
ovo je tvoje zadnye harczuvanye: poznam
tê dobro, gdoszi ti: pograbi mecha, dagâ
prebode; aliszû nadoshli Turczy, z-kojemi-
sze y pak tuchi je moral: za toga vodya vme-
knulsze je, y dalye odbesal: zadnyich obla-
dani Turczy, nekoji odbesali, nekoji polo-
vlyeni jeszu bili.

Zriny videchi obranitele szvoje, pochel
je vszem lepo hvaliti za nyihovu proti szebi
lyubav: ali, reche Magyarov vodya: naj nam,
Zriny! hvaliti, nego mi vszi zkupa hvalu
dati moramo onomu mladenczu, koi je nam
priliku dal, daszmô tebe oszlobodili.

Zriny. Gdoszi ti, plemeniti mladencz?

Ruth. Dopuztimî, da ja tebe za mojega
priatela imeti morem, y tomî dopuzti, datî
sze ja neprepovem; nego mê nazad oditi puzti.

Zriny. Kaj god z-mene imeti hochesh,
szamo priatela ne: nigdosze nigdar vu pri-

ateliň szvojeň ni vkanil, kak ja; szamo jedini ti Ruthard! bil jeszi plemenitoga szerdca priatel: y kakmîsze vidi, tiszî szada poleg mene seztoko harcзуval; arté poznavam po tvojoj modri opravi.

To je vre prevech chutil! miszli vu szebi Ruthard, dene iz glave kalpaka, y odpre pred Zrinyem obraz: — Ruthard! Ruthard! zkríkne Zriny, y nyega obme, govorechi: Tak szî ti moj oszloboditel? ti moj Angel? koi mê zmîr szlédish: ah hodi, hodi vu narchaj moj, iz kojegatê vech nigdar nepuztîm.

Magyariszze veszelili jeszu, daszû Rutharda videli, kojegaszû onda ztoperv poznali: Ruthard vidèchi, dagâ je Zriny nazad vu priatelztvo vzel, ishel je z-nyim vu Logor.

D E L XII.

NOVI SZRÈCHE PÒKAZ.

Nut Zriny zevszém lebko odprozil je priatelu szvojemu Ruthardu zarad Hartviga, da mû je sivlènye obçhuval: ali szad Zrinyu ni hotel povedati, da Hartvig y szada kakti Turzki vodya proti nyemu je vójuval, dagâ z-tém holye neraszaloztî, ali na vekshu szerditozt negene: raduvaliszûsze obodva, daszûsze zkupa nazad zeztali, y Ruthard mo-

ral je obechati Zrinyu, dagá nigdar neozta-
vi: potlam szû y pak obodva ostro vojuvali,
da Kanisu predobiju, ali zahman; arszû Tur-
czi grada jako branili, tak, da je Zriny mo-
ral vojzku szvoju na zad potegnuti. Zatem
doshel je y veliki Vezir prek mozta Oszech-
koga z-szedendeszetemi jezermi izebra-
Turczev: kaj Czeszarzki Vodye vidèchi, nekaj-
sze poplashili, nekaj med szobum poszvadili
jeszu, y puztiliszû Turczem vsze od Zrinya
predoblyene grade, jednoga za drugim od-
teti: y akoprem sze Zriny szvojemi vérnemi
vojniki ostro bi bil branil, moralsze je vendar
vsze dalye y dalye vlechi: zadnyieh veliki Vezir
Turzki navalil je z-vojkum y na Zriny-grada,
y nyega do zemlye porushil, kaj videchi Zriny:
jako razsalozten, reche: O Ruthard! vidish
szada lépo ovo mezto nashe, gdeszmo vnogo
vrémena vu priatelztvu sivali, porusheno, y
za navek pogublyeno: mi vendar hochemo
priatelztvo nashe y lyùbav med nami zader-
sati do szmerti, kaj y z-priszegum jeden
drugomu obechial je. — Zatem Zriny, koi
Montekukulia vech z-dobrem okom gledeti
ni mogel, szerdito tabora je oztavil, y vu
grad szvoj Chakovecz z-tovarushiczum y

priatelom preshel: kádé Ruthard nekuliko vremena sivùchi, zmiszlilsze je iz Ztarcza szvoje-
ga, miszlèchi, dabi jako bedazto vchinil,
dabi nyega prez vszakoga zprichanya oztavil:
miszlil je anda, da onoga, koi je nyemu per-
vi priliku dâl za Zrinya oszloboditi, nago-
vori, y proszi, da y on oztavi puztchinu, y
k-Zrinyu vu Chakovecz ztanuvat dojde; y
akoprem miszel ova je nyega kruto veszeli-
la, z-druge vendar ztrani kakti dvojlil je,
dabi on to vchiniti hotel; y vu mishlenyu szvo-
jém nyemu je prav daval; ar holye je nyemu,
kak je miszlil, vu szamochi, y mùru siveti, y
zato prav vuchini, ako nedode, akoprem meni
tesko bude, od nyegasze za na veke razdrusi-
ti: — ovak miszlechi dojde k-Zrinyu, y naka-
nenye pove: — kojemu Zriny reche: Hodi, hodi
dragi moj Ruthard! dopelyaj Ztarcza onoga
k-meni, y nestentaj nazad dojtj, za toga
gledel budem, datâ za navek szréchnoga vchi-
nim. — Ali Ruthard je miszlil: O Zriny! kak
bi ti mene szrechnoga vchiniti mogel prez
moje Judite: prez nye ja nigdar szréchen ne-
budem: — zatem sze obleche, na konya sze-
de, y odpravi tam, gdé je Ztarcza oztavil: ra-
duvalsze je vu szerdczu, kad' je szréchno na
mezto pogodil: odvali kamena, ztúpi vu duplo:

zove Ztarcza, ali odgovora nedobiva; ide dalje do ravnicze: zove, ali zahman, Ztarczu niti traga nenahadya: nego namerisze na jeden na zemlyi lesechi mech: kaj je to? reche: zdigne mecha, y ogloda, y vidi kervavoga: O Bose; zpazi na nyem ime Hartviga, zputigâ z-ruk'h, y priszlonyen k-jednomu drevu veli, o dragi Bose! kak chudnoviti jeszu tolnachi tvoji! O Hartvig! Hartvig! takszi ti y ovdé bil- y ovde nekakoyu hmanyiczu napravil! o jaj meni, kaj drugo szuditi morem, kak da je on iz harzcza onoga szim dobesal, y onoga dobroga Ztarcza vmoril: O dabi ja to ochiveztno znal, nebi pochinul, makarbi czél szvét obishel, doklangâ nebi nashel, y sitka mentuval; y kajti Ztarcza ni nashel vu ravniczi, ishel je vu kuhinyu, aligâ niti tam ni nashel, nego videl je zemlye dober falat z-kervjum poskroplyen; y na to veli: O zaizto Ztarecz moj je vmorjen; lese-szi na poztely, y pochme milo plakati: gledi y pak okolo, y zpazivshi nekaj, kakti piszmo, zkochisze, prime lizta, y chteje:,,

„Tebi, kojega ime ovdé neszmem napiszati, ar neznam, jeli ti prvi ov lizt v-ruke dobish, ochitujem, daszém tak szrechen, ter nashel

ono zviralsche, iz kojega ti veszelye grabi! budesh, dojdi na ono mézto, gdészti ti tvoje dobro zgubil, y gdé miszlish, da je veszelye tvoje v-grob zakopano: ondesze zeztanemo, ar ja onde radozt tvoju y szréchu jako izchem. — Ti pako, koi ova morebit chtejùchi, razmel nebudesh, y szamo po neszréchi szim dojdesh, puzti pri mtru pìszmo ovo, y nezkrati szréchu onomu, na koga pìszmo ovo zpada: a ti, koi mene razmesh, y moj priatel jeszi, surisze dobiti kaj berse szrechu tvoju.“ Ruthard prechtejùchi odrevenil je, y razmevshi pìszmo, reche: Na mē, na mē zpada lizt ov; razmem ja tebe, dobri Ztarecz! ah! idem, idem za tobum, znam ja dobro mézto ono, gdé Judita moja pochiva; tam ti mene zovesh, onde mē chekash: ali kakovu szrechu ja tam zadobim: Ah! nepoznash ti szerdcze moje, koje prez Judite nigdar szreche imelo nebude: ali kak je szim doshel Hartviga mech? y kaj ova kerv na zemlyi znameujuje? jeli ni morebit Hartviga nakanenye mene tam dovàbiti, tersze z-Istvanom szlositi, y mene sìvlènya mentuvati? ali — budem ja namē pazil: — neznam, bili ja to

Zrinyu nazvézil, da ja tam selim iti: Ztarecz mi pomoch ponudya, Bog zna, kak dugo na mé chaka: idem ada k-nyemu, úfamsze da vu nikakvu nepriliku nedozpem.

D E L XIII

ZA DUGEM RAZTA LENYEM, VESZELI Y PAK ZEZTANEK.

Ruthard naglo oztavi duplo, y surisze k-Istvanovomu negdashnyemu Gradu, gdé je pervi put Juditu szvoju videl: dojduchi vre blizu, miszli, kamibi ishel, gdébi Ztarcza szvôga nashel: ide ada pervich na ono mézto, gdé je Juditu od Dühösdia oszlobodil: lese pod jeden czer, y vchinimûsze, da vidi onu lepotu, koju pervi put ovdé je videl: naszloni glâvu na ruke, meszecz lépo szvéti, y vsza tiha y mirna okolo bila jeszu: pogleda na zvézde, zdehne, y zakrikne: o Judita, Judita! y réch ovu Jeka od pechine poverne: *Judita! Judita!* nad to merzlocha prejdemû po vszeh kotrigih: izche z-ochmi Judite szvoje tenyu: ali - z-kem blise priblisavasze pol nochi, z-tém bolye trapi nyega miszel: po pol nochi, na jenput chúje nekakov shum, y vidèchi pri meszechini jedno drevo, stima, da kip Judite vidi: — kak dagâ ztrela vudri,

zkochisze gore, pretegne ruke za objeti, kri-
chèchi: „*Judita! Judita! moja!*“ zatem szvét-
lozt meszecza od oblaka zakrijesze, y videlo-
músze je, dagà je negdo objel: y zproti
vesz zvuu szebe je poztal: — dojduchi pako
k-szebi, opazi, da ni bìl kip Judite, nego
Ztarca, priatela szvôga, vu naruchaju je
nashel: y zkríkne: O priatel! jeszili ti zaizto
ovdé? — Jeszem ja, jeszem, Ruthard! velì Zta-
recz; y dugo na tê chakam, povszud tê iz-
chem: szadasze radujem, daszêmtê nashel. —
Zatem kad' bisze bìli objeli, pìta pervich
Ruthard: Jeli on lizt na nyega zpada? y
kakovu nyemu on szrechu prezkerbeti je
nakanil?

Ztar. Chesz chasz videl budesh, dasze
ja za szrechu tvoju jako zkerbim; o kaksze
raduval budem, kada tebe szrechnoga videl
budem.

Ruth. Ja toga nerazmem: o priatel dra-
gi! ti josh malo poznash szerdcze moje, ka-
da miszlish, dabi ja radozt nashel ovdé, gdé-
szêm Juditu dragu zgubil.

Ztar. Pochakaj szamo, jatîsze zavesu-
jem, da tuga tvoja neszamo odlehne, nego
y chizto preztane.

Ruth. Tisze szamo shalish; shala mē tvoja vendar veszeli; ar znam, da szerdcze tvoje nad szrechum mojum veszelisze.

Ztar. O zaizto, Ruthard! zaizto lyubim tebe iz pravogo szerdcza: ah! tvoje Ime, koje rad chujem, y koje ja zgubil jeszem, tvoje velim, ime, tvoja podlosnozt, tvoj obraz, y téla tvojega ztruk — ali ah! da nemuchim od toga; ar mî szerdcze turobno poztaje: — hodi za menum, vréme dohàdya, da zvershim obechanye moje: szamo akoszî ti pripraven, da naj vekshie veszelye podneztli moresh.

Ruth. Zaizto pripraven.

Ztar. Tak hodi za menum.

Prime onda Ztarecz Rutharda za ruku, y vodigâ po naj guzteshem germju, y shumî: meszcz y pak szvétî, dojdeju do jednoga berega: kony Ruthardov dalye iti ni mogel, moral gâ je k-jednomu mladomu privezati drevu: teszen y tesek put imeliszû, pechina pred nyimi ztala je, po kojoj goré ztupalnicze zeszechene bile jeszu: po ovéh, velî Ztarecz, gore iti mòramo: Ruthard poszluhne: ter obodva, akoprem tesko, szrechno vendar gore izishli jeszu: onda Ruthard vidi je-

dnoga okrugloga turna med drevjem ztojè-
chega, kojega predi videti ni bilo mochi,
doklam gore izishli nészû.

Ztar. Negda ovo mezto bilo je ztan tol-
vajzki: pred zadnyum ztotinum tolvajzki
vodya ov grad je zezidal: szada pako tvo-
je veszelye y tvoja radczt nutre prebiva.

Ruth. Moja radozt?

Ztar. Tak je! tvoja radozt, Ruthard! ali
— hodi, nestentajmsze dugo.

Ruth. Kaj je anda vuchiniti?

Ztar. Ovdé chaka tebe tvoja — neboj
sze nikaj.

Ruth. Pogibel, znamdar, moja chaka me-
ne ovdé: — ah priatel! ja nevérujem, dabi ti
mene vu pogibel poztaviti hotel.

Ztar. O Bose! kaj to miszlish? nikakvá
pogibel — szamo hodi.

Zatem zvadi Ztarecz jeden veliki klyuch,
odpre lokot, y vrata, koja od herdye skri-
pala jeszu: idû chesz jedne ztupalnicze, koje
jedna temna szvétnicza razsvétchuvala je:
zachujesze glàsz od harfe: Ruthard poztane,
y na Ztarecza glédèch pìta, kaj je to?

Ztar. To je szmertna Musika.

Ruth. O Bose! szadaszê m pred vrati, odkud glasz Musike dohàdya: gdo je nutre?

Ztar. Jeden mertvi, tvoj naj dragshi priatel.

Ruth. Vesz zvun szebe budùchi niszê ùfal rùku na vràta deti, doklamgâ Ztarecz ni przilil, da naj odpre, y nuter ide: teda negda odpre po malom vrata, pogleda nuter, y vidi prek drugeh vrat'h zpodobu divojke na tleh szedèche, y harfu igrajuce, y drugu takaj puczu na poztelyi vu chernini oblechenu lesèchu: kaj znamenuje, pita Ruthard vesh vu ztrahu, ova nochna Musika poleg ovoga mertvoga tela? Ztarecz mù namegne; da naj muchi, y pred nyim ide vu drugu hisu: divojka denè harfu na ztran, ide pred Ztarca, zapazi za nyim mladencza, y reche: Ovo je, ovo! — Zachuje vu sznu zpodobu divojke, mertvoj zpodobne, réchi ove, zkochisze gore, zbrishe ochi — y — Ruthard derhtajuch krikne: Judita! — Ruthard! Ruthard! krikne Judita, y vu mertvechki Opravi budùcha hitisze vu naruchaj Rutharda.

Ruth. O Bose! gdészê m? jeszilí ti izta? Judita! ali Duh tvoj? o Bose! pomozimî.

Ztar. Razbatrivisze, dojdi k-tebi, dragi priatel! nechudisze tuliko, negosze vsivaj veszelya, koje tebi dũga salozt je prizkerbela: vu naruchaju tvojem ni tenya, nego izta Judita tvoja.

Ruth. Judita! Judita! takszi ti ovdé? O Bose! daj mĩsze vusivati veszelya z-tobum!

Jud. O! dragi Ruthard! ada imam y pak szrechu videti tebe, kojega iz szerdca lyubim, szedi poleg mene. —

Ruthard od veszelya zvan szebe buduchi niti ni znal, kaj govori: zadnyich dojde k-szebi, y pĩta Juditu, kak je szim doshla: y zakaj ovu mertvechku opravu na szebi noszi? ovoga pak od nyę ni zeznal, nego od priateljice nyeine Marie: da, kadabi Istvan bil zachul, da Zriny z-Ruthardom k-nyemu dojde, y seli nyega z-Juditum zdrusiti, hotechi on to prepRechiti, dal je nyoj nekaj popiti, od chesza ona vsza prebledela, y kakti mertva poztala je: kaj czéloga grada drusina vidęcha, y izti Istvan szebe saloztnoga kasũchi, paschilsze je zprevodom: zato dal je hitro lesz napraviti: nyega z-kamenyem napuniti, y vu onu gradzku Kapeliczu pozta-viti, y kakti zakopati: Juditu pako vzmshi

na plecha szvoja, nyu vu ov turen je doneszel, y nutre zaperl: y szam vszaku drugu noch nyoj nuter jezti donashal. Za vsze ovo nigdo ni nikaj znal, Maria léztor zpazila je, da ova Judite szmert ni prava, nego miszlila je o-trovanye: kaj v-pamet vžemshi Istvan, bo-jèchisze, dagá neprepove, da je Juditu oztvaril, zato jednoch, kadabi Maria, za salozt potishiti, po shumi shetalasze, nadojde Istvan, pograbi nyu, y vu Turen k-Juditi zapre, gde ona od potlam z-Juditum salozt je delyila. Ali — dragi moj priatel! veli Ruthard Ztaromu, kakszî ti mogel zeznati, da Judita je ovdé, pokehdob'h ti od mezta onoga dal-ko ztanujesh?

Ztar. Tomu szada ni vrémèna za povedati tebi, dragi Ruthard! dozta je to, da, kada tebe k-meni dugo vremena ni bilo, nego szém-té dugo zchakivati moral, za toga, doklam ti dojdesh, jeszem ja szim tam hodil, dabi za Juditu zeznati mogel, doshel szém ada do ovoga turna, y neznajuchi, kakbi nuter zashel, videlszém zadnyích kak je Istvan goré ishel: hotelszém klyucha vkrazti; ali szém miszlil, da nebi dobro bílo: nego doksze je Istvan v-Turnu stental, zvadilszém klyu-

cha, nyega na vojzk chverzto pritisznul, y nazad del, ter berzo odishel; potlam vu blisnyem méztu zpodobnoga klyucha dal narediti, y prez neprilike k-ovem vuznikom hodil, koji zpervincze hudo na mê gledeli jeszu, ali berzo priatelzkisze kazali, koje ja batrivel jeszem, y tverdno obechal, da tebe na zkorom szim dopelyam: ali-dohta mogâ govorenâ: paschémo sze od ovud odti.

Ruth. Y kruto, hodmo od ovud, — pritiszne k-szebi Juditu, ter nyoj veli, da za nyim naj ide.

Ztar. Ali — kam?

Ruth. Kam drugam, kak k-mojemu priatelu Zrinyu vu Chakovecz: O! kaksze on nad nashem dohodkom raduval bude.

Ztar. Dobro! vzèmi anda ti, Ruthard! Juditu k-szebi na konya, y zkerbisze da nyu y szebe od pogibeli kaj berse oszlobodish: ja Mariu z-menum pelyal budem: misze dva nikaj bojati nimamo: pri Zrinyu y pak vide-lisze budemo.

Kadabisze pak razdrusevali, y vre ob-jeli, veli Ztarecz; meni je nekaj na pamet doshlo, da Istvana bolye razszerdimo hochemo ovde Lizta oztaviti, da, kada vuznikom

jéztí donesze, namérisze na nyega, y za nami taki letel bude: ov Lizt pako bil je ovakov.

Istvan!

Judita tvoja z-Marium iz poganzkéh ruk'h tvojeh oszlobodyena je; netrudisze za nyimi; arszú vech dalko od tebe: ali, dabi nye y nashel, nikajtí nepomore; ar oszloboditel nyihov je zmosen chlovek vu Bechu varashu, tak, da ti nye oszloboditi niszi moguch. N. N.

Z-ovém liztom, velí Ztarecz, Istvana zmeshamo, ar on pojde Juditu izkat vu Bech, mi do toga vu Chakovecz dojdemo.

Oztaviju zadnyìch ovu ztrahovitu vuzu, Ztarecz nazad zaklene vrata, y szrechno dole izidùchi, dojdú na mézto, gde je Ruthardov kony bil privezan: — zprichaliszúsze jeden drugomu, objelisze, y obechali, dasze na zkorom zektaneju. — Ruthard del je Juditu na konya, k-nyoj szel, y hitro odjahal: Maria velí Ztarczu: O! kak sze radujem nad ovum nenadejanum szrechum priatelice moje! odgovori Ztarecz: Y ja nad Ruthardom mojem: O Bose! kak selim nyemu dobro! chujesh Maria! jeli ti znash, odkud je ov mladenech?

Maria. Neznam odkuda, léztor to znam, damû je pridovek Pavenberg.

Ztar. Pavenberg! Pavenberg! zklopi ruke, y nemoresze prechuditi.

D E L XIV.

N O V A P O G I B E L.

Ruthard z-Juditum besechi, dalko je Ztarcza z-Márium oztavil: selet je dabi v-blisnyem meztu Juditi opravu premeniti mogel: Ali - o Bose! kad' bisze vsezelya naj bo-lye vsivati hotel, y pak neszrecha nyega je ztigla: — kad' bi czélu noch po lozi szim tam ishli, y zkoro na kraju bili, zorja je puczala, y zachujû stropot konyzki: — preztrashena Judita velì: o Bose! morebit nasz Istvan pre-ganya: — Ruthard poztane, gledì, y zpazi jeden shereg Nemskeh vojnìkov naproti idù-chéh: akopremsze nyih bojati, ni szumlyil, hotelsze je vendar nyih ognuti: ali, — zpaziliszû nye Nemczi, y vodya nyihov, zlo odhranyen chlovek, zkochi na konyu za nyim y pistolu proti nyim, dersèchi, kriehì: ztani! ztani; gdoszi goder, drugach zproti mertvi budete. — Ruthard ztane: obernesze proti vodyi, y pita ostro: kaj hoche?

Vody. Taki budete videli: - gdoztê vi?

Ruth. Kakovu pravìczu imash ti mene zpitavati, y preganyati?

Vody. Z-menum sze ni treba shaliti: jaszêm vojnìk: z-tobumsze nebudem prego-varjal: odgovori mî na kratkom: gdoszî ti? y kaj szî nakanil z-tum Divojkum vchiniti?

Ruth. Y jaszêm vojnìk: y znam dobro, kaksze dalko pravìcze tvoje preteseju: kaj je tebe zkerb, kaj ja z-oszobum ovum vchiniti hochu? medtemtoga kad selìsh znati, jaszze zovem Pavenberg Ruthard: jeliti ni poznano ime moje, jeli néztê vi vojuvali pri Dardi y Kanisi?

Vody. Ime ovo je meni poznano: ali nestimam, da bi ti bil on; Ruthard ni pograbitel Divojke.

Ruth. Tak ti velìsh, daszêm ja pograbitel oszobe ove? ah voda!

Vody. Nikaj neplendraj, nego povedy, gdészî vzèl tu Divojku? y iz kojega klostranyu jeszi vkral? to ja mòram znati, hodi za menum.

Ruth. Andasze ti podztupish z-jednem zmosnoga Zrinya priatelom tak merzko govoriti, y baratati?

Vody. Od Zrinya mi nikaj nepovedaj: jasze nyegove zmosnozti y jakozti nikaj nebojim: nitisze vu nyega neufaj: ova pucza je jako lepa, nye mî vech nigdo z-ruk'h nevzème: (*krikre*) Junaczi, primitegá.

Ruth. O Bose! med tolvajeszém dozpel! nepodztupétesze mene na putu bantuvati, ar vasz to vnogo ztalo bude.

Vody. Kaj szû réchi moje zahman? Junaki!

Zatem zgrabi szablyu, y na Rutharda zamahne, ali on szablyu nyegovu szrechno odbije, zpuzti dole Judithu iz konya, y z-vodyum vojuvati pochme, tak, dagá je ranil: k-tomu prizkochiju drugi Nemczi, Rutharda vteszno mezto ztiszneju, gdésze braniti ni mogel: vzèmejumû orusje, y na tla hitiju: kaj vidècha Judita omegle: — Rutharda pako zveseju, ter z-nyim y Juditum dalye ishli jeszu: — Vodya oblubil je Juditu, y dokonchal, dagá y z-Juditum vu szvoj poleg Becha grad odpelya: y z-tem nakanenym, daszî Juditu zadersi, naglo odjashé, y dojde do szvôga grada, jednu vuru od Becha ztojèhega poleg Dunaja. Onde Juditu vu gornye szvoje hise poztavi: a Rut-

harda vu vuzu zapreti dà, y z-nyim kakti jednem vuznikom baratal je. — Kajtisze je pako Ruthard zapriszegel, da toga vodyi odproztiti nèché, bojechisze vodya, dasze chesz obloke komu neprepove, preneszel je nyega vu jednu gluboku pod zemlyum vuzu; — on pako okol Judite obhadyal, y nyoj lyubav szvoju ochituval, aligá ona odurjavala, y nikak do szebe puztila ni: — nad tem raz salozten Nemezc, iduchisze okol Dunaja vu miszlih shetat, zpazi jeden Vugerzki shereg, y z-nyim jednoga ztaroga szedoga chloveka proti szebi jashuch: koi pred nyega ztane, y pita: Jeszuli oni, Gozpone! poznani vu Bechu?

Nem. Jedno malo: kajbi oni po tom seleli?

Ztar. Jasze moram k-jednomu postenom chloveku vtechi, na kojega bisze ufati mogel, armí ova mezta niszú poznana: jednu pograblyenu puczú izchem, jeszuli oni gdé za nyu chuli?

Nem. Puczú izcheju?

Ztar. Nigdesze na trag nameriti nemozem, kam je odpelyana: nego — akosze morebiti gdé namerim na nyu, jaj onomu, koi je nyu pograbil.

Nem. Kaksze zove ta Divojka? jeli kako-
va nyihova rodbina?

Ztar. Je Brata môga kchi, y zovesze
Illyefalvi Judita.

Nem. Kakov bi oni, Gozpone! dali dar
onomu, koi bi nyih na nyu naputil?

Ztar. Kajbi goder selet?

Nem. To je veliko obehànye! a kaj bi
bilo, dabi on nyeinu ruku prozsil.

Ist. Takbi tak dalko to moralo dojt?

Nem. Takîmsze to nedopada, kak vidim:
naj idû dalye, morebitsze na nyu nameriju.

Ist. Gozpone! vi morate znati za puczû,
to je iztina.

Nem. Gozpone, po malo! niszê treba ni-
kaj groziti, vidite ono mojega grada, szamo
viknem, y taki v-temniczi szedeli budete: ja
znam gde je Judita.

Ist. Taksze anda pogodemo.

Nem. Drugach nemore biti: Ja Juditu
rad imam.

Ist. (zpunkne szablyu) Ho! takszî ti Ju-
ditu moju pograbil?

Nem. Ja nészêm.

Ist. Daj nyu napervo.

Nem. Ja nyu nechuvam, szamo znam gde je.

Ist. Anda gdé je?

Nem. Vu zkrovném méztu, kade za nyu zeznash, kadmîjú za senu dash.

Ist. Jatê budem tusil, szamo da znam gdé je.

Nem. Kad je tomu tak, taktî moram prepuztchati: hodi z-menu hochemosze priatelzki pogoditi.

Istvan ide z-nyim vu grad, y kadbi bili nuter zashli, Nemezc dà szlugom znamenye, y Istvana na jenput primeju.

Ist. O! prokleti ti chlovek! tak szém ja vu tolvajzke ruke dozpel.

Nem. Nikajsze neboj, szamo obechaj, kaj selim, taki szloboden budesh, y jatê prestimaval budem, kakti rodbinu.

Ist. Ali — ja Juditu tebi za senu nedam; rajshi nyu sivu zakopam: y za tem — kak nyu prevzèti bi mogel chloveku, kojegaszû hoteli proti vòlyi moji nyoj obesziti.

Nem. Vkanlyiva tileszicza, lehko je tomu pomochi: ovdégâ nigdo nepozna, jagâ priszilim, daszî ime premeni: kaksze zove ta zlochezti chlovek?

Ist. Zovesze Pavenberg Ruthard.

Nem. Tak je to ta chlovek? szada mi-szli na tvoju haszen; ja ti dam szlobodschi-mu, dasze budesh fantiti mogel nad tvojem nepriatelom: nego tiszî szada pod oblaztjum mojum.

Ist. Prokleta ta igra! naj bude tak: k-vszemu privolyim, kaj hochesh, nego sziro-ta Pucza!

Nem. Meni je vsze jedno; ja z-nyum nikaj nepotrebujem.

Ist. Takszî dajmo rúke.

Nem. Ja ti drugach nevérujem, nego napravemo zverhu nashe pogodbe píszmo, da ti meni nyu za senu dajesh, y onda zto-perv véruval budem, kada ti pogodbu podpishesh.

Ist. Naj bude anda tak! k-vszemu privolyujem.

Nemeczszé paschi iti pogodbe píszat, zadovolnyen leztor, da Juditu za senu dobi, y z-nyum nikaj od Istvana potrebuval nebu-de: y kajti sze je Istvanu privedyalo z-nyum dalye neprilike imeti, y nyu vech hraniti, zato z-drage volye nyu rajshi Nemczu, kak Ruthardu selet je dati. — Istvan vendar selet je kakovu zprechku vchiniti, y Nemcza vka-

niti; ali plemeniti Nemecz bil je pazlyiv tak na Istvana, kak y na nyegove szluge. — Kak je Istvan pogodbe podpisal, takigâ ja k-Juditi pelyal, kojoj, kada bi bil nekoja zpo-chitaval, povedal je nyoj takaj, da ovoga Nemskoga Gozpona vzèti môra: zahmansze je Judita pred Tetcza na kolena hitila, zahman proszila, da toga nebi dopuztil, dabi ona za musa iti morala: y da hoche rajshi v-kloster iti, kak to vchiniti: ali ovi dva divjaki szamo szmehaszî iz nye delali, y gozti pripravlyali jeszu.

D E L X V.

POMOCH! POMOCH! POMOCH!

Hodmo na Rutharda nevolyni ztalish! onsze szirotek vu gluboki temniczî mùchi, y za Juditu szvoju zdihava: niti je ùfanya imel kadasze vech od onud oszloboditi.

Bil je vecher, kada Istvan vu grad je doshel: à szlugi domachi dobre vòlye szû bili, ar îm je Gozpon Grada od velikoga veshzelya vnogo vina dal, y darov vnogo razprikazal: — nekojiszû pijani pred Gradom szedeli, nekoji popevali: dojde k-nyim Ztarecz jeden vu puztchenichki opravi, veshz

salozten, y na batini pred szobum koraczajuch. Chujete vi, Ztari Japa! velì jeden zmed szlug'h, kam tak keszno idete?

Ztar. Vu Bech idem, detcza moja! ali-ali miszlim, da tesko denesz tam dojdem; arputa neznam: lesemzî gdé pod drevo, y chakal budem dnèva.

Szlug. jed. Y pri nasz bi mogel ov sziro-mak prezpati: zakaj bi na polyu moral oztati?

Szlug. drugi. Dasze nebi zato Gozpon szerdil.

Szluga perveshi. Kaj bú on od toga znal, kaj sze vu gradu dogadya?

Szlug. drugi. Prav imash, Brate! — krikne za puztchenikom: Hej, ztari Japa! hodte szim nazad, y pite ovde z-nami kupiczu vina:

Ztarecz (nazad dojduchi) Hvala! vam dragi vojniki.

Szlug. per. Ovdé pri nasz bndete mogli prezpati, szamosze zutra rano od ovud odneszète.

Ztar. O kak bi vam naplatil vashe proti meni dobrochinztvo!

Szlug. drug. Ej! kaj! bi nam zato hva-

lili, ali platili? mi nikaj nepotrébujemo: szamo hodte jéchte y pite z-nami.

Ztar. O! kak mî je povòlyno okreple-nye! Bog vam plati.

Szlug. per. Japa! viztê vech jako ztari?

Ztar. Vech blizu szedemdeszet let'h.

Szlug. drug. Toszû lépa leta, morebit-sze zmed nasz toga nigdo nedochaka.

Ztar. Zakaj ne?

Szlug. drug. Vojnik vszaki chesz vno-gu pogibel prejti mora.

Ztar. Kakszêm pak ja ztarozti dochakal? bilszêm y ja negda Vójnik, y chesz vno-gu pogibel preshel: ni dugo kaj ovu sziroma-sku opravu noszim.

Szlug. per. Bog tê sivi pajdash! — kak pak szada sivesh?

Ztar. Szada Bogu szlusim, y terszimsze vszigdar komu na haszen biti, jaszem vu 16 letu dobe moje Vojnik poztal, y vszigdar pro-ti Turczem vojuval: drugach szêm sze do-bro dersal, ali - jenput po neszrechi vlovlyen, y czéléh 20 let'h vu vuzi muchilsze, gde niti szuncza videl niszêm: jednòch vendar dobilszêm szrechu za zkochiti: ali pogubil-

szêm jakozt: y moja negdashnya gyegyernozt Vojnichka zazpala je.

Szlug. drug. To je saloztno: kakszi mogel 20 let'h tu nevolyu preterpeti?

Ztar. Moralszêm terpeti: y potlamszêm vszigdar selyu imel, sziromaka szusna, budi kriv, budi nekriv batriveti, y nyemu na szlushu biti: gde goder poleg kojega grada idem, pitam jeli gde kakov szuseny, kojegabi razbatriveti mogel: y vszigde takovomu dobromu chloveku zahvalim, koi mi tako- voga sziromaka szusna pokase: szlugi poszlu- shaju Ztarcza, y prejdeju vu grad, kak dabiszî josh vina donezti hoteli. — Brate! veli jeden, meni nekaj na szerdczu lesi — y mi imamo jednu sziromasku szusniczu Ju- ditu vu gradu.

Szlug. drugi. Toshû zahman rechi: k- nyoj nikomu dojti ni szlobodno.

Szlug. per. Ali Ruthard, on nedusen terpi, ja dobro znam.

Szlug. drug. Y ja to velim, y znam, kada sziromaku vzemu Juditu, nyega zkon- chaju: ali mi tomu pomochi nemoremo: ni- ti to na nash nikaj nezpada: naj vchini Go- zpon nash, kajmû drago.

Szlug. per. Prav imash: negoszêmsze ja nekaj zmiszlil.

Szlug. drugi. Hochemo barem ovoga Ztarcza k-nyemu odpelyati, dagâ razveszeli: Bog moj! kakbi y nam drago bilo, dabi vu takovom ztlishu y teskochi nasz gdo razbatrivel.

Szlug. drugi. Prav imash: nego chêmogâ zapriszechi, da bude od toga muchal.

Szlug. per. Ah! k-chemu bi to chini-li: vidisze iz očíh posten chlovek.

Szlug. drugi. Hodi anda pelyajmogâ tam.

Szlug. per. Pochkaj dok' naztane tmi-eza, drugach bi sze zeznati moglo.

Doneszeju josh jeden polich vina, ponudiju Ztarczu, termú poveju, dagâ k-szusnyomu pelyati hocheju: nad chem on nyim lepo je zahvalil: ondagâ odpelyaju vu jednu hisû: dokszû vszi pozpali: onda dojde jeden szluga, odpelyagâ k-szusnyomu, y plta biligâ chakal.

Ztar. Ni potřebno, priatel dragi! mene chakati, ja za vòlyu szuromaskoga szusnyya do jutra oztati hoču.

Szluga. Kak vamsze vidi: Japa dragi moj! szamo ja v-zorju szim pred vrata doj-

dem, dá vasz nazad izpelyam: odpre anda vrata temnicze, y Ztari nuter vlezne. Ruthard salozten, pretegnyen, na gnyilom shoppu lesèchi, chuje ob nenavadni vuri vrata temnicze skripati, y zpazi na jenput puztchenika pred szobum ztati, koi nyega opíta: Ruthard! kaj mé vech nepoznash? zakrikne Ruthard! Bog moj! zkochi goré, y obme ztaroga priatela.

Ztar. Pszt! szamo na tihom chémosze, dragi Ruthard! zpominati: da nash nebi gdo skómce poszlushal: z-mojém nachinom szém ja to dobil, da té ovdé videti morem.

Ruth. Kakszi proszimté zeznal, daszém ja ovdé?

Ztar. Kadasmôsze, dragi Ruthard! razishli, na berzom szém: zachul, daszú tebe nekakovi oborusni vojniki zkupa z-Juditum nekam odpelyali: odluchilszém zproti, daté oszlobodim: Marjuszém vu jeden kloster opaticcki poztavil, y za temi vojniki ishel, y vsze po tragu idúchi, zpazilszém tebe pri oblóku poleg Dunaja: hotelszém sze tebi pokazati, ali tiszí od oblóka preshel, y vechté videl nészém, szudim, daszú od potlam vu ovu temniczu preveshen, dobilszém szad

szlobodschinu od szlug'h, da k-tebi dojdem,
y selimtê od ovud oszloboditi.

Ruth. O lyublyeni Otecz, y priateľ!

Ztar. (objemshi Rutharda) O moj szin-
ko! y zaizto mene za Otcza zvati moresh,
ar chutim nekaj vu mojem szerdczu.

Ruth. O! lyubljeni Otecz! kak ja Tebi
zahvalim?

Ztar. Tak, tak szin vuchiniti mora.

Ruth. O Bose! terszilsze budem; ali
kak sze ja od ovud oszloboditi morem.

Ztar. Ti vzemi opravu moju na tê, ona
tê nepoznanoga vchinì vszigdê: od ovud taki
hodi v-Bech k-Leopoldu Czeszaru, y pro-
szigâ za pomoch: on kakti dobroga szerdcza
Czeszar tebi pomoch szvoju nezkrati.

Ruth. Kaj bi pak ti mezto mene ovdé
oztal, y vu pogibel dozpel, toga nikak
nèchû.

Ztar. Ovo je jedini nâchin tvojega oszlo-
bodyènya: premiszli, da y tvoja draga Ju-
dita muchisze ovdé, kojuszî takaj dusen
oszloboditi: za mészî glavu nikaj neteri:
josh namsze szrecha poverne: ar, ako ti z-
pomochjum nazad dojdesh, y nasz oszlobo-
dish, onda ztoperv ja tebi odprem, gdoszêm ja:

szada szamo odhadyaj, gyc surisze mene, y
Juditu oszloboditi.

Chesz chasz, kaksze Ruthard vu opravu Ztarcza obleche, chujû glasz szluge, koi Ztaroga vu temniczu je zapelyal: najtemi zameriti, daszêm po yasz, dragi Ztarchel doshel, arsze bojim, dasze nebi kakova nepri- lika pripetila; pokehdòb'h szmò ostru od Gozpona zapoved dobili, da ztranyzkoga chizto nikoga vu grad nepuztimo: miszmò prijeli ztaroga Illyefalvi Istvana, y moramo na nyega jako paziti, da nam nezkochi, dabi zeznal moj Gozpon, daszêm ztranyzkomu kvartera dal, zlobi z-mene bilo, ali szî vech pomochi nemorem: vi josh ovu noch van oditi morate.

Ruthard Ztaromu namegne, y zdehne: kak dabimusze tesko od nyega razluchiti bilo: ide y-tniczi iz temnicze za szlugam, koi gâ je iz grada van izpelyal: y nekajmû prikazajuch szrechen put selet: — Ruthard z-grada iziduchi taksze je paschil, da do dneva vre blizu Bècha je bil, ali vu varash dojt ni mogel; argâ je kervolochno szusanztvo chizto szlaboga vchinilo, nego blizu varaskéh vrat'h na travu je legel: — gde lesèchi turobno je premishlyaval sivrène szvo-

je, y ochivezto poznal, da ni oveh muk'h zaszlusil, koje terpete mora: za tem szam szobum govorechi, velj: „Ti nedusno terpish: ali té nebude neszrecha navek preganyala: imaj ufanye, Ruthard! — vu Boga: muke tvoje zadnyich nadomezti veszelye: ut! kadaszi prez otcza y matere oztal, vsze pogubil, y po szvetu oditi moral, Zrinya szî nashel priatela, koji je tebe k-szebi vzal: kadaszi pri Istvanu v-temniczi bil, tebe ona dobroga szerdca pucza je oszlobodila; kadaszi tvoju Juditu izkal, y nyu vre mertvu stimal, dobilszi priliku y szrechu y pak nyu videti: — y szada, kadszi vu ovi vuzi y pogibeli hîl, dobilszi priliku y szrechu, da té je dobri Ztarecz oszlobodil: o Bose! gdo je ov chlovek, koji mene tak lyubi, y za mészze tuliko zkerbi; on mi je rekel, da, akoga szad' oszlobodim, meni nekaj ochituval bude.“ Ovak Ruthard nashlonivshi glavu, chakal je dneva: pripetcze hiti ruku na kraj oprave, nekaj tam pochuti, kakti perzten: poszese v-sep, y zvadi perzteni, vu kojem bil je jeden dragi kamen; Ruthard ogledava perzteni, y miszli: Bose! kaj hoche Ztarecz z-ovem perztenom: pregledegá bolye, y zpazi na nyem szvojega

plemena ezimer zrezan: oberne perztena, y na drugi ztrani chteje: *Pavenberg Ernest*: o Bose! zkríkne: On je, on, szerdze moje je, to chutilo, da je on moj otecz: o Bose! kakovo chutenye ja imam, da vidèchi onoga, koi mene je rodil, poznal niszêm! o Bose! kakszêm ja zlochezt szîn! daszêm Otcza mezto mene vu vuzi oztati, y muchitimûsze prepuztil. O Ruthard! ztanisze, vernisze nazad do grada, zpelyaj otcza dragoga iz vuze: O dragi Otecz! idem, idem vu naruchaj tvoj; rajshi hochu ja vsze muke mezto tebe terpeti; — ali, O Bose! ako idem k-nyemu, y nyemu povem, daszêm nyegov pravi szîn⁹, kajmû ztem holye bude? budesze y z-menuum dalye muchil vu vuzi: idem rajshi k-Leopoldu Czeszaru, pred nogesze nyegove hitim, y neztanemsze, dok pomoch od nyega nedobim.

Paschisze ada zproti k-varashu: y k-vratam dojduchi blizu, vidi van izhadyajuche nekoje na konyih, y z-nyimi jagare zvnogemi kopovi, koji szû pocheli jahati na proti nyemu, kakti zevszema ztranyzkomu: on pak zmîr gledî, koibi bil zmed oveh Ja-

garov vodya: zapazigá, y mahomsze pred nyega hiti, bil je pako izti Leopold Czeszar, koi zproti ztane, y píta:

Leop. Gdoszî ti? y kaj selish imeti?

Ruth. Tvoja Szvétlozt, dragi Czeszar, koiszî vreden, da nad tulikem pukom kralyujesh; nut ovo ja vu prahu klechèchi k-tebische vtechem, y proszim miloztchu y miloszerdnozt: neztanemsze od ovud, doklam mê z-konyem nezgazish, ali pômoç tvoju nedash.

Leop. Ti bedazti chlovek, kaksze podztupish mene tak bantuvati, kadaszêm ja kojemu neszrechnomu pomoç moju zkratil? povedy kaj hochesh? ali, O Bose! kaj vidim, tiszî Pavenberg Ruthard.

Ruth. Jeszem ja, miloztivni Czeszar! miloszerdnozt y oszlobodyènye proszim.

Leop. Viteski chlovek! gdo tê je zbantoval? hodi vu dvor moj, jasze taki nazad povernem.

Ruth. Ali tesko bude tak dugo sziro-maskem szusnyem, doklam ti dojdesh, chakati.

Leop. Jaszêm imel vòlyu denesz vu loviti: ali selim neszréchne razveszeliti: Jagari!

pelyajte nazad domom kopove; povedy Ruthard! povedy, kadé ovi neszréchni terpiju? y jeli to vu orszagu mojém: — to mé jako zbantuvalo bude; arbi sešel, da vu mojém orszagu nigdo neszrechen nebi bil.

Za tem dobroga szerdcza Leopold odsede iz konya, kojemu Ruthard povedal je na kratkom vsze pripetchènye szvoje: — Leopold zachudisze nad govorenym Rutharda, y szerditi obraz pokase: — kad'bi pako Ruthard dokonchal govorenje, primegâ Leopold za ruku, y veli: Ruthard! govorenje tvoje je meni do szerdcza doshlo; dan y nech miszlim, kak bi vsze zloche vu orszagu mojém zkonchati mogel, gledim vszaki dan na podlosnike moje, veszelimsze, daszêm poglavar nyihov, y da tu moch imam, nye szréchne vchiniti, ovo nenadejano povedanye tvoje mene nemirnoga je vchinilo; ali sive Bog! to ja kastigal budem, szamo da zroka zeznal budem. Budi miren, Ruthard! hochu tî pomochi: hodte z-menuum moji naszledniki, a ti Ruthard! odidi vu palachu moju, y onde mé chakaj, doksze povernem: ali né, né! nego hodi y ti z-menuum, dajtemû berzo konya.

Ovak govorechi Czeszar, hitro na konya szede: Ruthard moral je poleg nyega jahati, y nyemu vsze pripetchenye, kulkomu predi povedati ni mogel, napervo ztavit. Poleg Dunaja jahajuchi berzo szû doshli k-tomu gradu, iz kojega vûze malo predi Ruthard jesze oszlobodil: ovde zapove Leopold, dasze Ruthard vu germje zkrije, y chaka: on pako z-jagari szvojemi odide vu grad: — Gozpon grada preztrashen ide pred nyega, kojemu veli Leopold: zatrudilszêmsze vu lovu: y vu nyihovom Gradu radbiszê malo pochinuti: takigâ pelya Gozpon v-palachu, y onde mû z-vinom poszlusi: puztisze za tem Leopold vu zpomenek z-gozponom grada, y veli nyemu: ov grad na lepom meztu lesi: ovdé je lépo ztanuvati, imajuli Gozpu?

Gozp. Josche nemam.

Leop. Kvar, da nimaju: zakaj? jeszuli kada koju radi imeli.

Gozp. Jeszem nekoje: ali prez vszako-ga ùfanya.

Leop. Ja bi seled, nyim pomochi: naj mî poveju, koja je bila nyihova kada draga?

Gozp. (*preztrasher*) Moja draga? ona je dalko od ovud.

Leop. Imajuli szeztru?

Gozp. Nemam.

Leop. To je chudo: kadaszêm pred grad doshel, videlszêm na obloku jednu lepu puczu: gdo je ona?

Gozp. Moja rodbina.

Leop. Ah! zakajmî nedaju poznati nyihovu rodbinu; naj dojde k-meni, jachû z-nyum govoriti.

Gozp. Nyihova Szvétlozt! szada ima premenyanye.

Leop. Salmî je: ali kakszêm zpazil, saloztno je na mê gledala: y chinilo mîsze je, dasze plache.

Gozp. Vechput jôjsze pamet mesha.

Leop. Milomî je szirote: nyeina neszrecha rani szerdcze moje: ja mòram z-nyum govoriti, najmê k-nyoj pelaju.

Gozp. Nyihova Szvétlozt.

Leop. Kaj hocheju?

Gozp. Saloztno bude to gledanye.

Leop. To nebudi nyihova briga: najmê k-nyoj pelyaju.

Nisze mogel szuprotztaviti vòlyi Cze-

szara Gozpon, ada, od ztraha derhtajuchi, ide pred nyim vu hisu, gdé Judita bila je szedecha na poztelyi: ona Czeszara ni poznala, miszlila je vendar, da mora jeden vitez biti, kojega malo predi z-szvojemi Dvorjaniki vu grad iduchega je videla: Leopold k-nyoj pritztupi, y turobno nyu pita: kakszû oni Gozpodichna?

Jud. Ah! jako neszrečno.

Leop. Salmî je, mâ draga Gozpodichna! najsze netúsiju, morebiti blizu je razveszelènye nyihovo, (*obernesze k-Gozponu y pita*) kaksze zove ova Gozpodichna?

Gozp. Judita.

Leop. Z-pridavkom?

Gozp. Illyefalvi: nego proszim nyihovu Szvétlozt, naj idû odovud; ar veszeló gledanye ni ovde!

Jud. Oh! naj pelyati ovoga dobroga chloveka odovud tak berzo; arszém vre dugó vrémèna med lyudmi, kojem odurno szerdcze iz ochih gledì.

Gozp. Vech je y pak doshla vura nyeine bedaztoche.

Leop. Ni josche, kak vidim; ar jako pametno govori.

Jud. (*Blise k-Leopoldu ztupi*) O plemeni Gozpone! jaîh drugach nepoznam, negomî nyihov obraz kâse, daszû oni dobroga szerdcza Gozpon: Oh! najsze szmiluju meni neszrečnoj: ni moguče, dabi oni ovomu ovdé Gozponu priatel bili, naj mîsze szmiluju, proszim, y od ovud mene oszlôbôdiju.

Gozp. Vidiju, nyihova Szvetlozt! daszêm prav rekel, dajôjsze pamet mesha.

Leop. Ah! za Boga! kakbijôjsze pamet meshala: y dabi to iztina bila, moramo nyu szirotu dalye poszluhnuti: najsze zpominaju y nadalye, draga Gozpodichna! veli Czeszar.

Jud. Kaksze podztupi ov kervolochni chlovek rechi, dasze meni pamet mesha? miszli, da ztem hmanyiczu szvoju zakrije: O! naj imaju pomiluvanye zverhu mene: hochu ja nadalye pokazati, da bedazta niszêm.

Zatem nyu govorèchu, y zpametno zpominajuchusze vidèchi Czeszar, obernesze na Gozpona farbe menyajuchega, y pîta nyega: kaj hude on na to odgovoril.

Gozp. Kaj oua poveda, ni iztina: y ochivez velim, da iz bedaztoche govori.

Leop. Tak moramo po szvedochanstvo poszlati. (*namagne jednomu zmed szlug'h szvojev.*)

Gozp. Naj pogledaju, nyihova Szvétlozt! da ja vu mojem gradu szusnya nijednoga nimam: moji szlugi nyih vszikam pelyali budú.

Leop. Toga meni szada znati ni potrebno: keszneje y to potrebuval budem: nego szada poshlem po Doktora, koi Juditu zvrachi.

Na to odprejusze vrata, Ruthard ztupi vu hisu: nad to Gozpon zkríkne, a Judita y Ruthard objeliske.

Leop. Szad idemo pregledat temnicze: ovoga pak Gozpona primete, koi kastigi nevuje: dopelyajtemi y kerylochnoga Istvana, pokasem praviczu y nad nyim, dasze vszaki zlochezti plashil bude. — Idú szlugi na zapoved Czeszara povszud po gradu pregledat, y vu onu vuzu, gdé ztari Ernest, Rutharda Otecz, zapert je bil, ali nikoga nashli niszú. Jaj meni, jaj meni! dragi Otecz moj! veli Ruthard; za tem ztergnesze iz ruk'h Judite, y derchi k-temniczi izkat otcza szvoga: ali sazoztno nazad k-Leopoldu povernesze: — Nad

to szerdit Leopold zapove, da nye na vsze ztrani naj idû izkat: on pako odishel je nazad vu Bech, kam Juditu y Rutharda z-szobum, Gozpona pako pod ztrasum dal je odpeleti: dozta Leopold Rutharda zarad otcza putem je batrivel, ali zahman: ar na zkorom dojduchi, koji Istvana y Erneztu izkali jeszu, povedali jeszu, da niti traga nigde nashli nészû.

Zatem dobroga szerdcza Leopold szerchneshi nachin znajti ni mogel, kak da ove dva kaj berse zdati more, y prikazal je Ruthardu on Grad, vu kojem zapert je bil: kojega Ruthard vzeti ni hotel, dabisze leztor Leopold nepriatelu szvojemu szmiluval: ali Leopold odztupiti od rechi szvoje ni hotel, y Ruthard k-prikazu tomu privolyiti je moral.

Priredba za ove dva drage zdati zproti vchinyena je: y Ruthard vu velikom veshelyu buduchi jedno malo iz Otcza zpozabilsze je, jedino miszlèchi, dasze z-Juditum szvojem kaj berse zdati more.

D E L XVI.

GDOSZE NEBI SZMILUVAL.

Dojde zadnyich dan zdavanya, ter Rut-

hard z-Juditum vu kapeliczi onoga Grada, kojega od Czeszara na prikaz je dobil, zakup zdani jeszu: kam vnoga Gozpoda y izti iz Becha Czeszar na szvatbu doshli jeszu, y vszi dobre volye, navlaztito Ruthard y Judita, vidèchi szebe za tulikemi neprilikami szrechne, veszeli bili jeszu: Musika czelu zkoronoch terpela je: zadnyich, kajti Ruthard ztranzkum vu gradu ztana dati ni mogel, vszi zkupa y z-Czeszarom vu Bech, koi y tak dalko ni bil, preshli jeszu: y grad puzt je oztal, ar szlugi vszi pobegli jeszu: idu anda Mladichi na pochinek: Judita vu drugi Hisi z-Divojkum szvojum sze razpravlyala: Ruthard od pleszanya truden takiszil lese: ali-nut! zachuje nekakov na putu stropot, koi na jenput preztane, miszlechi, daszu josh goztenhami nyegovi: pita vendar: Gde je Judita zaoztala: ztanesze, da ide k-nyoj, zachuje larmu: ar vrata od hise razbili jeszu, y vnosina szlug'h oborusneh, po ztara roga Istvana vodyenyu z-luchami nuter zashli jeszu: Ruthard vidèchi veliku szvoju pogibel, chudisze, kako je mogel Istvan z-szvojem szlugmi vu grad dojti: zkochi k-orusju szvojemu; aliszu hitro szlugi na nyega na-

valili, tak, da branitisze ni mogel, y za pomoch zahman je krichal: —szlugi najmre ovi perveshega Gozpodara imeliszû jal na Ruthardá; zato po naputku Istvana navaliliszû na szluge Rutharda zpeche, y nye povezali, Rutharda takaj dolye hitili y vuse na nyega poztavili jeszu. Sena moja! Sena moja! zmír krichal je Ruthard, y od szerdcza z-zubmi skripal; ali Istvansze szamo szmėjál, y nyega po szlugih dal je dolye odpelyati, na konya deti, y z-nyim naglo oditi. Ruthard za szvoju Juditu niti kaj chuti, niti traga zniknenya zeznati mogúchi, krichal je: O tuga y salozt! nut! y pak vsze veshelye moje preztalo je, ovak vesh vu salozti poztavlyen, komaj putem pítati je mogel: kaj z-nyim nakanili jeszu? y turobno zpítava: gdé je draga nyegova Judita? ali mû na vsza pítanya nigdo ni nikaj odgovoril. Zadnyích ztaneju pri Dunaju, gdé jedna Ladja pri bregu privezana je ztala; ladje vodya zapove, Istvanove szluge y z-konyi vu ladju zpraviti, kam y neszrechnoga Rutharda zavlekli, y vu nisi nu ladje poztavili, ter onda ladju od brega odtisznuli jeszu. Job berg ny imgulka ino
 Ruthard szebe vu pogibelnom ztalishu

videchi zvun szebe je poztal, miszlechi, kak iz naj veshe radozti na jenput vu naj vekshu neszrechu je prepal: — po malom hranu mû davali jeszu, y tusbu nikakovu nyegovu poszlunuti hoteli niszû. Za kratkem brodenyem zdignesze szilni veter, y ladju k-jednomu bregu hitil, gdé, dok'sze je veter malo potishil, oztati jeszu morali: Ruthardu niszû dopuztili, daszî kuliko zrâka vane vzème, nego zmir na dnu ladje muchitisze je moral: zadnyich dojde k-nyemu jeden szluga od Istvana, y szerdito veli: poszlalmé je k-nyim Illyefalvi Istvan, da nyim buduchi ztlish nyihov nazvéztim: moj Gozpon zbog nyih vech vnogo je terpel: y da od szada mir od nyih imel bude, vszém neprilikam konecz vchiniti je dokonchal: zato, nehotèchi z-kervjum nyihovum rûke szvoje mazati, predaje nyih Bashi Kaniskomu, koi nyih vu Czarigrad odpelyati dâl bude, kadé szrechu imeli budeju Turzke devojke lyubiti, niti nyim Judita vech neprilichna nebude, od koje Gozpon moj poshilya nyim znamenye; zatem iz plech'h dolé poztavi jednu ladichku, y szmejuch odide.

Ruthard vesz vu zdvojnozti pervich bojalsze je ladichku odpreti: ali potlam po ma-

lo pokrov podigavajuchi, preztrashen zkrinke, y zamertev opadne; ar vu oni ladichki zpozil je jednu ruku z-kervjum oblejanu, zpodobnu ruki Judite, y na perztu perzten, kojega Ruthard pri zdavanyu szvojem Juditi je dal: Ruthard dugo k-szebi dojtí ni mogel, ar od velike muke niti chutenya ni imel, doklamgâ ostra réch jednoga szluge ni obudila, koi z-kantum k-nyemu je doshel, y zkríknul: Hvala Bogu, daszûsze zbudili; stimalszêm, daszû vre vumerli, vre pol vure ovdé ztojím, y videlszêm, da vech nikakovoga Ducha ni vu nyih: naj piju malo vina, y ako szû gladni, ovo imaju kruha, drugo nikaj nimam.

Ruth. (z-gingavem glaszom) Hvala ti! nikaj nepotrebujem: szamo dajmâ szmert, akomâ kaj dobra vchiniti hochesh.

Hajosh. Né moguče, daszû pamet zgubili: Bog îh oszlobodi te miszli, szmertí y tak nevujdû.

Ruth. Ona k-meni neszrechnomu keszno dojde.

Hajosh. Vnogi Chlovek selex nyu szebi vu neszrechu opadne.

Ruth. Jaszêm chizt vu mojem dushnem zpoznanju,

Hajosh. Ho! kaj vidim ono tam? (*prekrisisze*) miszlim chlovechju ruku; zdravi naj budû, Gozpone! z-Bogom takovo pajdastvo nimam rad.

Ruth. (*Ruku pritiszne k-vuztam*) O draga moja Judita! ovo je anda jedini tvoj oztanek? vumoriliszû tebe: szamo ov oztanek, ov jedini kotrig meni poszlali jeszu, damé'vu zdvojnozt poztavê: O kervoloki! kaj szêm ja sziiromak vam tuliko zakrivel, daztê mê radozti moje mentuvali? daszêm Juditu lyubil, vu tom grêshil nêszêm: O Bose! ti meni muku ovu odszudil jeszi: ali—né, né! vre od madozti moje preganya mene neszrecha, y szada mê na to zpravila je: O Bose! oglejsze na sziiromaskoga szlugu tvogâ! dajmî szmert, dasze z-Juditum mojum kaj berse na drugem szvétu zeztanem.

Hajosh. Ja nyih nerazmem Gozpone! kaj povedaju? nego iztinito rechi morem (*obrisheszi Ochi*) takszûmê genuli, dasze plakati moram:—ako je iztina, dasze z-nyimi tak zlo baratche, pomiluvanya vredni jeszu: proszim îh, naj zkriju ruku ovu, drugach sze z-nyimi zpominati niszêm moguch.

Ruth. Ah! ovo je plemenite jedne, y nozdushno vumorjene, senzke glave oztanek.

Hajosh. Bose dragi! vumorjene sene?

Ruth. Komaj szém z-nyum priszegel, y vreszû jû od mene pograbili: à mene szim vu ladju poztavili, ter nut! ovu sene moje ruku meni poszlali jeszu.

Hajosh. To je prevech, Gozpone! imam y ja doma senu: — à jeli pak oni znaju, kaj szû nakanili z-nyimi vuchiniti?

Ruth. Hochejumê vu Kanisu Turczem predati.

Hajosh. Kaj? Turczem predati? tobi vre merzko y odurno bilo: od toga nam nikaj ni povedano: zpazil jeszem nekaj, nego naj bude! — Gozpone! ja nyih oszlobodim; od nyih vnogo zla povedaju drugi, y ako to je iztina, najsze pobolshaju, y kada dobro chinili budû, najsze z-mene Bogu moliti nezpozabiju.

Ruth. O plemenitoga szerdcza chlovek! ti hochesh oszloboditi mene, ali-da y pak terpel budem neprilike?

Haj. Ni potrebno zdvojiti: vu Boga sze je morati ufati, on vsze prevernuti more.

Ruth. O Judita! draga Judita! vzemi mene na zkorom k-tebi.

Haj. (*plachuch*) Najsze, Gozpone! preztaneju saloztiti: znaju — ja nyih szada oszlobodím, niti puztím, dabi nyih Turczém predali: potlamszî naj izcheju szmert, kak nyim drago, szamoszî szami vumoriteli naj nebudû; ar drugach vishe nigdar szvoju Juditu imeli nebudû, y to naj budû obdersavali: (*primégâ za ruku*) ja zato hvalû nikakovu nepotrêbujem, niti kakovu platchiu: jelimê razmeju? ovakovichin za platchiu nedelam.

Dobri ov Hajosh je odishel, nad kojega pomiluvanyem Ruthard nekuliko salozt szvoju je potishil. — Szada szam budûchi Ruthard zplakalsze je: nôch je dohadýala, szluzgische ponapili, y pozpali jeszu, za Ruthardasze nikaj nebojèchi, josh menye miszlèchi, dabi Hajosh kakovu prevârû napravil. — A i — dobri Hajosh pazil je, kadabi vszi pozpali, ide k-Ruthardu, odvese mù vuse iz nòg'h, y gorégâ zdigne, ter za ruku primie, vancpelya, y reche: Nut! vszi szada pijani zpiju, naj oni idû z-Bogom, ovo imâju jesden falat kruha, y zteklo vina, : toszî naj vzemeju, ar penez'h nimam.

Ruth. Miloztivni Bosc! y pakszém o-

szlobodyen od velike nesreche: ó kak je chudnovita naredba tvoja, poszluhni proshnyu móju; y chîn chloveka ovoga naplati, vchínigâ szréchnoga: naj nikakov nepriatel nebantuje mir nyegov, naj nyega nikakova neszrécha od tovarushicze nyegvé neodtergne, naj bude szrechneshi, kak ja.

Haj. (jako genyen) Gozpone! naj odhadyaju, nyihova proshnya je jako velika: naj jú Bog poszluhne.

Ruth. Na! vzèmi ovu moshnyu penéz'h; ja prez nyih morem biti.

Haj. Naj szíjú oni zadersiju, bude îm holye potřebno; ja imam tuliko, kuliko meni na ztalish moj gledèch potřebno je.

Ruth. O! to je iztina! tak vzèmi ovoga perztena, on nima velike czéne: nego akobi kakove neprilike imel, hodi vu dvor Czeszarzki; pokasi ovoga perztena, y povedy moje pripetchènye, on tê bude za moje oszlobodyènye naplatil.

Haj. (vzème perztena) szadasze naj paschiju kaj naj holye mogli budú iti vu onu guztcharu: misze zutra z-ladjum genemo, y ztoperv na vecher, kada îm jéztî noszili budejú, zpaziju, daszú zkochili, do toga vre

oni dalko oditi moreju, najszî onda dàju Turczem koga hocheju.

Onda gâ prime Hajesh, y tiho iz ladje k-bregu van zpelya: y kadabi Ruthard vre na bregu bil, hotelmû je zahvaliti: nego prijelgâ je Hajosh szamo za ruku, y dâl mû je znamenye, da naj berse odhâdya: on pako odishel je vu ladju, radujûchisze nad szvojem chinom. Do drugoga vechera szlugi niszû znali, da je Ruthard zkochil; nego kad' bi mû jéztî noszili, zpaziliszû, dagâ ni; zprotigâ po vszoy ladji zikavaju, ali zahman: ondaszû pocheli Hajoshe kriveti, y ostro fmsze grôziti, da je tukli budeju: ali Hajoshev bilo je vishe, kak szlug'h, y oni pocheliszze jeszu szlugam grôziti z-orusjem: zato moraliszû zamuchati, komaj chakajuchi, da k-bregu dojdeju, y van na szuho izideju, ter za Ruthardom iti moreju.

Ruthard medtem toga poleg noputchènya Hajosha berzo je vu lozu odbesal, chutèchi veshelye, da je oszlobodyen, ar mû je szusanztvo dodihalo bilo: akoprem vech si-
vetiszî ni selet; mîrno je vendar chakal na volyu Bosju, kaj goder on z-nyim vchiniti hoche: y zkupa miszlil; kambî ishel: — vu

Czeszarzki dvor iti vech ni hotel, dabi ondé
 kakovo razveszelenye imel: pajdastvo z-
 lyudmi takaj mûsze je gruztilo: k-priatelyu
 Zrinyu iti mûsze ni hotelo: ovak vu mi-
 shlènyu vsze dalye y dalye po lozi ide: kada
 ztroshek od Hajosha doblyen potroshil, z-
 korenyemsze je hranil, zadnyîch dugo vre
 po nochi putujuchi truden pod jednó drevo
 lese, obilneje dokanchajuchi, kam bi ishel:
 zadnyîch zmiszlisze, da poizche ono me-
 zto mirno, gdé negda pri oném Ztarczu,
 onda josh nepoznanem Otczu szvojem, je si-
 vel: ali — ô salozt! zmiszlisze, da Otecz nye-
 gov po nepriatelu je poginul; ter tak predi
 za Juditu, onda y za Otcza saloztgâ je popri-
 jela: reche onda: nut! vsza szêm pogubil,
 vech mé nikaj k-szvétu ovomu y pajdastvu
 chlovechankomu nevese: idem anda na ono
 mezto, kade Otecz moj tulika leta mirno je
 zprevodil: ondé y ja hochu sivrènyé mirno
 dokonchati: — zkochisze goré, y onak tru-
 den surisze k-onomu meztu: putujuchi do
 dnèva, dojde do jednoga szela, y ondé od pa-
 ztirov zezvedya za ono mezto: od kojéh ze-
 znal je, da ono mezto ni vech dalko: — ali y
 pak neszrecha nenadejana! szlugi Istvana

vre zkoroszúgá doztignuli: onda, kak on nye
 zpazil, pochel je ostro besati, y kadabi vre
 szlugi blizu bili, on szrečno do shupline
 dojduchi, odrine kamena, y za szobum za-
 pre: potlamszúgá zahmán vech izkali, on-
 sze nutré vech nikaj ni bojal: — odide dolé
 vu jańek, y vidi: da od potlam nikoga na
 onom lmeztu ni hlo: biar josh y piszmo ono
 negdashnye na lmeztu czlalo je: s bnde, ada
 premishlyavajuchi presheztna y budúcha pri-
 petchènya suhkosze je zplakal.

Szada puztémógá vu szamóchi ovoj tu-
 guvati, prejdimo na djugú oszobu, od ko-
 jesze tak zpominati moranio, kak y od Ruth-
 harda.

D E L X V I I .

L Y U D O M O R C Z I .

Kada bi Czeszar za oszloboditi Juditu y
 Erneztu vu grad doshel, Istvan vidèchigá,
 y miszlèchi, da za oszloboditi Rutharda y Ju-
 ditu je doshel, bojalsze je, y terszil ove pogit-
 beli oszloboditi sze, znajuchi, da on y Gozpon
 Grada prez kastige neoztaneju: ali y hotel
 ovem dvem zdavanye preprechiti: — Istvan
 bil je vu mishlenyu, da sze Ruthard vu

temniczi josh muchi, zato berzo jednoga szlugu z-penezi primiti, dagá naj vu temniczu pelya, gdé jeden vilahen na glavu vuznika berzo hiti, ter obodva ovak zvezanoga iz temnicze zpelyaju: Ernezt je leztor mûchal; doklamgá z-temnicze zpelyali jeszu: szluga pokase Istvanu z-krovni put, po kojém iz grada izishli jeszu: iziduchi pako veli Istvan, szadasze hochemo nad nyim fantiti, y ova mi bude zadnya vura.

Szlug. Jagá taki vmorim.

Istvan. Ne josh: naj zpozna szvojega vmoritela, y ovu ozdyjnozti vmre: anda hitijumú z-glave vilahen: ali kaksze oszupnesju, kada mezto Rutharda drugoga zpaziju: zkríkne Istvan: O ztrahovita vkanlyivozt! kakov nepriatel vzél mi je mojega aldova.

Ztar. Bosja jakozt je nyega odtela, koja lyudomorztvo prepRechiti je hotela: O! ti od kamena tverdesli chlovek! nu! izto Nebo proti tebi ztalo je, y szadati vreme dáje, dasze pobolshash; nu! na blizu szmertí buduchi, rad bi z-nedusnum kervjum ruke zamazati.

Ist. O! ti nevolyni chlovek! szamo muchi, jabi szad vszu zemlyu raztergal, y ná

nikaj del, daszém tak prevkanyen, vidèchi, vsze moje nakanenye prehitceno, y to po tebi: kaj tē je doneszlo mezto Rutharda vu temniczu?

Ztar. Bosanzka previdnozt, koja pravichne brani, zlocheztéh chine preolracha.

Ist. Ztrashno budesh kastigan za tu premembu?

Ztar. Kaj mī drugo vchinish, kak ako mē vmorish? jednu hmanyiczu z-drugum dopunish? Istvan! Istvan! velikiszū tyoji grehi, premiszli, da zkoro pred szudcza pojdesz, koi tebe na oster szud potegnūti hoche.

Ist. O! vech szamogaszē od szerdcza nepoznam, daszém tak ztrashno prevkanyen: O! kakbisze nad tobum fantiti mogel!

Szluga. Hocheju mene poszluhnuti, Gozpone! besemo od ovud, ar ovdē neszmo vu szegurnem meztu.

Ist. Kaj pak z-oyem vkanlyivczém vchinimo?

Ztar. Jaszém nā szmert gotov: oszlobodilszém Rutharda, imam ūfanye tam goré z-nyimsze zeztati.

Ist. Andaszī ti Rutharda oszlobodil?

zato budesh kastigan; odpelyajgá, szluga!
tam vu germje y vumori.

Szluga prime Ztarcza, koi sze braniti ni
mogel, y dopelya vu germje: zgrabi szablyu,
obernesze na ztran, y vu Ztarcza zabode: koi
dolé opade, à szluga preztrashen zakrikne:
Istvan besi; poszel je zvershen, prokletztvo
bude nasz szledelo; y ono naj bude nad gla-
vum tyojum, koi szî mene na tu zlochezto-
chu vputil; y od Istvana pobegel je: Ist-
van takaj vesh prestrashen drugem putém
odbesal je, y zkrilsze vu jednu puztchinu,
od kud zvedyal je, kajsze vu gradu onoga
Gozpona pripetilo bude.

Kadabi obodva lyudomorczy odbesali,
Ztarecsze je vu kervi valyal, kojega nekoji
lyudi na szenyem mimo iduchi zpaziju, o-
szupnyeni videchi chloyeka vu kervi vszega,
zkoro pobegli jeszu: jeden vendar batrive-
shi y miloztivneshi zpazil je, dá vu Ztarczu
josh Dusha je, pajdashé je genul, daszûmú
pomogli rànú pregledati, prevezati, y na
szenogá na kola poztaviti, y vu blisnye sze-
lo nyega odpelyati; y ondé jednomu od
mezta duhovnomu Paztiru nyega preporu-
chili, koi vszu zkerb taki dragovòlyno na

sze je vzél: y szélyani takaj szami proszili
jeszu, da y oni ratli nevòlynomu pomochi
hocheju: Vrachitel vzél szî je velikoga truda,
y tak po dugem terplenyu chez nekuliko
meszcz'h Ztarecz vendar na tuliko je zvrá-
chen bil, da je vu dvor Czeszarzki iti mo-
gel, stimajuchi, da onde Rutharda najde: —
Dobri Czeszar Leopold Ztarcza miloztivno
prime: ali razbatriveti nigá mogel, poken-
dob'h vre zdavna Ruthard z-Juditum zaro-
blyen je bil. Ztarecz hotel je izkat iti, ali gá
Leopold ni puztil, obéchajuchi nyemu, da
na zkoróm glásza od szina dobil bude, ali —
ò salozt! nikaj zeznatisze ni moglo.

D E L XVIII.

PRODAVE CZ DUSHE.

Znamo da Istvan, kadabi bil oduren
chín nad Ztarczem Ernestom dovershil, po-
begel je vu jednu shuplinu, y ondésze zkril,
gdé czeli dan vu grizenyu dushnoga zpo-
znanya je preztal: pod vecher hotel je iti do-
mom, ali mú nyegovo odurno szerdcze mi-
ra ni dalo: dojdemú na pamet vezelye Rut-
harda y Judite, y togá je pri szerdczu pe-
klo: ter da vezelye ovo razmetche, gotov je

bîl vsza vchiniti: zato mezto, dabi domom
 ishel, josh onu nôch paschilsze je k-onomu
 Gradu, gdészû Ruthard y Judita ztanuvali,
 ondésze zkrivajuch zgledal je szim y tam,
 dabi koga videl: vu grad iti niszé ufal, ne-
 znajûchi, kak je tam, môral je ada y dru-
 gi dan chakati priliku, dabi vu grad dojti
 mogel: nut! v-jutro rano zachuje stropot
 konyzki, y zpazi iz germja, da jeden she-
 reg szlug'h nyegoveh ide, kojiszû z-nyim
 iz vugerzke zemlye bìli doshli, y od Go-
 zpona grada onoga, koi Juditu vzèti je ho-
 tel, zaperti bìli jeszu: potlam od Leopolda
 Czeszara, neznajuchi za szvôga Gozpona
 povedati, nazad vu Domovinu puztchani je-
 szu bìli: Istvan veszel pred nye zkochi, y
 szebe ochituje: oni pako vidèchi Gozpona
 veszeli poztali jeszu: od ovéh Istvan vsza,
 kojaszûsze vu gradu dogodila, je zeznal,
 y lyutillsze nad szrechum Rutharda, y Judi-
 te, zato na fantenye zverhu oveh szlugiszû
 mù pomoch obèchali: zmed kojéh nekoje
 preopravlyene poszlal je vu Bech, da ondé
 vsza zeznaju, y potlam na odlucheno mezto
 k-Dunaju, kade nye je chakal, povedat
 dojdeju: koji y odishli jeszu vu Bech, y tak

szrechni bili, da nye nigdo ni prepoznal, y od onud glaszá doneszli jeszu; — kada Rutharda y Judite vu gradu bude zdavanye y szvatba.

Ako taki z-odurnum szmertjum, veli Istvan, vumreti budem moral, ja vendar nepochinem, doklam nakanenye mladichey ovéh nerazmetchém, y veszelye preprechim. Zato poszlal je szluge nekoje otajno vu grad, koji povernuvshisze povedaliszú Istvanu, da vnogi grada onoga szlugi Rutharda neterpiju, daszú nye na ztran Istvana obernulli, y tak sze je z-nyimi pogodil, damú selyu negovu izpuniti pomogu; chujuchi pako, da vnosina Gozpode vu grad na szvatbu dojde, preztrashilsze je, ali — y berzo obatrivel, od jednoga gradzkoga szluge razmejuchi, da ova Gozpoda vsza po szvatbi mezta vu gradu nebudeju imela, y dasze domom poverneju: dapache y potlam po szvatbi szluga jeden iz grada doneszal je glaszá, daszú vszi iz grada odishli, y szlugi, kojiszú z-Ruthardom dersali, daszú vszi z-vinom zopojeni: onda Istvan z-szlugami ide tihom do grada, kojemu jeden gradzki szluga vrata je odperl, y pokazal hisu, gde Ruthard y Judita

bili jeszu: za toga szlugi nyegovi Ruthardove szluge povezali jeszu, onda on je szilno navalil, Rutharda y Juditu pograbil, y van odvlekel, tak, da jeden drugoga ni videl, kam je odishel. Istvan je jednu Ladju pogodil, vu koji Rutharda v-Kanisu Turczem poszlati je bil nakanil.

Istvan szam z-Ruthardom vu Ladju ni ishel, nego je nyega szlugom szvojem zaufal: — predi vendar jednu odurnozi je zmiszlil: najmre - kadabi szlugi nyegovi vu hisu, gdésze je Judita z-divojkum szvojem razpravlyala, navalili, divojka preztrashena krihati y besati je pochela: y kadabi jû jeden szluga nazad potegnul, tersze ona bránech szim tam hitala, pripetcze na szablyu szluge opala, y prebodyena on chász je vumerla: kaj videcha Judita, omeglela je: Istvan pako Rutharda vre odpravivshi, y vu hisu Judite dojduchi, vidi mertvu divojku, vzél je perzta iz perzta Judite, y mertvi divojki natekne, y onda odszeche ruku divojki, y preda jednomu szlugi, da, kada Ruthard vu najjvekshi salozti bude, naj ovu ruku nyemu preda, dagá vu zdvojenye poztavi.

Juditu onak zvun szebe buduchu Ist-

vani na konya dene, a szlugam, kojiszu pomogli taj chin izvershiti, grada oplenity je dopuztil: y tak on z-Juditum y szlugmi dan y noch besechi doshel je vu grad szvoj vu Magyarzku zemlyu.

Nevòlyna Judita k-szebi dojducha, y szebe prez Rutharda videcha, pod oblaztjum tetcza poztavlyena, suhke szuze je tochila: ali nechemurni Istvan ztem bolye sze je nad nyum raduval, na meztò da bi ju bil miluval.

Dojduchi Istvan vu szvoj grad, prepo-vedal je szlugam od ovéh kaj komu povedati, y nato je nye zapriszegel: Judita pako ni bila vu grad, nego vu puzti turen zape-lyana; nyeina pajdashicza Maria od nye dal-ko je bila: Istvan pako bojèchisze, da Maria vesz chin nyegov van naizda, szluge na vsze ztrani je razposzlal, dabi y nyu vlovili: ali zahman, ar, kadabi Ztarecz zeznal, da Ruthard y Judita po Nemskéh vojnikih prijeti, y v-Austriu odpelyani jèszu, Mariu vu jeden kloster je odpelyal; y za szinom ishèl: gdé dugo chakala je Maria glàsza od priatela Ztar- tca, ali — od nikoga nikakovoga ni dobila, y vu salozti zmìr ondè oztala je.

Judite ztalish bil je pako suhkék; dragoga szvojega je zgubila, pod oblazt kervoloka zapala, y miszlila je, da vu onom harczuvanyu nyein Ruthard je poginul; ar dabi bil Istvana obladal, bil bi za szegurno nyoj na pomoch doshel: zato zmír plakajucha, y od vszeh oztavlyena, tak je prebledela, y na nikaj doshla, da vech mertví, kak sivoj zpodobna je bila: Istvan vszaku noch szam nyoj jéztí je noszil, y nyu zmír z-Ruthardom chertech je vu vekshu salozt póztavlyal.

Znano je pako, da akoprem z-Turczy mír bil je vchinyen; oni vendar szim tam harachili, y vu szusanstvo odpelyivali jeszu: kaj vidèchi Magyari takaj nye preganyali jeszu: z-kem razlyuteni Turczy grade povszuda robili y sgali jeszu.

Chesz kratko vréme, kak je Judita dopelyana, kadabi jednòch Istvan vre na pochinèk idùchi, da szvoju nezdushnu vezt potishi, z-vinomsze napunil, pochmesze halabuka y stropot orusja: zkochisze z-póztelye, y szluggi doderchiju, krichèchi, dasze naj oszlobidi; ar Turzki shereg grada je obzterl: komaj szmò mozt pred gradom goré zdigli, da

nuter nemore: alisze zvana Turczy groziju, da chéju grada vusgati, akosze nèchèmo predati. — Z-toga nebude nikaj, veli Istvan, ja znam, kak je grad moj jak: pograbi orusje, y podelyi szlugam, tersze brani, poluknah iz grada puczajuch vnoge je pomoril: alisze Turczy josh bolye razlyutili jeszu, na zidine navalili; y nyega na jurish vre zkoropredobili: Istvan vész vu zdvojnozi branišze je: ali szlugi zkoro vszi pomorjeni bili jeszu: y Turczy v-grad vlezli: vodya nyihov jeden mladi y gyegyeren detecz navali na Istvana, y dolégá hiti, ter z-szablyum vre okol vrata meri, ali — veli mû Istvan: szramujsze jednoga ztaroga szedoga chloveka vmoriti: nato ztegnul je Mladich mecha, y zapovegá zvezati, zatem grada vusgati, y opleniti, medtemtoga dasze vu jednu hisu odpelyati, da zavese malu zavdanu ranu, y zapoveszi pred sze dopelyati Gozpona od grada, y nyemu reche

Ben Ali. Ti nevredni chlovek! kakszisze podztupil proti meni szuprotztaviti? kaksze zovesh?

Ist. Jasze z-tobum zvezanemi rukami zpominati nèchû.

Ben Ali. Tiszî moj szuseny.

Ist. Na koga ti po tolvajzki po nochi navalil jeszi, najsze z-tém díchiti; ar tê more szram bítî, z-500 oborusnemi vojnikî 50 szlug'h vû naj glubshem sznu buducheh obladati.

Ben Ali. Tvoja batrivozi menisze dopada; odvesétemû ruke.

Ist. Hvalimtî: kaj szada hochesh?

Ben Ali. Tvoje bedazto dersanye tebi zpochitati, y tebe za one, kojeshî na drugi szvét odpravil, ostro kastigati hochu: dabi ti meni bil haracha platil: jabi bil mirno od ovud odishel: à szadaszém ja Gozpon grada ovoga, a ti szuseny moj.

Ist. Suhki zaizto ztalish! pomochiszî nemorem, szad szém vû tvoji oblazti.

Ben Ali. Odpelyajtegâ med druge szusnye.

Ist. Poztani malo: hochemosze pogoditi za oszlobodyenye.

Ben Ali. Ti vech ovdé nikaj nimash.

Ist. Budeshmê onda odpuztil, ako tî takov kinch predam, kojega ti bolye prestimaval budesh od vszega Indianzkoga kîncha, ov kinch ztoji vû moji oblazti, nitigâ nedobish, dabimê kakgoder muchil, doklam mene

szlobodnoga nevchinish, y vsze moje nepover-
nesh; potom ti takaj navek szrechen poztanesh.

Ben Ali. To je velika czéna! nebojish-
sze, da ja z-jakoztjum —

Ist. Zevszem nikaj sze nebojim: y ni-
mî sal, da sivrénnye zgubím, y rajshi vumre-
ti hochu, kak — —

Ben Ali. Naj bú anda tak! y taksze
z-tvojem gradom nikaj nepomorem: tak ka-
kov je to kínych?

Ist. Takvém nachinom ti mene nevka-
nish: nego zapovedy predi tvojem vojni-
kom od ovud oditi, moje szluge szlobodne
odpuzti, y priszezi, damé vech nigdar ban-
tuval nebudesh, drugach — —

Ben Ali. Ha! Ztari! najtî bude, ne-
go kajszû moji vojniki dobili, to od nyih
vech vzèti nemorem.

Ist. Naj nyim to bude: ali ti predi
priszezi.

Ben Ali. Ja toga nigdar nevchinim:
najtî bude tvoj kínych: vumri y z-nyim zkupa.

Ist. Tak tê nekaj pítal budem.

Ben Ali. Szlobodno! pítaj!

Ist. Povedy mî, moj Mladencz! jeszili
kada zalyublyen bil?

Ben Ali. Kakovo je to pitanje?

Ist. Da dragshe prestimaval budesh dugovanye, koje tî predam, hodi z-menum.

Ben Ali. Kam?

Ist. Nebojsze za jednem ztarem iti, vendarzî oborusen.

Ben Ali. Naj bude: idem.

Ben Ali zpukne predi szablyu, y onda ide za Ztarem, koi gâ z-grada van zpelya, do pechine dojduchi, izideju goré: Ben Ali luch y ruki dersechi zachudisze nad turnom, med pechinami zakritem: Istvan pred nyim ide: odpre vrata zaklenyena; y po ztupajih dojdeju do vrat'h, gdé Judite hisa bila je, koju Ben Ali zpazechi prebledi: y onda mû Istvan reche: poglej dobro ovu divojku, koju tî za moje oszlobodyenye predajem, jeszi zadovolyen?

Ben Ali. Bose! kruto zadovolyen! o kakvôga kîncha ti, Ztari! ovdé chûval jeszi! draga divojka! kakszî ti szim vu szusanztvo ovo doshla?

Jud. O gdoszîgod, akoszî y Turchin, chlovek vendar jeszi, szmilujszze meni, imaj pomiluvanye nad menum, zmed vszeh ztva-

rih naj neszrechneshum, oszlobodi mē iz rùk'h kervoloka ovoga.

Ben Ali. Y zaizto oszlobodyena bu-
desh, y poleg mene szrechno sivala.

Jud. Poleg tebe! ò Bose! kakovu y pak
kastigu meni poszlal jeszi?

Ben Ali. Vmirisze! dobroti bude; ti-
szī od szada moja, jaszēm tebe od Ztaroga
ovoga kùpil: ja budem navek tvoj, pred
tvoje noge padam, y za tvoju lyùbav tebe
proszim.

Jud. Anda ov nechemurni chlovek me-
ne tebi zato je prodal, da siv oztane: — ka-
kove hmanyicze, Istvan! josh zkupa zprav-
lyash? tiszī mē za navek neszrechnu vchinil:
kakovu ti praviczu nad menum imash? ni-
szīli mē vre vszega mentuval: imany'h,
szlobodschine, mojega Tovarusha, y vszega
môga?

Ben Ali. Kakszī to mogel vchiniti? ti
nezdushni chlovek!

Ist. Kajtē je ztem zkerb, kaj szēm ja
z-nyum napravil? dozta da tī nyu v-rùke
predajem.

Ben Ali. Muchi, ti ztari pesz! dobro,
da tī niszēm priszegel.

Ist. Kak pak? drugach tî jê nebi bìl pokazal: tak naj y ona z-menum pogîne.

To rekuch zvadi zakritoga mecha Istvan, y szerdito na Juditu navalì: ali berseshi bìl je Ben Ali, pograbi Ztaromu mecha, hitigâ na tla, y reche: hodi z-menum, draga divojka, jatî szlobodschinu nazad dam: zpelya nyu z-hise, y po ztupajih dolé izide: Istvan zdi-gnesze, y pod stengami nye doztigne, y hoche y on z-nyimi iz turņa van iziti: aligâ Ben Ali nazad porine, y vrata zaklene: ter tak Istvan kakti szuseny zapert szvojega hman china szam aldov je poztal: — dalko od pomochi lyùdih, terszilsze je vrata odpreti: ali zahmam: po hisah szim tam zkache, chesz obloke krìchi, ali nigdo ni chul, dva dni terpel je glad y sedyu: potlam nemoguchi vech podnashati: izide na turen; dasze do-lye prekopiti: ali nut! gde je szmert izkal, nashel oszlobodyenye: zpazi vu kutu jednem vuse, koje k-oblaku privese, y po nyemsze dole zpuztì: ali vuse mù je zkoro do koztih doshlo, y kajti prekratko je bilo, moralsze je dole zpuztiti, opal je na kamen, y jakosze je rànil: vesz kervav y ranyen dojde komaj do grada szvojega, kojega vre vu prahu nashel

je: — Onda vu zdvojenye prepade, ni hotel vendar kastigu Bosju zpoznati, putuje dalje, da pri kojém domorodczu hranu dobì, y raneszì obvese.

Kadabi Ben Ali Juditu z-turna zpelyal, hitilasze je ona pred nyega na kolena, y proszila miloztchu, dabi nyu v-takovo mezto odpelyal, gdébi mírno mogla sivlènye szvoje dokonchati: tosze nyemu ni dopadalo; ar je nyu jako lyùbil, y nyoj valúval, da nyu tak lyùbj, dachê vsze rajshi terpeti, kak od nye odztupiti: Judita zvan szebe je pozta-la, vidécha, da iz jedne neszreche vu dru-gu je dozpela: — Ben Ali z-Juditum doj-duchi do grada, y vidèchi dagâ obdersati nemore, je nyega vusgati dàl, ter tak z-Vojniki, velikem dobichkom, y Juditum odishel, kakti naj vekshem na szvétu kin-chem.

Ben Ali zmìr odpìral je nyoj lyùbav szvoju, ali Judita ztalna je obztala vu nakane-nyu szvojem, y rekla, da hoche rajshi vumre-ti, kak musu szvojemu nevérna biti: toga je jako zburkalo: y on je priszegel, da hoche vsze rajshi podneztì, kak od nye odztupiti.

Drugi dan nadojde jeden vekshi Turczev shereg naproti, kojega vodya ide k-Ben Aliu: z-nyimsze dugo zpomina, y kajti ov vu chazti vekshi je bil, moralmu je podlosen biti: zezove szvoje vojnike, y nyemu je preda: on pak szam z-jednem szlugum y Juditum dalye je putoval: y neufajuchisze orszach-kem putom iti, kajti kak goderszûsze Turcziklatili, takszû y Magyari chinili, y nye preganyali, zato bojechisze Magyarov, oberne z-konyém po lozi: zahman sze je Judita molila, dajôj sze szmiluje, on nyu poszluhnuti ni hotel.

D E L XIX.

C H U D N O V I T I V I T E Z.

Jednôch, kajti loza bila je preguzta, y po nyojsze lahko zabluditi moglo, izkaliszû mezto, gdebiszî pochinuti mogli: y kadabi nashli, szluga je konye paszel, Ben Ali poleg Judite szel, y nyu za lyûbav proszil: nôch bila je tiha y szvétla: Juditasze je plakala, y kadabi pripetcze ochi hitila na jeden vizoki germ, videlosze jôj je pri meszechini, kak dabi ondé negdo bil, y taki zniknul: — Ben Ali to ni zpazil, ar zmír vu Juditu je gle-

del: y vidèchi nyu od szebe odvernyenu, pochel je nyu sziliti: ali Judita ztergnesze z-ruk'h, y prebesi k-onomu germu, y za pomoch kríchi: — à za nyum hitro idùchi Ben Ali zahuje glàsz: „*ztani! ztani!*“ y zpazi chloveka vu lépi opravi vszega oborusnoga pred szobum, kojemu v-deszni szablya, v-levi kopje z-chernem czvetjem nakìncheno bílo je: *ztani Ben Ali!* kríchì vitez: Ben Ali oszupnyen malo na ztransze potegne, y szerdito pìta: *Gdoszi ti? zakaj mē ovdé bantujesh?*

Magy. Kaj hochesh z-tum divojkum?

Ben Ali. Odhadyaj od ovud, drugach tì z-szablyum odgovorim.

Magy. Ja moju vre vu rùkah imam.

Ben Ali. Nebudesh ti meni dugo neprilichen.

Zpukne szablyu, navali na ovoga nepoznanoga nepriatela, koi nycmu z-szvojem mechom iz ruk'h szablyu izbìje, y na nyega szerdito navali: Ben Ali sze zpervin-
cze nazad potegne, alisze y pak, szablyu szvoju zdigshi, na nyega nazad zaleti, y zkup ostro harcujû: Judita vu ztrahu gledì: Ben Ali zadnyích opesha, ostrosze vendar brani, dok' nepoznani ztrahovito na nyega

zamahne, y nyega vudri, tak, dasze je na tla zrushil: szluga nyegov vidèchi nisze ùfal pomochi Gozponu, nego vidèchi, da je mer-tev opal, z-konyi dalye je odbesal: — à Judita pred nepoznanoga doderchi y za oszlobodyenye zahvali govorècha:,,

Jud. Plemenitoga szerdcza Mladenecz! kakbi ja tebi zahvalna biti mogla za moje oszlobodyenye.

Magy. Meni ni potreèbno hvale; gdé je chutenye, je y muchanye: hodi k-meni blise: tvojamîsze rech poznana vidi.

Jud. Moje ime je Judita.

Magy. Judita? Illyefalvi Judita?

Jud. Tak mê oni poznaju.

Magy. Poznam;(na proztor van izidùchi) o Bose! ona je, ona! nyuszêm ja oszlobodil: o kak mî je to drago! o Bose! kakszî bogato meni szad chîn moj naplatil! o! naj pritisznejû ove ruke k-szerdczu mojemu: kakovo szad' veszelye chutim, da nyim draga Judita! pomochi szrechu imel jeszem.

Jud. Plemeniti Vitez! szmemli y ja nyih pîtati: gdoszû oni?

Magy. O josh ne, draga Judita! chîn moj mene zevszêm veszeli; ali - muchemo od to-

ga: najmî poveju kambi ih od ovud odpelyal? imajuli gde brata ali rodbinu.

Jud. Ah! nimam: on lyudomorecz vchi-
nil je mene neszrechnu, kadmê je razdru-
sil od mojega Tovarusha.

Magy. Od Tovarusha — tak szû oni za
musa preshli?

Jud. Jeszem: ali o neszrèchna! mentu-
valaszêmsze nyega? Bog zna, kud moj dra-
gi hodi. —

Magy. Takszû vech za musem: pro-
szim, gdo je nyihov Tovarush?

Jud. Pavenberg Ruthard.

Magy. Ruthard Pavenberg, Ruthard,
tak je on nyihov Tovarush.

Jud. Kajsze oni chudiju?

Magy. (nemirno szim tam hodech) o ni-
kaj, nikaj: (berzosze poverne) Tak je Ruthard,
nyihov Tovarush! Bose! vreden je on nyih;
ar je verli jako chlovek.

— Ovak szû obodva muknûli: y Judita
zahman seleda je zeznati nepoznanoga; ar
mû je kalpak zakrival obraz: chesz chasz y
pak pita Juditu Magyar: kam anda hocheju,
da ih odpelyam?

Jud. Szama neznam, kam? priatela nimam; v-kloster bi naj rajshi ishla.

Magy. Selyu nyihovu lahko zpuniti morem; od ovud ni dalko jeden kloster; ako hocheju tam ih zapelyam.

Jud. O prez koncza nyim zahvalna budem.

Magy. Moramo po nochi putovati, ar pùt je pogibelen.

Jud. Jasze pod nyihovu obrambu vtechem, y ùfam, dragi Gozpone! Bog nyim naplati dober nyihov chìn.

Magy. Toszi iz szerdcza selim: naj idù, Judita! naj idù.

Prime ada Juditu za rùku derhtajuchi, y zpelya nyu iz brega, gdésze je kony pászal: na nyega idene Juditu, y konya za oglavnik pelya, ter berzo muchech odhadyaju: Judita rada bi bila znati, gdo je ta nyein oszloboditel, ali — zeznati ni mogla: zpazila je vendar, damù je szerdcze tusno, y kakti prek kalpaka zdehnenya chujusze. — Kadbi szuncze izishlo, vre pred szobum klostra zpaziju: y reche ov nepoznani: doshlysmô na konec selye nashe: szada mir selim, draga Judita! nyihovomu szerdczu:

ja, kak bers nyili vu kloster poztavim, zpro-
ti odidem, naj veksha zkeřb moja bude To-
varusha nyihovoga najti.

Jud. Tak je Bog Angela szvojega nam
za nashę dobro poszlal?

Magy. Veszelye meni neizmerno bude,
vasz dva szrečne vchiniti: onda ztoperv
veliki dug moj izplatim.

Jud. Ja toga nerazmem.

Magy. Puztemo to na ztran.

Dojduchi k-klostru zazvonę: vrata sze
odpreju, y jedna senzka reč popıta: kaj bi
radi?

Magy. Jednu neszrečnu senzku pre-
porucham, da szegurnošt y pochinek pri
nyih dobi.

Vrataricza. Neszrečnem na pomoch
biti je dusnošt nasha: ja zproti dozovem
Abatishu: proszim naj idu szim vu hisu.

Zkupa odpre vrata: nepoznani priveseszı
vanę konya, y Juditu pelya vu hisu, koja
oehitno chutila je, da nepoznani na vszek
kotřigih derhche. Chesz chasz vanę chujesze
glasz: *gdę je Illyefalvi Judita?* y vu hisu
ztupi jedna divojka (*ova bila je Maria*) ob-
me Juditu, y reche: o draga Judita! zatem

dojde y Abatisha, před koju krotko je ishla Judita: koju ov nepoznani preporuchil je vu miloztchu, zprichalsze y hotel oditi.

Jud. Nebude nikaj tak, plemenitoga szerdcza Mladenez! kaksze mogu predi odrusiti, doklam nyih nepoznam, pokehdob'h szû tak viteski chîn z-menuni vchinili: naj odkriju, proszim, obraz, kojega kalpak nyihov zakriva, da îli vidim, y vekivechne zahvalnoztî zpomenek vu szerdczu mojem zadersim.

Magy. (Na kolenasze hiti) Draga Judita! oni od mene prevech seliju: o Bose! kak rechi nyihove muchiju szerdcze moje: obraz moj seliju videti: o ne! ne! mene veseli, da nyih kakti priateljczu vidim: â dabisze ochituval, ovo veselye bi preztalo. Ah! oni meni obechuju vechput dara, naj bude dar ov, proszim, da mene za szada néznaju: kada ja szrechu imel budem nyih z-Ruthardom zpuka videti, ondasze ochitujem: o jasze terszim leztor dug moj obaliti: dusnozt je moja nyim pomochi: niti, o Bose! zadozta moguch jeszem, tuliko vuchiniti, kuliko zagrêshil jeszem.

Jud. Oniszû proti meni zagrêshili? dragi Mladenez! ja nikaj neznam.

Magy. Oztavemo ova na ztrau! Bog îh dugo vremena posivi! daj Bose! da nyih na zkorom vu radozti vidim: Bog sivi y nyihovu priateljczu, koja nyih batrivelya bude: najsze moliju za mê, da budem dokonchati mogel, kaj szêm pochel, (*Ztiszne Juditi ruku, van odide, na konya zaszede, y naglo odjashe: vsze za nyim gledelo je.*)

Jud. Dabi y naj gorshi bil chlovek ov, z-menum vendar je jeden viteski chîn nâpravil: veli, da je ztoperv dobro sivetî pochel: o Bose! objachigâ vu nakanenyu: jamû do szmertî zahvalna oztanem.

Abatishâ prijelâ je priateljzki Juditu, koju je jako veszelilo, da je Judita priateljczu szvoju Mariu nashla: zatem opaticzeszûselno Juditu poszlushale, koja nyim neszrechû szvoju je pripovedala.

Ovdé naj vu mîrû oztane Judita: povernemosze na Rutharda, koi za sivrênje Judite nikaj ni znal, y kojemu vu szamochi med pechinami ona Judite (*kak je miszlll*) ruka z-perzténom naj dragshi imetek bila je: neszrechni Ruthard vu salozti zprevadyal je dnève, y nikoga neimajuchi, koibigâ batrivel,

selel je szamo z-kem berse z-Juditum na drugemsze szvétu zeztati.

Jednoch na poztelyi zdihavajuchi zverhu ztalisha szvojega, zachuje nekakov krìch blizu vu jarku oném: zkochisze goré, miszlèchi, da je gdo za mezto nyegovo zeznal: izide iz kuhinye, ztupi k-vratam shupline, y chesz puketinu van gledechi, zpazi, da na jednoga chetiri oborusni poztavilisze jeszu, y nyega vmoriti hoteli; ali — na pomiluvanye proti nyemu genyen, on chasz dojdemû na pamet szablya, koju negda vre bil je nashel vu onoj puztchini, y koja bila je Hartvigova: derchà po nyu, zkochi iz shupline, y ide na mezto harcza: vidi, da tolvaj jeden vre mertev lesi, drugi ranyen k-drevusze prizlonil, dvasze josh ostro z-oném jednem tucheju: poztavisze Ruthard na ove dva tolvaje, y jednoga zproti poszeche; a drugi odbesal je z-onem ranyenem: on pako, kojemu Ruthard na pomoch doshel je, hitisze pred Rutharda, y vell: Hvala tebi, dragi Mladenez! koi szî mene tolvajev oveh oszlobodil, y sivrèneye mî prikazal.

Ruth. Jeszuli, Gozpone! ranyeni?

Nepoz. Jako mî kerv ide, nego szudim, da ràna ni pogibelna.

Ruth. Naj ideju z-menum na ztan moj, da im rãnu zavésem.

Nepoz. Tak ti, o viteski Mladenez! ov-dé vu lozi, vu ovem puztém, y zbog tolva-jev pogibelnem meztu, ztojish?

Ruth. O lepo je ovo za mé mezto: sza-mo naj idû berse z-menum.

Ranyeni nãszlonisze na Rutharda, y ovnyega pelya k-pechiné, kamena odvali, zape-lyã vu kuhinyu, gdé szvetnicza je gorela, y kadabi ranyeni obraza odkril, Ruthard po-tesnesze nazad; ranyeni takaj preblede, y zkrikne: ah! Ruthard! Ruthard! jeliszî ti, ali szamo ðuh tvoj, koi mene muchit szim doshel je.

Ruth. Jaszém, koi tebe, mojega negda naj vekshega nepriatela, oszlobodil jeszem! o kakovo je to pripetchènye! kak ja tebe ovdé nashel jeszem?

Ist. (v-ztrãhu) Jaszém szada vu tvoji oblãzti: o szmilujmîsze.

Ruth. Kaj miszlish, da, kajtiszém tebe vu neznanozti oszlobodil: szada vumoriti selim? o Istvan! Istvan! kada ti jednòch preztanesh od mene zlo miszliti? Bog mî je szvédok, da, akobi y znal bìl, daszî ti on, na ko-

jega tolvaji navalili jeszu, nebi bil vendar
tebe vu pogibeli oztávil.

Ist. O Ruthard! o tiszî jako dobroga
szerdzeza: jaj meni, da té tak dugo prega-
nyal jeszem: Imaj nad menum pomiluvanye,
prikasimî sivrène: verujmî, y tak moja vezt
dugomé pri szerdczu muchi.

Ruth. Ja, tî vsze odpráztcham, y blasen
budesh, Istvan! akosze za gréhe saluval bu-
desh; nut! szamo ono vidyène, ruke one
na póztelyi moji, dozta té pri szerdczu péchi
mora.

Ist. O! kaj ja ohó vidim? ali mé mo-
rebiti léztor ochi moje vkanyuju?

Ruth. Vidish, o Istvan! ruku Judite,
moj naj dragshi óztanek: o Istvan! kakszî
mogel tak kervolochno baratati z-nédusnum
Juditum? ali — jatî odpráztcham.

Ist. (*hitisze na koléna*) Tak mî odprázt-
chash, o Ruthard! znaj anda, da ja Juditu
tvoju niszém vmoril.

Ruth. Ah muchi, ar ne menye zlochezto
szî vchinil, akoszjú dal po drugeh vmoriti.

Ist. Nit toga vchinil niszém, hiti ovu
vkanlyivu ruku na ztran, Judita tvoja jo-
sche síve.

Ruth. Za Boga tê proszim, odhadyaj od mene, ti bi rad mene vkaniti, dasze szamo oszloboditi moresh, ali mê nevkanish ztem.

Ist. Nevkanyujemtê, Bog mî je szvédok: da iztinu govorim, Judita tvoja sive.

Ruth. Tak anda sive?—(zatém na ztran povlechese, kotrigiszûmû pocheli derhtati, y zadnyich szûgâ szuzé oblejale: ide nazad k-Ztaromu y reche:) Istvan! Priszisemtî, ako mê vkanyujesh, da onda ztoperv vsze vu tebi kozti zpoterem,

Ist. Szlobodno! vmirisze, Judita tvoja sive.

Ruth. Sive! (*plachesze*) sive! — (*hitisze na kolena:*) o Bose miloztivni! jeliszêm ja yreden veshelya toga! O! draga Judita! o hvala tebi Istvan! (*zkochisze gore primegâ za ruku*) vsza preganyanya meni vchinyena tebi odpraztcham, szamo da Judita moja sive: ali — proszimtê, povedy meni; gde je Judita moja? selim nyu kaj berse videti.

Ist. O kak bi tî nyu rad iz szerdcza dal; ali tê réch moja opet razsaloztila bude.

Ruth. Morebiti je na szmert betesna?

Ist. Oh! ni, ni!

Ruth. Kakov anda od nye tusni glàsz
chuti moram?

Ist. Ona —

Ruth. Kaj? povedy!

Ist. Ona je vu szusanztvu.

Ruth. O tak idem berse tam, da jû o-
szlobodim.

Ist. Ali neznam, gdé je vu szusanztvu.

Ruth. O! ja czeloga szvéta prejdem,
doklamjû najdem.

Ist. Vu Turzkeh je rukah.

Ruth. Petdeszet let'h hochu biti szuseny,
szamo da nyu najdem.

Ist. O! zakaj nészém moguch tebi zdra-
vje y jakozt dati!

Tesko je Istvan Rutharda potishil: za-
dnyìch mù je obechal, da kakmù ràna za-
czeli, chez nekuliko dan'h pojde z-nyim Ju-
ditu izkat: — takimù anda Ruthard ranu za-
vese, y na pochinek gâ poztavi: Ruthard
pako izide na zràk, miszlèchi zmír na Juditu.
Istvan takaj nemoguchi zpati, zmír miszlil
je na Rutharda, naj vekshega negda nepria-
tela: toga je naj bolye pri szerdczu peklo,
da nyemu za oszlobodyenye zahvalen biti
mora: y reche vu szebi: „To ni moguche,

dabi Ruthard meni iz szerdcza odproztìl: on mene szamo vu szvoju mresu vloviti hoche, doklam mù povem za Juditu: y kada zezna, ondasze ztoperv fantìl bude: drugo meni ni vchiniti, nego dasze od nyega razluchim; ar on mene zadnyìch vu pogibel poztavi: ali — kam pojdem? vszeszêm pogubil: o, kambi ishel? ovdé oztati hochu: prilichneshega za mē mezta ni na szvétu: szamo da mē nebi Ruthard bantuval, kakbi ja ovdé mìrno sivel: — bìli ja nyemu moju selyu odperl? bìli on k-tomu privòlyil? — bìli ja od nyega bìl szeguren? — za ovo mezto nigdo nezna: ovdé mē nigdo nebi nashel: O! kakbi za mē ovdé dobro bìlo! szamo m̂ on na putu bude: — o! da nyega ovdé nebi bilo: — kak bi ja ovdé mìrno sivel: ali — kak bi to mochi preobernuti! ah! jaszî moram ovdé mira najti:, vu ovéh odurnéh miszlih zazpì, y odurne szenye ima; da najmre vu puztchini ovì na szamoga oborusen jeden je navalil: na szudgâ pelyal; Juditagâ tusila: zatem bil je na szmert obszudyen: ter Ruthard bil je nyegov henkar: — z-toga ztrashnoga szna ravnosze je zbudil, kak je szuncze izhadyalo: y vu szebi reche: „Tak Ruthard bude henkar moj?

gdé pak je szada? izide vu jarek, Rutharda nevidi, nego zpazi szablyu, koju taki zdi-
gne, pod pazduhe dene, y Rutharda izche:
kojega najduchi zpechega, pochme z-vszemi
kotrìgi derbtati: y vu szebi velì: „on szada
zpi ovdé prez vszakoga orusja, hodi Istvan
gyegyerno k-nepriatelu tvojemu, y vmorigá:
y kadabi vre szablyu podigel, dagâ vumori:
nut jeden krichgâ je oszlobodil; Ruthard sze
gore zkochi, y vidi Istvana vu kervi plavati.
Bose dragi! kakovo je to delo? velì Ruthard,
y chudisze, kak josh Ztari vu rukah szab-
lyu dersì, y vidi oborusnoga proti szebi iti:
onda zkrikne, hotechì Istvanu mecha z-
ruk'h ztergnuti.,,

Ruth. Ha! Istvan fantilsze budem nad
szmertjum tvojum.

Ist. Zahman bisze fantil nad oném, koi
je mene szmertno ranil, moram neszrečno
vumreti; O Ruthard! jaszêm hotel tebe vu
sznu vmoriti, paksze je, nut! to meni dogo-
dilo: Pravicza Bosanzka je mene ztignula.

Ruthard kakti drevo poleg ztojèchi za-
zabilsze je, tak, da komaj zagledal oboru-
snoga poleg ztojechega.

Ruth. Tiszì hotel, Istvan! vu sznu vu-

moriti mene, koiszêm vchera tebe szmertí
oszlobodil? vumri anda, baremsze je szvét
oszlobodil jednoga hman chloveka: jatí vendar
odpraztcham, najtí y Bog odprozti: zatem
píta oborusnoga, kadagâ poleg je videl:

Ruth. Gdoszî ti, koiszî mene oszlobodil?

Obor. Videlszêm tvoju pogibel, kada
nad tê vu sznu buduchega nepriatel za vmo-
riti tebe szablyu je podigel, dusnozti mojoj
zadozta vchinil jeszem, pokehdob'h szêm
tebe, hvala Bogu, oszlobodil.

Ruth. Plemeniti Mladenecz! jatí lépo
zahvalyujem.

Obor. Najmî hvaliti; naj — o Ruthard!

Ruth. Kaj ti mene poznash?

Obor. O zaizto! y jako dobro poznam:
(zdehne) dajmî ruku tvoju.

Ruth. Ovotî je rùka moja, jatí hvalim:
nego dajmîsze videti, dasze razveszelím nad
tobum.

Obor. Ruthard! ja ruku tvoju k-szerd-
czu mojemu pritischem: tvoje Ochi na mē
priatelzki glediju: ali — dopuztimî to vesze-
lye, datîsze zproti neochitujem; ar bi tvoje
proti meni nagnenye zproti zniknulo: — Hvala
tebi, vishnyi Bose! daszîmî podelyil tu szre-

chu, daszém Rutharda oszloboditi mogel: o! kak je veszelo szerdcze moje! dopuzti, Ruthard! daté k-szerdczu mojemu pritiszнем.

Zatem od szuz'h niti govoriti ni mogel: k-jednomusze drevu priszloni: y vu gliboke miszli prepade: — Ruthard oszupnyen pred nyim ztoji: zadnyich ide oborusni k-nyemu, y pita:

Obor. Ruthard! jeszili ti szam ovdé?

Ruth. Zaizto szam; y vu ovoj szamochi sitek moj zprevadyam: pokedob'h pako ti mene poznash, jeli znash, daszém ja Juditu moju zgubil? ov zadnyich Ztari meni je povedal, da ona sive, ali nemorem véruvati.

Obor. Hodi, moj Ruthard! oztavi puztchínu ovu.

Ruth. O ne, ne! puzti mé ovdé; ovo je mezto za mé: ja vech nezpadam med lyudi.

Obor. Niti onda, kada tebi veszelye pripravlyeno bi bílo? nit onda? —

Ruth. Puzti mé, puzti; jaszém vech privchen k-vszeu neprilikam, koje mî vszu radozt prechiju, y na vekivechnu salozt vlecheju: vech mî je sivrèneye dodihalo: na

szvétu ovem, na kojemszém tulika podneszel, nikaj sze vech nadejati nimam.

Obor. Takovi dobroga szerdcza lyudi, kakszî ti, szvétu potrebni jeszu: neszmesh zdvojiti: hodi z-menu: ja, koi szém tebe szmertî oszlobodil, chakam veliki dar z-tém szegurneshe, ako zvun toga josche y pochinek y zadovolynozt szerdczu tvojemu prizkerbim: hochu tê nazad med lyudi zapelyati: gdé ti josh vnogo dobra nachinish, y ja sze nad viteskem glaszom tvojem raduval budem. O! kak bi ja seleg poleg tebe biti, ali ni moguche: tosze zadobiti neufam: — hodi, hodi, Ruthard! iz ruk'h mojih zadobish szerdcza radozt: o! kakovo je to veszelye, da tvoj, k-szebi dojduchi, nepriatel, tvoj dobrochinitel bude.

Ruthard toga ni razmel; zahmansze je terszil videti obraza nyegovyoga, rechiszamû nyegove do szerdcza doshle: oztavil je puztchînu, y z-nyim ishel; iziduchi iz loze, nashli jeszu dva szluge, koji z-konyi Gozpona szvojega, Mladencza najmre oborusnoga, chakali jeszu: zproti daju jednoga konya Ruthardu, drugoga Gozponu szvojemu, y odjashuju: putém zahman terszilsze je Ruthard

zpoznati Mladencza ovoga: on je szamo odgovoril, da mû naj za vezš dar y zahvalnozt to vezšelye dopuzti, damûsze nepokase: y ztém je Ruthard mîrno poleg jahal,

D E L XX.

ZEZTAJANYE, RAZDRUSENYE Y NAZAD ZKUP SZLOSENYE.

Nekuliko dni putujúchi, kada goder vkoje szelo bi dashli, Ruthard zkerbelsze je, dabi pajdasha prepoznal: ali on imel je jako pazku, da to ni moguche býlo: zadnyich dojdeju do jednoga klostra: *Oborusni* odszede iz konya pred vrati klostra, gdé nekuliko réchih z-vratariczum je govoril, y na jenput odprejusze vrata, y ovi dva Putniki zkupa vu jednu hisu ztupiju: y onda reche,,

Oborus. Nu! szada dragi Ruthard! kakszî budesh chutil pri szerdczu, kada videl budesh, kaj tvoje szerdcze nezmerno razveszeli?

Ruthard niti réchi ni pregovoril: chesz chasz vanesze chùje glàsz, odprejusze vrata; y nut! ztupi nuter Judita, z-kojum Abatisha y druge ztareshe Opaticze zkup dojduche raduvalesze jeszu nad parom ovém; ar vre predi od Judite vsze pripetchènye chule je-

szu: — Ruthard naj predi Juditu, zatem y Mariu kakti naj dragshu Tovarushicze szvoje priateljczu obme: vsziszûsze veszelili, szamo ov, koi naj vekshi vszega veszelya zrók je bil, y Juditu iz ruk'h Turchina oszlobodil, nyu vu kloster zapelyal, y Rutharda od szmertí obchuval, y tam dopelyal, ov jedini na ztrani je ztal: vszi anda k-nyemu prizkochiju, za tuliko dobrochintvo nyemu hváléchi: ali on reche: „Ne meni, nego Vishnyemu zahvaléte; kojému y ja hváliti nigdar nepreztaném, da prek moje vrednozi meni veszelye ovo je zvershiti dopuztil: budite meni dobro nagnyeni, drugo od vasz nepotrébujem: podajtemí vashe ruke, da nye k-szerczú mojemu pritisznem: ja vam iz szerczú selim szrechu, y blagoszlov, sivite szrechno zkupa vnogo Let'h, dragi Pari! y nezpozabetesze z-mene, priatela szada vashega: ter akopremgâ taki nepoznate, iz nyegasze vendar zpomenite.

Ztem oditi hochetega Ruthard za ruku prime, y veli: (dopuknuta z hlybi) (m)

Ruth. O Bose! ovak nebudesh od nasz ishel, dragi Mladencz! ja nebi nigdar pochinka imal, dabi tê ovak od mene oditi pu-

ztil: povedy nam, prosim te, zakaj nam-
sše nebi ochitoval? misze do smerti salo-
ztili budemo, ako neznamo tebe, dobro-
chinitela nashega.

Nepoz. Vashega dobrochinitela? o Bose!
vi neznate, kaj potrebujete od mene, vugo-
dno je meni priateljstvo vashe: ali — kak ze-
znate, gdoszem, vsze pretane: jaszem jako
zlochezt bil: y dozta vre saluvalosze je za to
szerdcze moje: ali — josche niszem zadozta
vchiril: tebe, Ruthard! y Judita naj vech
zbantuval jeszem, ter ravno kadaszemsze z-
szmertjum boril, vu puztchini onoj y shu-
plini, gdoszem tebe, Ruthard! smerti o-
szlobodil, pri jednem dobrem Ztarczu nashel-
szem hranu, y obatrivenye: on je mene na
dober put obernul: y szadasze salujem,
Ruthard! daszem tebe zbantuval: y radujem-
sze, daszem opet tebe nashel, y tebi po-
haszneti mogel: o Ruthard! odprozti saluju-
chemusze nepriatelu tvojemu.

Ruth. (Zkrikne) O dragi Hartvig!

Hart. (hiti z-glave kalpak) O dragi Ruthard!
Juditasze je nad tem zazabila: Ruthard!
Hartviga objimlye.

Hart. O! puztimé, puzti, Ruthard! ja

niszêm vréden priatelztva tvôga, doklam zezszem odproztchèney od tebe nedobim.

Ruth. O! kak nebi bil vreden, kada ne szamo mene, nego y Tovarushiczu moju oszlobodil jeszi? o hodi, datê pritiszнем kszerdczu mojemu, nut! y pakszêmtê nashel, dragi priatel! O naj szréchnesha vûra sivlènya mojega! Tovarushiczu, priatela nashel jeszem, kojega negda nezmerno lyubil jeszem, nad kojega pokvarjenyem nezgovorno saluvalsze jeszem: y nut! szada nyega vre drugoga, vre pobolshanoga vidim:—o Bose! z-kulikum radoztjum ti suhkochu moju premenil jeszi!

Szadasze je zmiszlil Ruthard, kak vu shuplinu onu Hartvigova szablya doshla je bila: y odkud kerv vu kuhinyi videlasze. Hartvig kadabi od zadnyega harcza vezsz ranyen odbesal, vu ono zkrovno mézto je bil doshel, y hrànu onde dobil: Hartvig pervi je zeznal, da je Judita vu Turnu onem zapèrta, kaj on z-saloztjum Ztarczu je povedal; y ovomu iztomu Ztarczu Hartvig zahvaliti mora za pobolshanye szvoje: o kuliko Ruthard y Judita raduvalisze, y kak lehko Hartvigu odproztili jeszul! — zatem pako Ruthard Hartviga od sze-

be ni pužtil, Abatisha nyim zkupa ödzada vu klostru hise za opochinutisze je priredila: ali pochinka imali niszû: Hartvig imal je preveliko vészelye vu priatelztvu Rutharda: kak y Maria nad vszém dogodyenyem oszebujnosze je raduvala. Zadnyich pochmeju dokanchat, kam budeju ishli: zmiszlisze Ruthard, kak negda lépo sivilénye y vugodno pri Zrinyu Mikuli, Horvatzkem Banu, on y Hartvig vodili jeszu: seled je anda ovoga vrédnoga priatela josh videti: y reche:

Ruth. Ufamsze da pri nyem josh lépa y vugodna léta zprevadyali budemo: ja za chasz oztavim Juditu ovdé vu klostru. Zriny dà meni pomoch, kak nyu od ovud szegurno k-nyemu dopelyam: gdé mi zkupa vu vszoz radozti sivele budemo.

Hart. Taksze ja opet od tebe razluchiti moram, dragi Ruthard! jaszé neufam vech k-Zrinyu iti.

Ruth. Kaj? — kaj? — Hartvig! taksze josh nad nyim fantish?

Hart. Bog oszlobodi, to ne: nego kakbisze ja podztupil k-onomu iti, kojegaszém prevaril, y nyemu nevéren bil poztal: Zrinyevu szerditozt vtasiti lehko ni mochi, kak

je Ruthardovu: ja od nyega odproztchène, koje jako dobiti bi sešel, nigdar nedobim.

Ruth. Hodi z-menum dragi priatel! ja tî dober ztojim, da tî Zriny odprozti: ja poznám nyega, y nyegovo dobro szerdcze: oh! kak mé to veszelilo bude, da vasz dva zku-pa pomirim, y nazad vu priatelztvo negdashnye zpravim.

Po dugem zadnyìch nagovarjanyu privòlyìl je Hartvig, da z-Ruthardom k-Zrinyu ide: drugi dansze Juditi zpricha; ona, akoprem tesko je nyega od szebe puztila, proszila je vendar zkup z-Marium, dabi josh jeden dan zkupa oztali, y dabisze potlam na zkorom povernuli.

Kad' je anda odhodka dan naztal, Juditu y Mariu preporuchiju Abatishi, poszedû na konye, y berzo odidû: z-kem blise Chakovcza prihadyali jeszu, z-tem Hartviga szerdcze je bolye peklo, da je negda Zrinya tak merzko zbantuval: aligâ je Ruthard zmìr batrivel: zadnyìch dojdû vu Chakovechki kotar, y idùchi chesz shumu, chuli jeszu jagarzki rog, y kopove gonech: naztane takaj y krìch, nad to velì Hartvig: Nekoi neszrechni potrebuje pomoch, pritiszne ko-

nya, y zraven tam jashe, gde je kriča chlul: Ruthard je za nyim povszud ishel: dojduchi anda vu jedno mezto bolye proztrano, zpa- ziju jednoga Jagara z-divjakom borechega sze, koi ga vre na zemlyu je hitil: prizko- chi naglo Hartvig kakti ztrela, y na jeden- put divjaka vubije: onda obodva odszede- ju, da berse neszrechnomu Jagaru, koi vre vu kervi je lesal, pomogu: ali — o salozt! to je izti Zriny bil, na kojega krič y dru- gi Jagari doderchali jeszu, koji nyega na szversje drevja zpleteno poztavili, y med szobum vu Chakovecz saloztno odneszli jeszu, kojega takaj Ruthard y Hartvig z-velikum- turobnoztjum zprevadyali jeszu.

Po malem Vrachitela pomaganyem Zriny nekuliko k-szebi je doshel, ufanye vendar sivrènya dugshega ni imel; veszelo pogleda Rutharda poleg poztelye szvoje klecheche- ga, y reche,,

Zriny. O kak je meni drago, da tebe, dragi Ruthard! videti morem: na vekszèm za tÈ miszlil, niti vumreti nebi bil mogel, doklam tebe nebi bil videl: jeszili ti me- ne od ztrashnoga ovoga divjaka oszlobodil?

Ruthard szada povedal je Zrinyu, kak

oni y Hartvig nyega od divjaka oszlobodili jeszu: kaksze Hartvig saluje, dagâ je negda zbanuval; kaksze je vezda zevszema pobolshal, y zadnyich, kak on izti Juditu y nyega je szmerti oszlobodil: y da je szada szam z-nyim doshel, da odproztchêneye zprozsi: nad to podignesze malo na poztelyi, y zpazivyshi Hartviga, digne ruke y reche,

Zriny. Odpraztchamti, Hartvig! odpraztcham.

Nad to Hartvig hitisze dole na kolaena, y plachuch zahvalimû. Zrinyu pako vsze veksha tesina je dohadyala, y chez nekuliko vremena na veliku Tovarushicze, y ovéh dvéh priatelov salozi preminul je: nad kojega szmertjum vszi oni suhko plakalisze jeszu, y nyega z-velikum saloziťjum vu grob zpravili.

Videchi ovi dva, da po preminutju Zrinya vech nikaj tam ufatisze nimaju, zprihajuchisze povernulisze jeszu vu kloster, vu kojem Juditu y Mariu oztavili jeszu, da y nye od onud odpelyaju vu Austriu, vu on grad, kojega Leopold Czeszar Ruthardu bil je prikazal: Hartvig vezelo szledoval je czélém pùtom Rutharda priatela szvôga.

Judita dugshe chakajucha Tovarusha Rutharda vu salozt veliku je prepala, stima-jùcha, dasze je y pak kakova neszrécha pripetila: ali dojduchi, zrok oztajanya dugshega, szmert najmre Zrinyevu, povedali jeszu: y kajti vishe poszla onde imeli neszû, zpri-chajuchisze Abatishi, nyoj za dobrochinztvo zahvalivshi, y po premoguchnozti nyu darujuchi vu Austriu odishli jeszu.

Videlosze je, da nye neszrecha pregan-yati je preztala; ar szrechno iz Vugerzko-ga orszaga vu Bech doshli jeszu: y Ruthard zproti k-Czeszaru Leopoldu ishel je, y kadabi nyemu vsza pripetchènya dopovedal, Czeszar veszel, poznajuchi Rutharda y Juditu rekel je: nikaj mé bolye veszelilo nebu-de, kak da vasz szrechne vidim: odidite anda vu grad, vu kojem szada mezto vasz jeden verli chlovek gozpodari, y vu kojega zpoznanyu vi veszeli budete.

Ovak od Czeszara obilno daruvani, idu-chi vu grad videli jeszu veliku premembu; ar loze nepotrebne pokerchene, y hise za podlosnike napravlyene bile jeszu: koji y szrechno onde ztanuvali y Gozpodi dohodek dragovòlyno donashali jeszu.

Ruthard po szluzi jednem napervo vu grad dosheztek szvoj je obznanil: na koji glasz vszi szelyani selechi videti y poznati Gozpona szvojega, van zderchali jeszu, y vre pred grad dojduche ztari Rutharda Otecz z-czélum grada drusinum veszelo je prijel, y pozdravil.

Kuliko pako veszelye Ruthard, y Judita videchi Ztarcza otcza, y Ztarecz Rutharda otecz, videchi y pak sivoga y zdravoga szína, zkupa y z-Tovarushiczum nyegovum chutili jeszu, pero izpiszati nemore: ovak anda vu zadovolynozti y veszelyu buduchi, miszlili jeszu, kakbi y priatela szvojega Hartviga szrechnoga vuchiniti mogli, y drugo nikaj znashli niszâ, kak da nyega z-Marium, koja takaj z-Juditum kakti velikum priateljczum doshla, y vre y tak Hartviga rada je imela, zdaju, y zkupa zpraviju: kaj kadabi bíli y vuchinili, vszi potlam zkupa vu jedném priatelzckem drustvu vu gradu ovém vnoga Léta zprevadyali jeszu, doklam neogiblyiva szmert vszem z-vremenom vuchinila je,

Konecz.

Pri Ferenzu Suppan, Knyigaru vu
Zagrebu za prilosenu Czénu vu szrebru
dobivasze.

Verhovacz Makszimil. (Biskup Zagr.) Podvu-
chanya vu naj poglaviteshéh, y naj osze-
biteshéh Kerztchankéh dúsnostjah, meh-
ko zvezan ztoji 1 for. 56 kr. tvrdo zvezan
1 for. 48 kr.

Miklòushich Thomash (Pl. Zteny.) Ztoletni
Dnèvník (Kalendar) mehko zvezan za 40 kr.
tvrdo zvezan za 48 kr.

— — Huta pri Szavi, ili: lyúbav. Igrokaz ná-
rodni vu dvojem izpelyivanyu, pri pre-
davanyu Iliriuma napervopoztavlyen; za
10 kr.

— — Lyubomirovich, ili: priatel pravi, y
Grabancziash Diak; za 56 kr.

— — Eizimakush, ili: Machuhinzki nazlob;
za 12 kr.

— — Diogenesh, ili: szluga dvéh zgublyenéh
bratov; za 20 kr.

Oglasz Gozpodarzki od Tuche y Ztréhl Zvo-
ditelov, ili: Odvernitelov, Nemsko y
Horvatzko; za 8 kr.

P. G. C. Neztranchno vezdashnyega Tabora
izpiszavanye za leto 1788–1790. za 24 kr.

Nemaska Gramatika, zadersavajucha temelji
nemskoga jezika za podvuchanye onéh,
kojisze nemskoga jezika navchiti selé; za
10 kr.

Szvèti Evangeliumi Nedelnyi y Szvètečni
czèloga Léta; tvrdo zvezan za 48 kr.

Kriztiani Ignacz (Kapel. Zagr.) Náchin vu
vszéh sívlénja dogodyajih vszigdar zado-
volynomu biti za 48 kr.

— — Blagoréchia za vsze czeloga leta Ne-
delye, na dve ztrane razdelyena. 8. bro-
schirt 2 fl. 15 fr. steif geb. 2 fl. 30 fr. auf
Belinpapier Halbfranzband geb. 3 fl. 30 fr.
Pomochnik betegujuchéh, y vumirajuchéh
12. vu Zagrebu 1852, steif gebunden mit
Futtral 40 fr.

Popevke pod svétum Meshum y pred Pro-
dechtvom za 4 kr.

Vrachitel betegujúche sívine, to je: Vrach-
tva za rogatu Marlu, Kermke, y Mladinu
van dana naj pervieh po J. G. O. R. G. Z.
vezdu pako po F. G. O. K. Z. na obchiu-
zku haszen za 15 kr.

Lalangue Ivan Vrachtva ladanyzka, za po-
trebochu musev, y szíromakov horvat-
zkoga Orszaga, za 36 kr.

Vranich Anton, Horvatzki detcze priatel, ili:
mlajshi Robinson, kruto povolyna y vu-
godna pripovezt. 2 Del. za 1 for. tvrdo
1 for. 20 kr.

Rosich Anton, ztoletni Kalendar od leta 1818
do 1919 za 20 kr.

Pobosnozt k-bosanzkomu Szerdczu Jesusha
Odkupitela nashega, kakú zjedinenye
szvojemi Pravoverniki, z-kipom za 12 kr.

Naredba obchinzka. Za ravnanje, y obder-
savanye tak Drusine, kak Gozpodarov pre-
piszana za 4 kr.

Sipus (Josef) temelj xitne Tergovine polag
narave y dogacsajév razborito za 12 kr.

Meznara (Dav) Pridika od szv. Martina Turonskoga Biskupa kanoti odvitnika illiti Patrona xupne Cerkve u slavnome Poxeshkoga Comitata Spailuka Brestovacskomu podignute za 6 kr.

Gregor (P. kap.) Horvatzka od Kristushevoga Narodjenja Vittia, za 6 kr.

Od zkerbi y pazke v-okal Ovacz, kaksze najmre vu dober ztalish poztaviti, y vu tom chuvat mogu 12 kr.

Romanj (Anton) kratek Navuk poleg kojega, naj bolye beleh murvih drevje zadobivasze, ter y szvilni chervi redno hranitische mogu, vu dve Knige razdelyen za 10 kr.

Zachetek Historie, illiti kratki y lehkek Nachin mlade Lyudi Historie nauchiti, od jednoga Massnika, za 8 kr.


Gyurkovechki (Jos.) Jezichnica horvatzko — slovinzka za hasen Slavincev, i potrebochu oztaleh ztranzkoga Jezika Narodov, za 40 kr.


— — Izvod Navukov od Boga, i Vere Katholichanzke za Potrebochu, i Haszen Puka ladanzkoga, za 10 kr.

— — Kratko — zpravek Evangeliumov Nedeljneh, i Szvetechneh zajedno z-razdelenjem, i Navukom kratkem iz njih speljanem, za 20 kr.

Farkas (Ljudovit) Golub. Igrokaz vu chetireh Zpeljavanjih, za 24 kr.

Stoosz (P.) Plach Horvatov nad Szmertjum Bana Gyulaja, za 5 kr.





Österreichische Nationalbibliothek



+Z185619401

